



ЙИЛНИНГ МАЗМУНИ

"Оналар ва болалар йили", "Қарияларни қадрлаш йили", "Сиҳат-саломатлик йили", "Хомийлар ва шифокорлар йили", "Ижтимоий ҳимоя йили"... Агар эътибор берсангиз, бу йиллар маъно-моҳиятида бир мунтазамлик, уйқашлик мавжуд: чин маънодаги гуманизм (гуманизмни ўзбекча қилиб баъзан "инсонсеварлик" деймиз, "одамгарчилк" десакмикан...)

Аввалимбор бу сиёсатнинг тагида гап бор. Давлат раҳбари фуқароларга яхши кўриниш учун қиляпти десак, қалтабинлик қилган бўламиз. Сабаби раҳбарнинг ҳалқа яхши кўриниш учун бошқа йўллари кўп. Бундан ташқари бундай гуманистик шиорлар билангина оммани чалғитиш жуда қийин. Ҳалқа бош раҳбарнинг событқадамлиги, тўғрисўлиги, адолати муҳим. Чунки бу омиллар бўлмаса ҳамма нарса издан чиқади. Парокандалик бошланиб, одамларда ишонч туйғуси сўниши мумкин.

Ҳамма айтиёттанинг такрор уқтиргинг келмайди. Лекин бу оддий шиор эмас, сиёсат эканини эътироф этиш шарт.

Ҳар йили Президент қарори билан Республика бўйича қилинажак ишлар дастури ва режаси ишлаб чиқлади. Йил давомида у ҳаётга татбиқ этила боради. Бир жойда милён сўмлик, яна бир жойда милярд сўмлик иш қилинади. Қайсирид хотамтой ўз чўнтағидан стадион, соғломлаштириш маркази, шифохона ёхуд поликлиника курди, кимдир мактаб курди; яна кимдир меҳрибонлик уйи тарбияланувчилирага, бошқаси қариялар уйига саҳоват кўрсатади. Албатта, ҳоким ёки бирор бошқа раҳбар мана бу етимларнинг бошини силайсан, деб унинг ёқасидан олиб судрасада, ўзи хоҳдамаса, бу ярашмаган юмуш бўлар эди.

Деновда Аҳмад фермер дегани бор. Ўзбекистон Қаҳрамони. Бултур бир неча бор телевизорда кўзим тушди: бир қараганингда янги мактаб биноси курган, яна бирида стадион, бир гал эса ўзининг ишчи-хизматчилариша шаҳарникидан қолишмайдиган саккиз квартиralими, ўн олти квартиralими икки қаватли "дом" куриб берибди.

Раҳбарнинг исми ёдимда йўқ, Андижонда "Мустақиллик" кўп тармоқли ишлаб чиқариш фирмаси бор. Қайсирид йили "Ташаббус" кўрик-танловида Республика ғолиби бўлган эди. Айланма маблағига эътибор берсангиз милярд-милярд деган пуллар билан гаплашади.

Яна Деновда Баҳром Дилов деган ёш фермер йигит бор. Қарамогида мингдан зиёд қорамоли, кўй, от, тuya, эчки — кавш қайтарадиган ҳамма ҳайвонлардан бор. Пахтаям, галлайм, сабзавот ҳам, мевали дараҳт ҳам экади; тикувчилик, колбаса, пишлоқ, сут маҳсулотлари ишлаб чиқарувчи цехлари мавжуд. Бир қарасанг маҳаллага, бир қарасанг ночор оиласаларга ёрдам қилиб ётади. Обуна масаласида кўмак сўрасант ҳам йўқ демайди. Нашрнинг сифатини ошириш борасида бир муддат "амри-марьуф" ҳам қилиб кўяди. Тан бермай иложинг йўқ.

Бурунгининг ҳадяси — қўй билан қўзи,
Бурунгининг ҳадяси — бир қуийк кулча.

Иштончан кунларда шуни қўшиқ қилиб ҳамсояларникига рамазон айтиб борганимиз.

Кимдир кучугига талатган. Бирори қурут, майиз, туршак берган. Бири еб ўтирган филминдисидан, кимдир

куйик кулча ҳам бергандир — қоронги эди кўрмаганмиз — кўрмай талашиб, бўлишганимиз.

Ҳамма ўз замонасининг бойларини зиқналиқда айблайди: Ҳамза — Солиҳбойни, Ойбек — Мирзакаримбойни...

Аммо ҳар замоннинг ўз хислатлари бор.

Бурунгининг бойи қирқ кечоа қирқ кундуз овора бўлиб тўй қилиб ётган. "Алпомиш"да куйланишича камбағал, етим-есирларгаям ҳиммат қилиб, тирсагига довур мой оқизиб ош едирилган.

Эндининг бойи пишиқроқ ҳам ўткирироқ. Борингки, саводи ҳам тузук — русча, баъзан инглизчани қийиб кўйишиди: бир чўнтакда "сотка" — хоҳ тўйда, хоҳ йўлда бўлсин — уммон ортидаги шериклари билан ҳам мунтазам тиллашиб туришади; бир чўнтакда, албатта, калькулятор — ҳар сонияда фойда-зиёнини текшириб боришиди — эҳтиёт шарт-да.

Бугуннинг бойи пишиқ дедик. У одамларнинг вақтини увол қилмайди: бир кунда тўкиб-сочиб совуриб тўй ўтиказиб юборади. Тўйда қатнашган-қатнашмаганлар эллик минг, юз минг долларнинг бетига қарамади деб, алқашади. Ўткирлиги шундаки, бефойда одамларни нўмирангтан стулда қоққан қозикдек ўтириб, еб-ичиб, вақтида туриб кетишинг керак.

Тунов куни "Ташкентская неделя" газетасини варақлаб етти юз минг долларга сотиладиган ҳовлига кўзим тушди. Ишонмай рақамларни қайтадан санаб чиқдим: тўғри, етти юз минг! Бир журналист дўстимга шуни айтсан, (менсизмай!) бир таниши Қиброй йўлидаги ҳовлисини бир милён икки юз минг долларга бермаганини айтди. Бу лоффир-лоф эмасдир, эллик фойизи ҳақиқат бўлгандайм яхши-да. Зўр! Демак, кучайиб боряпмиз...

Лекин баъзи нарсалар одамнинг ҳафсаласини пир қилади. Биринчидан бу уйларни кўриб, суришираверсанг, этинг жунжикади — фалон чиновникнинг отаси, тоғаси, холавачаси, югурдаги... Демак, ўша одамнинг ўзиники. Шунинг учун ҳам улар элга ош бермайди — қўрқади; мактаб, шифохона қуриб беминнат топшириб юбормайди, қўрқади, кимсан — фалончи, хўш, қайси пулига қурибди? Бу саволга жавоб бериш керак-ку! Шу боис улар ўткириб — ўзларидан бошқани ўйламасликка мажбур. Аммо, не кўз биян кўрингки, Аҳмад фермер деганларини бир чўқишида қочиради.

Бу мавзунинг тагига етиш қийин. Гапнинг гали келганда ҳангома учун айтдик. Гурунгларда ҳам бу нарсаларни бемалол гаплашверамиз-ку, тўгримасми?

Нима бўлгандা ҳам бизда бош ислоҳотчи давлат бўлгани сингари шиорлар ҳам Президент томонидан ташланяпти. У — сиёсат. Эзгу сиёсат.

"Ижтимоий ҳимоя йили" деган сиёсатнинг ортида қанчадан-қанча савоб ишлар ётибди. Етимга, ногиронга, муҳтожга, қарияга қилинган яхшилигинг учун мўл-кўл дуо оласан. Уларнинг дуоси воҳиб. Оллоҳ кўлласин, деб дуо қилади.

Ҳар биримизни Оллоҳ кўллаб юрсив!

ЗАБАРЖАД

Киноқисса

ГУЛНОР
2007

Суратларни Гулнора Раҳмонова чизган.

**Муқаддесма**

Ёз куни. Тушдан кейинги сокинлик.

Айқыриб оқаётган сой ёқалаб ўттиз беш-қирк ёшлар чамали бир киши енгил хиргой қилип келмоқда. Вақтичоқ, қадам олишларидан андак ширакайфлиги билинади.

Нариги томонда — қуюқ дараҳтзор чорбоғ этагидаги тикроқ соҳилда, олдида ҳар хил күғирчоқ, ўйинга машғул бўлиб ўтирган олти-етти яшар қизалоқ сой ёқалаб келаётган кишига кўзи тушиб шодон қўйқиради:

— Дадажон! Дадажон!

У ўрнидан тураётиб олдинга мункийди ва оёғи остидаги күғирчоқларига қўшилиб сирпанадумалай сойга тушиб кетади.

Қизалоқ сув юзасига бир қалқиб чиқади-ю, жонҳолатда типирчилай-типирчилай чўка бошлайди.

Нариги қирғоқдан ўзини сувга ташлаган ота уч-тўрт ҳамлада қизга етиб олади-да, уни боши узра баланд кўтариб соҳил томон отиб юборади. Кейин ўзи икки-уч марта талпиниб юзага чиқади-ю, бирдан кўринмай кетади.

Сув сатҳида уюрмасимон ҳалқалар ҳосил бўлади, қизалоқнинг турли-туман кўғирчоқлари ўша доира бўйлаб айланади.

Соҳил узра эсини йўқотиб қўйган қизалоқнинг чинқириги янграйди:

— Дада-а-а! Дадажо-о-он!

* * *

Забаржад деган бир... қиз деймизми энди, жувонми... оппоқ елкалари очик, гулдор чойшабни ичкўйлак мисоли кўлтиқлари остидан ўтказиб тангиф олган, эшик ёнбошидаги электр тугмачасини босиб, чароғон ваннахонага киради. Аллақандай сирни англаб етмоқчи ё ниманидир салмоқлаб кўраётган каби қўлидаги гижимланган оқ рўжага бир нафас тикилиб туради. Кўнглидан кечтани эса бундай:

— Шуғина керакмиди сизларга? Мана, тамом!

У рўжани ваннага отади-да, жўмракни очиб юборади. Шариллаб оққан сув гёй бир зум қон тусини олади — жомга тушибоқ қип-қизил қонга айланётир!

Кўзида ёш ҳалқаланган Забаржад бир сесканиб, жомга дикқат билан тикилади. Йўқ, сув! Оддийгина сув. Андак хира тортгандек, холос.

Ванна деворига ёпиштирилган зарҳал тасвирдаги яримланғоч ишвакор жонон сирдошларча кўз қисиб қўяди.

Забаржад рўпарадаги доирасимон кўзгуга солади ўзини. Сочлари бетартиб хурпайган, кўзининг сурмаси чаплашган.

**Отим ориқ, манзилимга етолмайман-о...
(Кўшиқдан)**

Юзини ҳар мақомда буришириб кўради, тилини чиқариб ўзини масхара қилган бўлади.

— Кўнглингиз жойига тушдими, жоним? Баттар бўлинг!

Сўнгра кўзгу тагидаги жўмракда юзини яхшилаб ювиб, тағин аксига боқади: шўх нигоҳлар ўша-ўша, кулгичлар ўша-ўша — бирор нарса ўзгармаган!

— Хеч гап эмас экан-ку!

* * *

Тангу тор ошхона. Дераза ёнидаги емак столига тирсак тираб бир киши ўтириди. Майкачан. Чекяпти. Ўртаяшар. Сочига оқ оралаб қолган. Юзи кўринмайди.

Забаржад орқадан келиб уни бўйнидан кучади, соchlарига ўзини сўйкайди.

— Дадамнинг ҳам соchlари шундай эди. "Нега бошқаларнинг сочи қоп-қора-ю, сизники бунақа?" деб сўрасам, "Мен кул сепиб олганман-да", дердилар.

Забаржад столни айланиб ўтиб, ҳалиги кишига рўбарў ўтиради. У ҳам столга тирсаклаб, суҳбатдошига тикилади.

— Пушаймон қиляпсиз-а? Бўлгани бўлди энди, дўстим, ўйламанг! Бу ишда бой берган мен-ку, сизга нима? Лекин ўзим ҳечам афсус қилмаяпман. Қайтага, кущдек енгил бўлиб қолганга ўхшайман. Орзум шу эди, мана, етдим. Беш йил бўлди-я! Энди сиздан бошқа бирон эркак бу оstonани кўрмайди. Забаржад сўзим! Ё келсинми, майлим? Гапирсангиз-чи, ахир! Э-э-э! — Забаржад худди ёш болага дўқ қилаётгандек бир жазава билан столга шапатилайди. Сўнг бирдан юмшаб, жилмаяди. — Тўғрисини айтинг, кутмаганимдингиз? "Қари бўлса ҳам — қиз яхши" деган гапга энди ишонгандирсиз? Э, ким ҳам ишонарди — ўттилардан ошиб, шу вақтгача.. Уятсизман-а? Қип-қизил шарманд! Уриб-уришадиган эринг, уяладиган боланг бўлмаганидан кейин одам бора-бора мана шундай беҳаёга айланар экан, дўстим!

Ўргтада турган чинни тарвузга пичноқ санчилар-санчилмас (сўяётган кишининг фақат кўли кўринади), у паққа иккига бўлиниб кетади. Қондек қип-қизил! Забаржад тарвуз палласига чангаль уриб "юраги"ни ажратиб олади-да, стол узра узалиб "дўсти"нинг оғзига мажбуран тикиди.

— Кўполман-а? — дейди қилмишидан куйингандек. — Кўполман. "Сен, Забар, асли ўғил бола бўлиб туғилишинг керак эди, нимадир хато кетган-да", дердилар дадам. Ростдан ҳам, ўғил бола бўлганимда бундай юрмасдим. Ий-й, йўқ, йўқ, шундай — қиз бола бўлганим яхши! Ўғил бола бўлганимда сизни қаёқдан кўрардим, тўғрими? Ўғил бола... Мана кўрасиз — ўғил бўлади. Аниқ, а-аниқ! Ўзингизга ўхшаган: қоравой, индамас. Агар... мабодо қиз бўлиб қолса, дуч келган бирортасига шартта тегиб оламан, Забаржад сўзим! Қиз бола отасиз ўсмаслиги керак. Отасиз ўстан биттасини, мана, кўриб ўтирибсиз!

* * *

Забаржад енгил-енгил ҳатлаб зинапоядан тушмоқда. Иккинчи қаватдан ўтаетганида орқадан бирор товуш қилади:

— Забар, Забар, ишга кетяпсанми?



— Балиқ овига! — дейди Забаржад беписанд ўтирилиб.

Ён тарафдаги салқы занжирланган эшик тирқишидан соч-соқоли ўсіб кеттан құсқы бир башара чала күрінади.

— Мениям билла опкетсанг-чи! Сувга тушиб кетмагин деб белгінанғдан күчкөлбап ўтирадим.

— Қармоқ-пармоғинг йўқ-ку, Зокир, — дейди савдои құшнисининг бу каби шилқимликлариға күнікіб кеттан Забаржад беозор кулемсираб.

— Менинг қармоғимни күрмажансан-да, ҳей қиз! — дейди Зокир очиқа бетамизликка ўтиб. — Во-ей, бунинг фигурасини қаранг! Шимлар тарапт, күкраклар диркіллаган! Ўлиб қоламан, во-ей!

— Хе, айнимай ўл! Девона!

Ўйламай айтган гапига чув тушган Забаржад уч зинани битта қилип пастга отилади.

— Менгаям опке балиғингдан. Лаққасидан бўлсин, ҳей! — деб қолади "занжирбанд".

* * *

Серсоя ҳовли ўртасидаги шийпончада доимий улфати Юра пиён билан домино ўйнаб ўтирган олтмиш ёшлардаги чуваккина одам — Зокирнинг отаси Восил амаки йўлакдан чиққан Забаржадга кўзи тушиб, ўзича яйраб кетади:

— Ҳа, Жўрабойнинг қизи! Келинчакка ўхшаб қолибсан, тўй қачон?

— Сизга ҳар куни тўй-ку, Восил амаки! — дейди Забаржад хушхоллик билан; асли беғубор шу шўрликка раҳми келади доим.

— Йўқ, сенинг тўйингда тўйиб бир ичиб армондан чиқмоқчиман-да, қизим. Ошнам раҳматлини эслаб!

— Куёв топилмаяти, амаки, куёв йўқ!

— Сендай нозанинга қарамаса, йигитман деганларининг кўзи қаёқда экан-а!

— Ўзингиз келин қилақолмайсизми?

— Зокиргами? Э, у сенга тўғри келмайди — турэмшик!

Иккинчи қават деразасидан ҳайқирган овоз келади:

— Ким турэмшик, ҳў пиёниста! Үзи кўниб турибдику, босиш керак!

Восил амаки хира пашшани ҳайдаган каби дераза томон кўл тўлғаб қўяди: бас қўл!

Забаржад узун боғичли сўмкачасини елкасидан олиб, кавлай-кавлай улфатларга яқинлашади. Кафтида фижимлаган пулни билинтирасликка тиришиб Восил амакининг чўнтагига тиқиб қўяркан:

— Куёв топсангиз — суюнчисига, — дейди пичирлаб. Восил амаки сўниқибгина ерга қарайди.

— Раҳмат, қизим. Пешонант очилсин илойим.

Юра пиёнинг кўзи чақнаб кетади, қизга умид ва ҳавас билан боқади. Кейин энгашиб, кўлбода стол тагидан қизиши шишини олади.

— Давай!

Дераза тарафдан яна шангиллаш эшитилади:

— Неча сўм экан, ҳў пиёниста? Бир тийинини ҳам қолдирмай менга берасан, билдинг! Энди у менинг қайлигим-ку! Кечқурун менга балиқ опкелади, үзи айтган!

Восил амаки аста бошини кўтариб деразага қарайди. Бир лаҳзада кўзлари қизариб қолибди.

* * *

Забаржад уйни айланиб ўтиб йўлкага бурилганида учинчи қават деразасидан аясининг саси келади:

— Ҳой бойвучча, анови тасқарага нега пул берасан?

Забаржад йўлидан тўхтаб, деразага юзланади:

— Кимга? Қанақа пул?

— Ҳали деразадан ўзим кўрдим-ку!

— Раҳмим келади, ая. Ичим ачийди кўрсам.

— Менга раҳминг келсин! Сен етимчаларни хорлигу зорлика боқиб катта қилган онангга ичинг ачисин!

— Яхши одам-ку, ая! Доим дадамни гапиради ўртоқлари эди.

Деразадан энгашиб олган Вазира опа баттар тутикади:

— Қанақа ўртоқ?! Бир жойда ишлаган, холос. Ҳай, ана, шунчаки бир қўшини! Яхши одамни хотини ташлаб, қизиникига бориб ўтирадими, а?! Яхши одам пуштикамаридан бўлган фарзандини занжирга солиб қўядими?! Яхши одам қизи тенги бирордан садақа оладими?! Яхши одам бўлса, эртао кеч...

— Бўлди, бўлди, ая! Қўни-қўшини эшигади. Нима қилсан бечора? Ўзингиз биласиз-ку!

— Ана, жиннихонага элтиб топширсин!

— Ая! Ҳар ким аҳволини үзи билади. Биттаю битта ўғил!

— Ҳали сен чиққан заҳоти Диля ўртоғинг телефон қилувди, — дейди Вазира опа негадир дарҳол шаштидан тушиб. — Ишхонангнинг олдида кутармиш. Гапи бор экан.

— Гаплари бўлса, ўзлари келиб мени опкетмайдиларми у танноз хоним! — дейди Забаржад йўлга тушаркан, нимадир нашъя қилиб. — Тагларида — "Нексия"! Диля Дубай!

— Ҳой, кирпорошок эсингдан чиқмасин-а!

* * *

Микроорганизмлар тадқиқоти институти.

Сўмка-пўмкасини қўйиб, оқ халат кийиб чиққан Забаржад гез-тез юриб майдон четидаги дараҳтлар соясида турган "Нексия"га яқинлашади.

Ялтири-юлтири ясасиб олган Диля кимгадир "Нима ўйласангиз ўйлайверинг! Бугун келмайсиз, тамом! Тоже мне!" деб жаҳи қилади-да, қарсиллатиб телефончасини буқлайди.

— Қани, гапирсинглар, — дейди мошинага кириб унинг ёнита ўтирган Забаржад.

— Ўтирибсан микробларга ем бўлиб?

— Микроб эмас, саводсиз, фойдали микроорганизмларни тадқиқ этиш институти!

— Бари — бир гўр.. Кетяпман, ўртоқ!

— Янами? Ӯша ёққа?

— Бошқа қайга бўларди! Бу сафар олти ойга!

— Етар дейман.

— Етмайди, Забар! Ментга етмайди! Сенинг-ку даданг ўлган эди, мен бир қари кампирнинг қўлида тирик етим бўлиб ўстанман. Қўзим оч. Бўлса, яна кўпроқ бўлсин дейман. Шунқа. Дугонантнинг феълинин биласанку, ўртоқ! Бола катта бўлиб қоялти. Келажакда ўқишини ўйлашим керакми — керак! Участка қурмоқчиман. "Дом" жонга тегди — бурилолмайсан, тангу тор. Кейин — мен ҳам одамдай яшашга ҳаққим борми, йўқми?!

— Яша, яша. Рухсат бердим.

— Кулма, Забар. Анови сўтакнинг аҳволини ўзинг биласан. Ўига бир сўм топиб келолмаса! Кўлидан бир иш келмаса! Кетига тепганимга икки йил бўлди, ўртадаги ўғил баҳона, сиртига сув юқтирамайди-я! Худди хеч нима бўлмагандек, "Уйингнинг калитини ташлаб кет" эмиш! Ижарага қўйиб пул ишламоқилар! "Ебсан", дедим. Эшигдинг-ку ҳали. Ижарага қўядиган бўлсан, ўзим қўймасмидим! К чему это мне! Тўрт пул чиқадими, йўқми, шунча ремонтимнинг дабдаласини чиқазиб ташлайди. Биламан, маржабозлик қилмоқчи бу. Ўргилдим сиздай маржабоздан! Ҳолинг менга маълумку. Қўлингдан бирор иш келганида мен бундай сарсон бўлиб юрармидим! Калитимнинг биттасини сенга ташлаб кетмоқчиман, Забаржад. Лойимиз ҳар жойдан бўлгани билан эски ўртогимсан, мактабда билла

* * *

Директор қабулхонаси.

Эшикни тарақлатиб ичкаридан Забаржад чиқади. Ранги ўчган. Лекин юзида аллақандай телбavor бир табассум.

Ўзи ўлгудек қаримсиқ, аммо роса ясан-тусан котиба аёл ўрнидан туриб кетади:

— Нима гап? Тинчликми?

— Компьютер синди шекилли, — деб жавоб қиласи. Забаржад ғалати заҳарханда билан. — Баш ҳам ёрилгандир.

— Вой, нега синади? Нима ёрилди дейсиз?

— Сиз синдирамаганмисиз? Сиз ёрмаганмисиз?

— Вой, нега синдираман? Эсимни ебманни! Бундок тушунтириб юртасига гапирсангиз-чи, Забаржадхон, нима гап ўзи?

— Мен эсимни едим, Хатира опа! Йод-подингиз бўлса, пахтага томизиб тез опкиринг. Дўхтир чақирсангиз ҳам бўлади.

— Вой-вой, домлага бирор нима бўлдими?

— Кирганда кўрасиз!

* * *

Тажрибахона. Тўрт тараф ойнабанд жавон, ўртада узун-узун столлар. Беш-ён чоғлиқ оқ ҳалатли аёл узунчоқ шиша идишларни кўтариб у ёқдан-бу ёққа ивиришиб юрибди.

Ўзгача бир важоҳатда кириб келган Забаржад кўпчилигининг эътиборини тортади. Одатдаги пичир-пичир, ўзаро маъноли қарашлар.

Забаржад индамай жойига ўтиб, ҳалати чўнтагидан ручка олади-да, бир варақ қоғозга алланима ёза бошлайди.

Бояги Донохон ҳадиксирабгина унинг бошига келади.

— Ҳимояга тегишли бирор янгилик борми дейман. Нега ҷақирган эканлар?

Забаржад ёзувдан бош кўтариб, атай барчага эшитарли овозда "ҳисоб" беради:

— Шанба куни чет эллик меҳмонлар билан Чорвоқча ҷиқарканмиз! Дам олишга. Иккى кунлик. Мен домлала референт бўлиб борармишман!

Ҳар ёқдан луқма эшитилади:

— Вой, яхши-ку! Маза қилиб келасиз-да.

— Баҳонада ҳимоянгиздан гап очилиб қолар.

— Ўтган гал, баҳорда Барно борувди, эсларингдами? Биотехдан.

Забаржад ёзуб бўлгач, шалдиратиб қоғозни столдан оладио икки ҳатлаб, ёнбошдаги жавон ортида ёзув-чиizuв қилиб ўтирган лаборатория мудирининг столига элтиб ташлайди.

— Мен ишдан бўшадим, Гулноз Раҳимовна! Мана, аризам! Хайр сизларга!

У апил-тапил иш ўрнини йиғишириб, сўмкачасини кифтига иладио чиқади-кетади: бай-бай! Ҳамма ҳангуманг!

* * *

Забаржад эшикдан чиққани ҳамоно гийбат аралаш муҳокама бошланади:

— Шу қизнинг ажаб қилилари бор-да! Сал нарсага тўнини шартта тескари кияди-қўяди. Ҳай, Чорвоқча ҷиқиб келса нима қипти? Тем боле, домла ўзлари таклиф қилибдилар. Ҳам саёҳат, ҳам тижорат дегандай, ҳимояси юришиб кетармиди балки. Калит ўзингнинг кўлингда бўлса, кулфингни бирор бесроқ оча оладими, айтинг!

— Забаржадхонга ҳам осон тутиб бўлмас. Диссертацияси тайёр бўлганига бир йилдан ошди. У ёқда ана, Барнохонга ўшшаганлар ҳашар билан ишини битириб оляпти. Алам қилиб кетгандир-да. Неча йиллик меҳнат!

— Бунинг устига ёши ҳам ўтиб боряпти денг. Анови сабил мияга уради-да!

ўқиганмиз. Ҳафтада бир-икки бор гулга сув қўйиб кетсанг бас. Гулларимни кўргансан, Арабистондан келган антиқа гуллар. Менга қара, Забар, биратўла келиб менинида яшаб турсанг-чи? Шаҳарнинг қоқ маркази, ҳамма шароит ўхайё. Ҳу-ув Сирғалингдан сакиллаб юргунча! У ёқдан семириброқ келсан, арzonгаров қилибми, балки бутунлай ўзингта берворарман. А, нима дейсан?

— Гул-пулингга қараб туришим мумкин, лекин уйинг ўзингта буюрсин, жоним!

— Мана шундай тантиликларингга борман-да, Забар! Са-ал менга ўшаганингда-ку ўзим билардим нима қилишни. Сендақасини кўрса, ўлиб қолади улар! Олти ойда оғиз-бурнингача тўлиб кетасан! Бўлди, бўлди, тумшайманг. Билдик — сиз фаришта, Вазира кенномий ҳам ўпмаган ҳуру филмонсиз! Жа-а бўлмаса, дengизларда чўмилиб келардинг!

— Сувни ёмон кўраман.

— Ёмон кўрамиши, кўрқсанг керак-да? Чўмилсанг

— шундоқ мазаки, илиққина! Танантдаги бор гарду губорни ювиб кетади.

— Сени-ку ўнта дengизда чўмилтириб олса ҳам бефойдадир!

— Денгиз эмиш, океанда дегин! — Диля тантилик билан қиқирлайди. — Ўзинг кимга асраб юрибсан бу мулкни, ҳайронман? Кўтарасига бервормайсанми?!

— Эгаси чиқиб қолар, — дейди Забаржад сирли жилмайиб. — Кўтарасавдони сен қиласан!

— Вой, ҳалиям анови... Бошингта урасанми уни! Ёши катта бўлса, бола-чақали, ўзиям бир хунук, тасқара! Лекин-чи, Забар, тўғрисини айтсан, ўша одамингнинг бир балоси бор-ов. Жи-им ўтирасаям, гапирмасаям, ёнидан кетгинг келмайди-я! Бундай бир ёшроғини топсанг-чи, ўртоқ! Қачонгача юрасан қулф солиб?!

— Ёши ҳам бор. "Дипломат".

— Ҳо-о, зўр-у! Ҳаҳ, писмиқ, яширишини қарант!

— Йўқ, сен ўйлагандакамас. "Дипломат" кўтариб юради, холос. Кейс бор-ку, ўшани. Кўзини лўқ қилиб, "Севаман!" дейди. Ўзи мендан беш ёш кичик! Шунисини айтсан, "Сизиз яшаётмайман!" дейди тирранча. Ўзича бир балоларни жаврайдими-ей! Қочиб кеттингин келади. Изимдан тентигани тентигани. Ҳозир ҳам шу атрофда юрган бўлса керак. "Дипломат"ни кўлтиқлаб!

— Да-а, биркам дунё экан-да, — дейди Диля дафъатан маъюс тортиб. — Заба-ар, бир гап сўрасам майлими? Анови "дўстим-дўстим" деганингни ростдан ҳам яхши кўрасанми? Айт, нимасини?

— Шунисини билмайман-да. Билганимда-ку... ўзим билардим!

— Мен ҳам бирорни яхши кўргим келяпти, — дейди Диля кўзида ёш ҳалқаланиб. Сўнг бирдан хўнграб Забарждади кучоқлаб олади. — Сендай. Сенга ўхшаб. Чин юракдан! Ҳавасим келади сенга, ўртоқ, ишон! Мен одам бўлмадим, Заба-ар! Юришимни қара! Шуям ҳаёт бўлдими, дугонажон? Бир тийин! Бу ҳаммаси бир тийин, ишон!

Забаржад ногоҳ жини кўзиган Диляни хурпайган сочларини тартибига согландек бўлиб силай-силай юпатаркан, институт дарвозаси олдиди у ёқ-бу ёққа аланглаб кимнидир қилираётган ҳамкаси Донохонга кўзи тушади.

— Ҳафа бўлмайсан, ўртоқ, мени сўраб чиқишиди шекилли.

— Майли, майли, борақол, — дейди Диля бирдан "мотами" ариб, боягидек совуқ, ўқтам қиёфага кирапкан.

— Мениям ташвишларим бир дунё! Билет, виза-пиза дегандай. Кетишдан олдин ўзим ўйларингга ўтаман. Вазира кенномийгага салом айтиб қўй, хўп?

Диля мошинасини шиддат билан орқага суриб, катта йўлга солади.



— Домласи қурғұр ҳам ҳақини олмасдан құймайдыган! Ҳув татар қыз ҳам шундай бир можаро билан кетіб қолувди, әсларингдами?

— Хатирани-ку қабулхонасига қамаб, қаритиб бўлди. Қоровулиқдан бошқасига ярамай қолгандир энди.

* * *

Забаржад иккинчи қаватга тушганида коридорнинг охиридаги дераза рафида турган таниш "дипломат"ни қўриб қолади. Бир зум иккиланиб тўхтайди-ю, кейин шаҳд билан ўша ёққа қараб юради.

Мана, анови суллоҳнинг ўзи! Хушсурат, қаддиқомати расо. Рисоладагидек кийинган: қора костюм-шим, оқ кўйлагу галстук. Кўлида гул, илжайибгина туриди.

— Яна келдингизми? Сизнинг бошқа ишингиз йўқми? Мен сизга нима деган эдим ўтган гал?!

— Севган кўнгил нима қилсин, ахир? — дейди сурбет тиржайиб.

— Менга қаранг, шоир-поир эмасмисиз мабодо?

— Қанақа шоир? Нега?!

— Тўғри гапираверсангиз бўлмайдими? Э, ҳамманг жонимга тегдинг! — Забаржад жазава ичидаги чанг соладио уни дераза оша пастга улоқтириб юборади.

— Вой, вой, бу нима қылганингиз, Забаржадхон?

Забаржад шу заҳоти шаштидан тушиб, сўрайди:

— Ичидаги нима бор эди?

— Бир шиша конъяқ. "Анҳор".

— Яна?

— Шоколад. Ўзингиз яхши кўрадиган аччиқ хилидан.

— Яна?

— Яна... диссертациям. Папкада эди.

— Югуринг! Тез! Э, шошманг, неча пул бўлади ҳаммаси?

Забаржад саросимада сўмкачасидан бир сиким пул олиб жабрдийданинг чўнтағига тиқадио ёв қувандек, ундан олдин коридор бўйлаб чопиб кетади. Зинапояга етиб орқасига ўғирилади: ошиқ шўрлик мум бўлибгина қотиб қолган!

— Илмий ишларингизга муваффакият!

* * *

Забаржад институт биносидан елиб чиқади-да, эшик олдида бир дам тўхтаб, ўйланиб туради. Сўнг илдам юриб бинонинг чап биқинидаги теракзорга киради. Ўтўланлар орасидан кейини топиб, дастрўмоли билан ўқ-бу ёғини артади.

Хомуш, паришон ҳолда эшикдан кўринган эгасининг қўлига уни тутқазаркан:

— Узр, жаҳлим чиқиб турувди, — дейди Забаржад.

— Қаранг-чи, қўлэзмангиз ҳўл бўлмабдими?

— Кўлэзмам? — дейди йигит баттар гангиб. Кейин беихтиёр қизнинг амрига бўйсуниб, тиззаси устига кўйиб кейини очади. — Йўқ, ҳатто синмабди ҳам... Мен энди нима қилай, Забаржадхон?

Забаржад бу саволга нима дейишини билмай лаб тишлиб қолади.

— Нима қилардингиз, у ўқ-бу ёқни кўрасиз...

Соддадил йигит алантлаб ростдан ҳам иккى тарафига назар солади. Бир томондан дикирлаб қўғирчоқдек бир қыз ўтади, иккинчи томонда — эрталаб Дилянинг мошинаси турган дараҳтлар тагида "Тико"сига суюниб, кўлида кўзгуча, бир қыз ўзига оро бермоқда.

— Кўп-а? — дейди йигитта қўшилиб ўзи ҳам ўша томонларга қараган Забаржад шўхчан кулиб. — Давоси шу!

— Лекин юракка буюриб бўлмайди-ку, Забаржадхон! — дейди бечора китобий ошиқ ҳасратли оҳангда.

Забаржад яқин бориб, опаларча бир мушфиқлик билан унинг юзини кафтлари орасига олади:

— Менинг юрагимга буюриб бўларканми, укажон?! Сиз ҳали ёшсиз, қыз дегани ана — сон мингта! Келинг, шундай бўлгани маъқул.

Омадсиз ошиқ аста буриладио, бўйни бир ёнга қўйшайган, "дипломат"ини осилтириб кўчанинг нарёғига қараб йўл олади.

Ўз-ўзидан дийдаси ёшга тўлган Забаржад қўмирлаётмай жойида туриб қолади.

* * *

Қатор телефон буджаларининг биридан Забаржад йиғлагудек бир алфозда "дўсти"га арз қилаёттир.

Қўшни будкада икки ёш ошиқ-маъшуқ бир-бирига қапишган кўйи, гўшакни тоҳ униси, тоҳ буниси олиб ким биландир сўзлашаёттир.

— Сиз тенги, сиз тенги шекилли, — дейди Забаржад хуноби ошиб. — Ҳа, профессор. "Қизим, қизим"лаб юарди, ярамас! Йўқ, раҳбарим бошқа. Яхши одам, айтганман-ку сизга... Орқа хонасига опкириб, алланимабалони компьютерда кўчириб беришимни сўради. Ўзим ҳам сезгандай бўлдим-а. Хатираси қабулхонада сақич чайнаб ўтирибди, ўша кўчирсиз эди! "Ҳимоянгизни кейинти чоракка қўймоқчимиз, Забаржадхон, шунга нима дейиз?" деб сўради аввал. "Сиз нима десангиз шу-да, домла, раҳмат", дедим. "Мен нима десам шуми? Гапингизда турасизми? Шанба куни вақтингиз қалай?" Кейин — Чорвоқ-порвоқ, ҳали айтдим-ку! Кўчириб бўлиб ўрнимдан траётсам, "Иш битганда қочиш экан-да!" деб ташланиб қолса бўладими! Пишиллаб! Бир сассиқ! Ҳаром! Компьютерини итариб юбориб, клавиатура билан солдим бошига!.. Тўғри, тўғри, яхши иш бўлмади. Чидаётмадим-да. Нима, боши очиқ бир етимча экан деб ёпишавериш керакми? Ўзим ҳам жиннинман, биласиз-ку!.. Ҳа, ҳа, ҳаммага шундай. Ҳайво-он! Директор бўлсанг — ўзинта! Кейин — бўшадим! Ҳа, ёздим аризасини... Э, билмасам. Бугун вақтингиз борми? Доим шундай — иш, иш! Ким бор? Одам? Мен-чи, одаммасманми?!

Қўшни будкадагилар энди тамомила яктан бўлиб кетган — ўшишаёттир. Ҳалигина талаш гўшак эса кераксиз буюмдек ерга осилиб ётиби.

Забаржад алам билан тескари қараб олади. Ё тавба, бу ён будкада ундан ҳам баттар манзара!

Ташқарида шовиллаб ёмғир қўймоқда.

* * *

Раҳбар кишининг кабинети.

Узунчок столнинг икки тарафида тўрт-беш одам маҳтал бўлиб ўтирибди. Xона эгасининг ўзи нарироқда, буларга орқа ўтириб, кўл телефонида ким биландир сўзлашмоқда. Тўғрироғи, телефонда бирор бетгўхов вайсаяпти, у эса яккаш кулоқ солиб туриби. Ахён-ахёнда узук-юлуқ бир нималарни сўраб кўяди, холос.

Ўртаяшар бир одам. Сочита оқ оралаб қолган. Юзи кўринмайди.

Стол ёнида бетоқат бўлиб кутаётганлар деразага қараб бош чайқаб кўяди: ёмғир!

* * *

"Йиғлаётган" телефон будкаси. Ёмғир саси аралаш будка ичидан Забаржаднинг зорли овози эшитилади:

— Кўргим келяпти, ҳа-а! Жуда-жуда! Олдингизга борай, майлими? Шундоқ эшикдан бир қарайману кетаман, хўпми? Нима? Энди нима қиламан? Э, ҳаммасидан бездим! Шу шаҳрингиздан ҳам! Мана, мендан ҳам ҳамма безор-ку! Бошимни олиб кетсамми деб қолдим. Қишлоқча. Аммамнига. Биргина ўша кампир тушунади мени, холос! Бошқа ҳеч кимга керак эмас эканман! Билдим — ҳе-еч кимга! Бўлти, қайтиб



сизга телефон қилмаганим бўлсин! Ҳа-а, Забаржад сўзим — шу!

Ҳўнграб йиглаётган Забаржад будка эшигини тарақлатиб чиқиб, эгни юпун, бошяланг, ёмғир қаърига уради ўзини.

Ёмғир тўрлари оралаб бебаҳт, афтода бир кўйда кетиб бораракан, қўлида осилтириб олган сўмкачаси кўлмак сувларига тегай-тегай дейди.

Бу ёқда — будкала ҳалиги жонқулоқ бўлиб турган гўшак ерга осилиб ётиби. Энди нокерак, ортиқча бир буюм! Гўё у ҳам бахтсиз, у ҳам йиглаляпти. Ҳамма йиглаляпти! Олам кўзёши қиляпти!

* * *

Кимсасиз бир боғнинг ўртасидаги кўшксимон шийпончада Забаржад ёлғиз, шумшайиб ўтириби. Биқинида сўмкачаси, оғзи очиқ. Тиззасида кафтдеккина сурат. Дадаси. Термилгани термилган.

Кейин авайлабгина сурати сўмкачасига солади-да, ундан бир кути сигарет билан гутурт олади.

Нўноқлик билан сигарет қутисини очади, қовушмайгина бир донасини лабига қистиради, урина-урини гутурт чақади. Лаби чўччайган, афтини култили тарзда буриштириб бир-икки дапқир ичига тутун тортади-ю, бирдан кўзлари олайиб, ўқиб юборади. Ўпкаси узилгудек бўлиб йутала бошлайди.

"Кашанд" қўлидаги сигарету гутуртни алам билан бир ёққа отиб, юзини чанглаб олади. Бармоқлари орасидан теварак-атрофни шалаббо қилиб ёғаётган ёмғирга тикилади.

Ёмғир тўйкусдан таққа тиниб, куёш чиқиб кетади. Осмонда беқасам камалак кўринади. Мўъжиза!

* * *

Бежирим таъмирланган, шифти ойнабанд ҳашаматли хона. Қаёққа қараманг, Диляга кўзингиз тушади. Тўрт тараф девору жавонлар, паст-баланд түмбалар устидан Диля сизга боқиб туради. Ҳар хил кайфиятда, турли ҳолатларда, Туркия дейсизми, Ҳиндистону Арабистон дейсизми, ишқилиб, ўшандай мафтункор манзилларда олинган катта-кичик суратлар. Барни ўзига мос антиқа қасноқларга жойланган, дид билан осиб-териб чиқилган. Одам ўзини яхши кўриши мана шу Дилядан ўрганса бўлади!

Тўрдаги кўштўшакда бизга таниш ҳалиги ўртаяшар, сочига оқ оралаган киши ёстиққа бош қўйиб юзтубан ётиби. Забаржад ўша-ўша "либос"ида, унинг белига миниб олган, бўйин-бошларини меҳр билан, ҳафсала билан уқалайди — массаж.

Мана, Диляхоним, кўриб қўйинг!

Тағин ўша "бир актёр театри" — Забарждаднинг лаби лабига тегмайди.

Майли, шўрлик қиз дардини тўқаверсин, сизу биз ора-орада Диляхоннинг ажиб-ажиб суратларини томоша қилиб турамиз, демакки, ундан-да мароқли саргузаштларига шерик бўламиш.

— Биласизми, қачон яхши кўриб қолганман сизни? — дейди "массажчи" қиз. — Бир-ринчи қўришимдаёқ! Забаржад сўзим! Ҳув, эсингиздами, Диля билан олдингизга борувдик-ку, ўшанда. Синглисими ишга жойламоқчи бўлиб. У қаердадир сиз билан танишиб олган экан. Эрқаклар билан тил топишишга, айниқса, иш битиришига уста-да. Тўғри айтяпманми, Диля? — дей Забаржад шўхлик билан кўштўшак узра деворга осиглиқ ишвакор портретга қараб олади. — "Бирга юрасан" деб туриб олди. Сиз асосан Диля билан гаплашдингиз. Менга бир марта ҳам қарамадингиз. Йўқ, Диля бидир-бидир қилган, сиз нуқул ерга тикилиб жи-им ўтиргансиз. Ўшанда худди илгари-илгаридан таниш, яқин бир одамимдек бўлиб туюлгансиз менга. Хайрлашаётни

ўрнингиздан турганингизда "Вой!" деб юборишимга сал қолган. Мен сизни негадир новчароқ киши деб ўйлаган эканман. Ўртабўйгина экансиз. Мендан сал баландроқ, Кейин ўз-ўзидан сизни кўргим келаверган. Эсингиздами, ҳар балони баҳона қилиб олдингизга бораверадим? Лекин, "Хой қиз, сенга нима керак ўзи, нега ҳадеб менинг олдимга келаверасан?" деб сўрамагансиз сира, жеркиб ҳам бермагансиз. Мен алланимабалоларни вайсайверадим, сиз индамайтина кулиб эшитардингиз. Бирор марта бўлсин бирор нимага шамма қилмагансиз, қойи-ил! Мен эсам нуқул бўйнингизга осилиб йиглагам келарди. Олдингиздан чиққач, йиглаб-йиглаб қайтардим уйга. Қўймадим-да ишқилиб! Шунга ҳам, мана, беш йил бўлти-я, қаранг! Яхшиям, эрга тегмаганим! Ҳув, ёшлигимдаёқ эр қилиб кетганимда — сизни кўрмасдим, танимасдим, даҳшат! Ўшанда роса кўп совчи келган. Келарди-ю, кейин изсиз кетарди. Сабабини менга билдирамай, аям ўтириб олиб йиглаганлари йиглаган эди. "Отаси йўқ экан", "Ўй-жойлари юпқароқ", "Бир балоси бўлмаса, шу ёшгача уйда ўтирамиди!" Бундай гапларни мен кейинрок эшигдим. Бора-бора совчи келганда ўзим чиқиб гаплашадиган, ҳатто савдолашадиган бўлиб қолдим. Бетим қотиб кетди-да. Расво феълимни биласиз-ку. Биринки бор ҳайдаб ҳам юбордим совчи-повчисини. Ҳозир ҳам келиб туроди батъян. Хотини ўлган ё ажрашган, қарикури. "Бор-э!" дейман. Аям шўрлик бўлса, "Бу кетишда Зокир жиннидан бошқаси сени хотин қилмайди!" деб ёзғирадилар. Шундай бир қўшнимиз бор, турмада ётган, савдойи. Тўғрисини айтайми? Сизни кўргандан кейин эрга текким келмай қолган! Ўшангача дадамдан бошқа ҳеч кимни яхши кўрмаганман-да. Забаржад сўзим! Йўқ, йўқ, хаёлингизга ундаи гап келмасин! — "Массажчи" нозик бир эркалик билан "мижози"нинг ягринига шапатилаб қўяди. — Ҳеч нарсангиз керакмас менга! Кераклини олдим! Энди ҳар-ҳар замонда узоқдан бир кўриб турсам ҳам майли. Майлими, айти-инг! (Яна боғидек шапати.) Очиги, сизни яхши кўраманни ўзи, йўқми, бунисиниям билолмай қоламан гоҳида. Сиз ёши катта, баобру бир одамсиз. Мен-чи? Ҳечам тўғри келмайди, биламан. Лекин сиздан бошқасини ўйлаёлмасам нима қиласай? (Яна шапати. Бу гал энди биқинларга, бошқа ёқларга.) Бўлди энди, туринг! Талтайиб ётишларини! Нима, мен сизнинг хотинингизманми?! Боринг, қолганини, ана, кеннийимиз қилсинлар! Туринг энди деяпман! Бу боланинг ётишини қаранг, тавба!

* * *

Кечки пайт.

Забаржад ҳоргин, бўшашибгина зинапоядан чиқиб келаётир.

Иккинчи қаватдаги таниш эшикнинг занжирни шиқирлаб, таниш башара кўринади. Деразадан пойлаб турган шекилли.

— Қани балиқ?

— Балиқ? — дейди Забаржад паришонлик билан. — Қанақа балиқ?

— Лакқа!

— Вой-й! Эсимдан чиқиби-я, Зокир. Эртага опкламан, эртага!

— Мен ўзингни айтяпман! Ҳозир занжир-панжирини синдириб ташлайман, кир! Турмадан ўрганиб келган шундай приёмларим борки, дод дейсан!

— До-од! — дейди шўхлиги тутиб Забаржад. — Бўлдими?

— Бўлмади. Қармоғимни кўрсатайми сенга? — Шундай деб бу девона бежороқ бир қилиққа чоғланади.

— Қармоқ-пармогинг бошингдан қолсин! Ҳе, жинни!

— Ким жинни? Ким жинни? Ҳе, онангни... Шал-лаб! Забаржад қочиб эшикларининг олдига чиқади.

— Шу сен айтгандақа бўлиш ҳам қўлимдан келмади, э худонинг бандаси! — дейди Забаржад ўзи ва беихтиёр пешонасини деворга тираб туриб қолади.

Ичкарида чўзид қўнгироқ жиринглайди: пешонасини эшик ёнбошидағи тутмачага босган экан.

Эшикни аяси очади:

— Тинчликми?

Забаржад бошини баланд кўтариб тантанавор эълон қилади:

— Отпускага чиқдим!

— Порошок қани?

— Порошок... йўқ! Балиқ ҳам йўқ!

— Нима бало, мастмисан?

Ичкаридан бўғиқ, дардманл овоз эшитилади:

— Заба-ар, келдингми? Тағин қанча кутай?

— Сенга қараб ўтирибди. Мени биласан, қўлларимда жон йўқ.

— Хўп, хўп, ая. Бугун энди кеч бўпқолди-ку. Эрталаб-да.

* * *

Чошгоҳ палласи.

Ваннахона. Бошқаси. Камтарин, фарироқ.

Соқол қўйган давангирдек бир йигит жом ичиди энкайиб ўтирибди. Икки қўлини жомнинг икки четига тираб олган. Иштончан. Пуштиранг "футболка" билан калта лозимча кийган Забаржад ҳансираф унинг бўйни ягриналрига совун суртмоқда.

— Қўлларинг бирам юмшоқ, бирам ёқимлики, Забар! — деб қўяди ногирон ука.

— Лоланики бундан ҳам яхши бўлса керак. Бармоқлари узун-узун, оппок!

— Шу қизни танимас эканман-да, а, опа?

— Кўргансан, кўргансан. Рўпарадаги "дом"дан. Эътибор бермагандирсан-да. Кунинг шошилинч сафарларда ўтарди, тақ-тақ, пақ-пақ. "Террорчи"! — деб шўхлик қилади уласига Забаржад, жўмракни баралла очаркан. — Ҳар куни сўрайди сени. Зўр қиз!

— Шуни бир опкелмайсанми, Забар? Балки танирман ҳам.

— Аввал Москвага бориб келайлик, кейин, Суръатжон, хўпми?

— Ҳа-а, тўғри айтасан.

Ташвишманд, ғамбода Вазира опа каттакон сочиқ кўтариб киради.

— Кўлтиқларини ҳам ювдинги?

— Ҳаммаёғи чақалоқдай топ-тоза!

— дейди Забаржад сочиқни олиб уласининг бўйнига ташларкан. — Энди бир ой сувга тушмаса ҳам бўлади!

* * *

Ётоқ бўлмаси. Деворда Суръатнинг ҳарбий либосдаги сурати.

Забаржад ногирон уласини кўлтиғидан кўтариб келиб тўшакка ётқизади. Худди ёш боладек бурнидан чимчилаб қўяди.

— Ана энди ётаверасан маза қилиб.

— Москвага қаҷон борамиз, опа?

— Куз келсин. Зўр дўхтирлар отпускадан қайтган бўлади. Ҳам салқин.

* * *

Ошхона. Куйманиб юрган Вазира опа ўзича нола қилади:

— Шундай тинч замонда келиб-

келиб менинг боламга ўқ тегса-я! Мен буларни отасиз, қандоқ азоблар билан катта қилдим! — Кейин бу ёқса кирган қизидан сўрайди: — Лола, Лола дейсанлар, ким у?

— Бордир-да бирорта Лола, ким билсин, — дейди Забаржад яхна чойни банкаси билан кўтариб ичаркан.

— Унингизга айтиб қўйинг, ая, эт-бетини ўзи тозаласин!

* * *

Забаржаднинг хонаси. Тўрда ёзув столи, стул. Стол тақалган девор бўйлаб шифтгача осма китоб жавонлари.

Бир ён деворга одмироқ гилам осилган, рўпара-дагисида — ота-онанинг баҳтиёр келин-кўёвлик сурати.

Ёзув столининг бир бурчагида отанинг кейинроқ олинган яна бир сурати жажжи қасноққа солиб қўйилган.

Хонанинг бериги қисми тикув-бичувга мосланган — чеварлик. Бурчакдаги тикроқ хонтахта устида тикув мосинаси. Унинг ён-верида турли-туман газмолу матолар уйилиб ётиди; ҳар хил мода журнallари.

Эшикка яқин тошойна олдида бойвучароқ бир жувон ҳозиргина қўлдан чиқсан аломат либосини кийиб ўзини у ён-бу ён кўз-кўз қилмоқда. Забаржад, бўйнида ўлчов анжоми, жувоннинг атрофида гирдикапалак.

— Маъқулми? Менимча, ёмонмас. Чоклари яна бир дазмолланса, гулдек бўлади-қолади.

— Гул — сизнинг қўлингиз, Забаржадхон! — дейди





жувон уни қучоқлаб. — Эгнимдан чиқаргим келмайды! Ё шундоқ кетаверсаммикан?

Эшик күнғироги жириңглаб, бир зумдан сүнг Вазира опа бош сұқади.

— Вой, муборак бұлсин! — дейди у ясама жилмайиб.

— Бирам яраштанки! Забар, сени чақириб кепти.

— Ким?

— Күшни, — деб қүяди Вазира опа совуққина.

* * *

Зинапоя майдончаси.

— Ассаломалайкум, Восил амаки. Келинг.

Үзи пачоққина бу одам одатдагидек — ширакайфроқ. Аммо бир вақтлардаги олим зиёлилигини охиритача бой бермаган. Бүйніда аллақачон урфдан қолган энсиз галстук, бошида — ғижимланган бұлса ҳам шляпа. Алланечук тантанавор. Оғзи қулоғида.

— Ишинт беш, Жұрабойнинг қизи! Гаплашиб қүйдим. Кечқурун уйда кутадиган бұлды иккаламизни. Олой бозорининг орқасида данғиллама квартираси бор. Танишув, зиёфат! Үсма-сурма дегандай, ҳозирлигингни құравер.

— Қаёққа борамиз үзи? Нега?

— Күевкүарға! — дейди Восил амаки астайдил ажабланиб. — Үзинг айтудинг-ку топинг, деб!

— Ким экан у киши?

— Рона бадавлат! Бойвучча бұллыб кетасан! Институтимизда замдиректор эди. "Жигули" сиям бор. Минасан. Даданғи танирди. "Жұрабой раҳматлининг қизи бұлса майли", деди. Шу, хотини ўлиб, бир оз яқкаланиб қолган-да.

— Бұлти, борганимиз бұлсин! — деб юборади Забаржад үзи ҳам кутмаганда. — Буям бир вариант! Ё чикка, ё пукка, нима дедингиз?

— Чикка бұлди, ишонавер, чикка! — дейди Восил амаки тамшаниб. Кейин эшик сасини эшишиб саросимада зинапоя томон йүргалайди. — Соат иккиларда пастда кутаман!

* * *

Эшикдан тұрва-халтасини күтариб янги либосда бояғи жувон чиқади.

— Үзр, Забаржадхон, вақтим зиқроқ эди. Пастда хұжайиннинг мөшиналари пойлаб турибди. Тағин иккита заказим бор сизга. Кейинги сафар қүшниларимниям опкеламан. Ановини столингизнинг устига қүйдим. Раҳмат.

* * *

У билан хайрлашгач, Забаржад даҳлизда алланечук тиришиброқ турған онасига дуч келади.

— Нимага кепти? Яна пул сұрабми?

— Ая! — Забаржад зарда билан хонасига киради. Кирадиу столига күз югуртириб, бейхтиёр чийиллаб юборади: — Қани?

— Олиб анови пулға құшиб қүйдим, қизим. Москва учун, — дейди орқасидан келган Вазира опа айборона оханды. — Сенинг құлингта түшса, дарров ҳар ёққа сочасан.

Бир лаңза гезарип турған Забаржад шартта буриладида, ғаму ғурбатлардан кичрайиб, бир бурда бұллыб қолган онасини қучоқлаб олади.

— Аяжон!

* * *

Абдулазиз аканинг уйи.

Каттакон меҳмонхона. Восил амаки таърифлаганидан ҳам зиёда: гиламлардан тортиб қандилгача, дивандан тортиб стол-стулларгача — ҳаммагинаси асл, ноәб, бу яқин юртларнинг мол-матоҳи әмас.

Абдулазиз ака деганимизнинг үзи — лунжалари шишинқираганнамо, олтмиш ёшлар чамали барваста киши — бир зум дастурхон бошида тиниб үтирамайды. Үз уйда үзини алланечук нокулай сезаёттандек гоҳ уни, гоҳ буни баҳона қилиб ошхонасига чиқиб келаверади. Саранжом-саришталы одам күринади.

Лоф бұлса ҳам беш-үн мәжмонаға мүлжаллаб роса дид билан тузалған узун дастурхоннинг түрида "вакил ота" — Восил амаки. Келганидан бүён оғзи ҳам, құлы ҳам тинганий үйк. Конъякни ароққа құшиб симиряпти. Үзини хұжайиндек тутади: Абдулазиз, ул үйқеми, Абдулазиз, бул үйқеми.

Асли шүх-шаддод Забаржад, құлида вино қуйилған биллур қадаҳни айлантириб, столнинг бир четида "бирам иболи-хаёли келинчак" мисоли қымтинибигина үтирибди. Әши улуғ мезбон ҳар құзғалғанида хижолат чекканидан у ҳам ўрнидан туриб кетаездә.

— Жұрабой раҳматлининг қизиман денг, — деб гапни узоқдан бошлайды Абдулазиз ака ниҳоят. — Күп қобилицити одам эди даданғиз. Ҳаёт бұлғанида ҳозир каттакон олым бұллыб кетарди.

— Докторлиғи ҳам тайёр бұллыб қолувди-да үзи! — дея луқма ташлайды Восил амаки навбатдаги қадаҳни симириб.

— Үзингиз нима иш қиласиз, қизим?

— Микробиологман, — дейди Забаржад сиполик билан ерга қараб. — Лабораторияда ишлайман.

— Ҳа-а, дуруст. Илмий иш ҳам қилаёттандырысиз?

"Вакил ота" бу гал ҳам бүш келмайди:

— Эрта-индин ҳимояга тайёр турибди-ку!

— Шунақа де-енг? Муваффақият тилаймиз!

Жойида тиниб үтиrolмайдыган бу одам тағин құзғалиб:

— Восилжон, дамлайверайми? — деб сұрайди меҳмонаидан.

— Ошинг қочиб кетармиди? Үтирибмиз-да!

Забаржада хижолатомуз жилмайиб қүйиб, Абдулазиз ака ошхонаси томон чиқади.

— Қачон келади энди? — деб сұрайди Забаржад Восил амакидан.

— Ким?

— Айтған одамингиз.

— Мана шу-да! — дейди санчқи уриб тарвуздан газак қилаёттган Восил амаки. — Үзи яхши бола аммо, күрятсан-ку!

— Вой, ростданми? — дея беихтиёр хандон отиб юборади Забаржад, бояғи сиполигидан асар ҳам қолмай. — Зүр-ү!

Кайфи ошиб қолган Восил амаки ёнбошига ташлаб, фитначимонанд пичирлайди:

— Күнаверсанг-чи, лодон қиз! Икки үғли ҳовли-жой қилиб кетген. Үзини күриб турибсан — бир грамм ҳам ичолмайды! Жигари чатоқ. Ҳаммаси үзингга қолади!

Шу маҳал даҳлизда тапир-тупуру ғүнғир-ғүнғир эшитилиб, хонага ўттиз-ўттиз беш ёшлардаги қадди-қоматы, бойвачасиғат бир йигит кириб келади.

— Ия, Восил амакимиз-ку! Ассаломайкум, — дея келип у билан қүшкүллаб күришади. Сүнгра Забаржад томон үтирилади-да, күз узолмай қолади. Үзи амаки билан ҳол-аҳвол сұрашаёттір-у, нигоҳи қизда. Сүқланиб тикилғаны тикилған.

— Жұрабойнинг қизи, — дейди таништириб Восил амаки. — Мен олиб келдім. Мехмона. Аданг учаламиз ўртоқ әдик. Сен эслаёлмасан керак, Зафар, ёш бола әдінг унда.

— Адамни күндириб берсанғиз-чи, Восил амаки, — дея Зафар шартта муддаосига күчади. — Ҳовлиға опкетмоқчиман. Оёқ тираб туриб олғанлар: үламан, саттор — ҳеч қаёққа бормайман! Битта ўzlари, кекса одам, нима қиладилар бу ерда, үзингиз айтинг!



— Адангнинг ўрнида бўлганимда мен ҳам шундай дердим. Ўз уйим — ўлан-тўшагим. Бунча мол-мулкни ташлаб қаёқча кетсин!?

— Буними? Сотамиз ё ижарага қўямиз, вассалом!

— Менга қара, Зафарбек, — дейди алжираброқ қолган Восил амаки ўзича насиҳатга тушиб, — ёш бошингта фалва ортириб нима фойда сенга?! Бунинг турган-битгани дардисар-ку! Айшингни суриб ўзинг яшайвермайсанми ҳовлида! Ке, яххиси, мен билан миллиграммдан қилсанг-чи, лодон!

— Мошинадаман, — дейди Зафар ҳафсаласи пир бўлиб, совуқнина.

Бехосдан Восил амакининг жини қўзиб кетади:

— Ич деса' ичмасанг, бир гапга унамасант, мошинадаман деб осмондан келсанг — тур, кет! Нима қиласан катталарнинг ишига аралашиб!?

— Ие, ие! — деб қаҳр билан ўрнидан туради Зафар. Анови сўксурдан кўнгил узолмай базур эшик сари юаркан, лаган кўтарган отасига дуч келади.

— Ҳи? Ошга ўтирумайсанми? — дейди бўлган гапдан бехабар Абдулазиз ака.

— Ошингизни анови одам есин! Мен кетдим!

Эшик тарақлаб ёпилгани эшитилади.

* * *

Зинапоя майдончаси. Восил амаки панжарага осилиб аранг тушиб боряпти.

Абдулазиз ака Забарждаднинг елкасига кафтини кўйган, хижолатомуз узрхоълик қиласди:

— Кўнглингизга келмасин, қизим. Восилжоннинг одатини билсангиз керак. Ҳафта — ўн кунда бирров келиб эшик-деразамнинг чангини артиб кетадиган одам бўлсамиди, дегандай гап қилувдим, холос. Эрталаб кўнироқ қилди, йўқ деёлмадим. Майли, баҳонада мана танишиб олдик. Лозим топсангиз, келиб туринг. Аянгизни ҳам олиб келинг. Эшигим очиқ сизларга. У кишига мендан салом айтиб қўясиз, хўпми? Дуо қиласман — муносибингиз учрасин!

* * *

Забарждад Восил амакини трамвайдан зўрга ортмоқлаб тушади.

Бекатдан жилаётган трамвай ойнасидан йўловчилар уларга таажжуб билан қараб қўяди.

Мана, улар йўлка бўйлаб узун-қисқа бўлиб келишаётир. Восил амакининг тиззалиари майишиб-майишиб кетади, Забарждад унинг кўлтиғига кириб олган.

Ховлиларига яқинлашгандা Восил амаки бир силтаниб қизнинг ҳимоясидан чиқади.

— Ичингиз келганда айтарсиз, Восил амаки, — дейди Забарждад мутлақо гина-кудуратсиз, самимий жилмайб. — Яна борамиз. Яхши киши эканлар.

— Қизим! Қизим! — дей қўзи ёшга тўлиб ҳиқилламоққа тушади Восил амаки. Қўлларини кўксига чалиштирган, эгила-эгила таъзим қила бошлияди. — Сени қизимдан ҳам ортиқ қўраман, ишон! Болалигинда мана шу ҳовлида ўзим кўтариб юрадим сени. Ў-ӯ, қандоқ, даврлар эди! Ҳамма ёш, ҳамма хурсанд! Энди-чи? Ҳе-еч ким йўқ! Биргина Зокир! Зокирни биласан ўзинг... Уф-ф! Даланг қандай йигит эди-я! Жўравой эмас, мировой эди у, мировой!

Восил амаки шартта бурилади-да, той-той қилаётган бола мисоли тап-тап босиб шийпончаси томон юради.

Забарждад сўмкачасини кифтига ташлаб уй йўлагига кириб кетади.

* * *

Деразада Зокирнинг телба қиёфаси намоён бўлади.

— Ҳаҳ, шал-лаб! Отанг тенги одам билан падрушка қилиб юрасан-у, менга балиқ опкелмайсан! Лаққасидан бўлсин менга, лаққасидан!

* * *

Забарждад нимқоронги даҳлизда туфлисини ечиб, одатланганидек, девордаги ойнага назар ташлайди: алвастига ўшшаган бир бало!

Ошхона тарафдан Вазира опанинг овози эшитилади:

— Забар, ўзингми? Аммажонингдан хат келди!

Забарждад шоша-пиша ошхонага киради.

— Нима дебдилар? Қани?

Вазира опа халати чўнтағидан олиб берган мактубни у деразага тутиб ўқий бошлияди:

— Ёзувининг чиройлилигини! Нуқта-вергуллари ҳам жой-жойида. Адолат келин ёзган. Мактабда аълочи бўлган-да. Қани, нима гап экан? Унга салом, бунга салом. Фалончи ҳам қолмасин, салом, салом. "Азбаройи жигаргўшалик, раҳматли инигинамнинг арвоҳини кўриклаб шунча йилдан бери чорбогида унинг чирогини ёкиб ўтирибман. Энди бас, ҷарчадим, бу ёғи қариб ҳам қолдим. Файзибай мени туманга кўчириб кетмоқчи. Келиб мулкларингта энди ўзларинг эгалик қилинглар".

Кўшни бўлмадан ногирон Суръатнинг товуши келади:

— Забар, бутун ҳам кўрдингми? Нима деди?

— Ҳовли тарафга ўтганим йўқ бугун. Эрта-перта кўрарман, — деб жавоб қиласди Забарждад паришонлик билан. Сўнг тепасида турган Вазира опага юзланади: — Хўш, аяжон, бориб мулкимизга эгалик қиласизми? Оиласизнинг тўнгичи Шуҳратбекингиз нима дерканлар бунга?

— Боя қўнгироқ қилувдим. "Шу кунда роса ишим кўп, чиқолмайман. Забарждад бориб сотиб келақолсинг", деяти. Бизнесига қўшмоқчи шекилли.

Бети қотиб кетган шаддод қариқиз бирдан аччиқланиб, беҳаёлик билан муштини чуввара қиласди:

— Мана! Дадагинамдан қолган мулкни-я?! Бизнес баҳона, Шоирахонининг бўйнига яна бир тилла занжир осмоқчилир-да! Бекоргинанинг бештасини ебди! Сотсак сотармиз, лекин у эркатойингизга бир тийин ҳам йўқ! Москвага қанча пул кетади, биласизми?! Эртагаёқ жўнаймиз, хўпми, ая?

— Эсинг жойидами ўзи? Суръатни кимга ташлаб кетасан? — Ногаҳон лаблари гезарib, Вазира опа жазавага тушади: — Билсанг, ўша ташландиқ мозористонингда қадам ҳам босгим йўқ! Бордим дегунча, эски дардим янгиланиб, яна мотамга ботаман! Сен бор, сен бор! Сен қотил бор! Даданг сени деб, сенинг ўрнингга!.. Даданг чўккунча сен чўкиб ўлсанг бўлмасмиди ўшандада! Бадбахт! Шумоёқ! Адо қилдинг мени, шарманда!

Вазира опа увиллаганча ошхонадан чиқиб кетади.

— Ай! Ая! Нима бўлди сизга?! — дея чинқиради Забарждад юзини чанглаб.

Ҳаял ўтмай қўшни хонадан Вазира опанинг таҳликали чорлови эшитилади:

— Забаржа-ад! Буни қара!

Забарждад чопиб чиқса — Суръат, ногирон укаси, ҳеч нима бўлмагандек, деразага осилиб турибди!

— Вой! Нима қиляпсан, жинни?!

— Ўзим, — дея аянчли илжаяди Суръат.

— Қандай бординг у ерга?

— Оёғим сал қимирлагандек бўлди. Ҳовлига бир қарамоқчи эдим.

— Вой, худойим-эй! Вой, тавба-а! — дейди суюнишини ҳам, куюнишини ҳам билолмай қолган шўрлик Вазира опа ёқасини чанглаб.

Кейин ҳангуманга она-бала бу бебош ногиронни сувя келиб ўрнига ётқизадилар.

* * *

Автовокзал. Телефон будкаси. Бўғиқ шовқин ичидаги Забарждад эркалик аралаш бир зарда билан гапирмоқда:

— Ҳа, кетаётвидим. Қишлоққа. Аммамниги. Сизни бир күрай девдим-да. Ўзим, шундай. Нима-а? Иложи ўйк? Узокдамисиз? Қаерда, қаерда? Доим шундай! Бўпти, энди телефон қилмайман! Ҳеч қачон! Мени энди қайтиб қўрмайсиз, ҳа! Забаржад сўзим! Ўша ёқда ўзимни Қизилсойга ташлаб, чўкиб кетаман! Аям шундай деб қарғадилар мени. Тўгри-да, бундай сарсон бўлиб юргандан кўра чўкиб ўлганим афзал! Сиз билмайсиз менинг ҳаётимни! Нима-а? Баландроқ гапиринг!

* * *

Шаҳар ташқарисидаги далаҳовли. Чошгоҳ пайти. Каттакон ўрик соясидаги чорпояда тутув оила аҳли хушвақтлик билан чойхўрлик қилиб ўтириби.

Хонадон эгаси — бизга таниш ўртаяшар одам, кўл телефонини қулоғига маҳкам босган, тош йўлка бўйлаб дарахтзор боғ томон кетмоқда.

Бу гал ҳам у бизга орқа ўтирган. Бу гал ҳам биз у кишининг юзини кўролмаймиз.

* * *

Бояги телефон будкаси.

— Ҳар ёз дам олгани борардик. Чорбоқ ўзимизники эди-да, бувамдан қолган. Роса маза қилардик: олма, ўрик, узум дейсизми! Чорбогимизнинг этагидан Қизилсой деган тезоқар бир анҳор ўтган. Бир куни ўшанинг бўйида ўйнаб юриб, нимадир бўладио думалаб кетиб, сувга чўка бошлабман. Буни қарангки, худди шу маҳал дадам сой ёқалаб ошхўрлик зиёфатидан қайтаётган эканлар. Шартта сувга ташлаб, мени қирғоққа отиб юборибдилар-у, ўзлари чўкиб кетибдилар. Аммамнинг айтишларича, сузишга роса уста эканлар. Лекин ўшанда нима ҳодиса юз бергани номаълум. Шундай қилиб, отасиз бир етимчага айланниб қолганимиз, дўстим! Энди билгандирсиз менинг кимлигимни?! Ана шундай касофат, шумқадам қиз бу! Балки шунинг учун толеи келмай, шўрпешона бўлиб юргандир? Ўзингиз ўйланг, отасига қотил бўлган ана шундай бир бадбахтнинг бу дунёда тирик юришга ҳаққи борми?! Йўк! Йўк!.. Ўлсам, мени эслаб-эслаб қўярсиз-а? Айти-ин!

Худкушликни хоҳлаётган қизнинг кейинги гапларини йўлга чоғланнаётган автобусларнинг шовқин-сурони босиб кетади.

* * *

Ҳалиги киши боғнинг хилват бир бурчагига бориб, тўнкага ўтиради. Чека бошлайди. Боши ҳам. Юзини яна кўриб бўлмайди.

* * *

Туман марказидаги гавжумроқ бекатда орқа ўриндикин эгаллаб келган икки бозорчи аёлни қолдириб, чант босганидан тусини аниқлаб бўлмайдиган "Тико" пиддирабгина ўрнидан қўзғалади.

— Кетдикми, Забаржад опа? — дейди нимдош олачипор ҳарбий либос кийган ҳайдовчи йитит — Азамат.

— Бунингиз иссиқда эриб қолмайдими?

— Эриса эрир, — деб қўяди Забаржад тиззасидаги баркашдек келадиган тортга эринчоқлик билан назар ташлаб. — Таъми қолади-ку. Аммам яхши кўрадилар.

— Катталигини! Бутун Қизилолмага етади-ёв!

Мошина сал юргач, йўл бўйидаги "Қизилолма" деб ёзилган гариф, омонат таҳтачадан сўлга бурилиб, тепалик томон ўрлайди.

Олисдан кўкиш-қорамтири тоғ тизмалари кўринади. Таниш манзаралар.

Товуши паствлатиб қўйилган магнитофондан ҳофиз нола қиласётир:

Тушимда кўрса-ам эди-и-и...

— Ҳар куни қатнайсанми шаҳарга?

— Икки мартадан. Баъзан уч марта.

— Намунча?

— Мошини сал туртиб қўйиб, қарздор бўлиб қолганиман, Забаржад опа!

— Ия, ўзингники эмасми бу?

— Қаёқда! Ижарага олганман, ижарага!

— Эгаси ким? Нима иш қилади хўжайининг?

— Хўжайин — хўжайин-да! Мана шундай тўртта "Тико"си, икки "Дамас" и эртаю кеч шаҳарга қатнаб туриби — ишлаб нима зарил унга?

— Қишлоқда қўшни эканмиз, Азаматжон, сўрайверсан бўлар — уйланганимсан?

— Қаёқда! Шу йил бўлмоқчи эди тўй. Янаги йилга қолади энди. Тўнгичман. Дадамиз камхаржоқ одам. Жамила кутадими, йўқми — бу ёғиям ишкал. Отаси директор-да.

— Кутади! Яхши қиз бўлса — кутади. Кутмаса...

— Тўйга айтсан келасизми, Забаржад опа?

— Чорбони сотмасам, келарман балки, — деб қўяди Забаржад хаёлчан.

— Қайси чорбони? Нега сотасиз? Мулк-ку у! — дейди ажаблани Азамат. — "Эр киши ер сотмас, ер сотган — эр саналмас", дейдилар дадам.

— Даданг тўгри айтибдилар. Лекин мен эр эмасман-ку, Азамат?

— Эр бўлмасангиз ҳам, эркакка ўхшайсиз! — дейди Азамат ийманиброк.

"Тико" навбатдаги дўнгликдан ошиб бир шўнгийдио сердараҳт қишлоқча оралаб кетади ва сой бўйида жойлашган ҳовлилардан бирининг дарвозаси олдига келиб тўхтайди.

Азамат чаққонлик билан тушиб, машинанинг орқасидаги иккита катта-кatta тўрвани олиб ерга қўяди.

— Қачон қайтмоқчисиз, Забаржад опа? — деб сўрайди кейин. — Қачон дессангиз, мана, мошина тайёр!

— Ҳозирча ўзим ҳам билмайман, Азаматжон, — дейди Забаржад сўмкачасидан пул чиқарип узатаркан.

Азамат бир қалқиб, орқага тисарилади.

— Уриб ўлдирсангиз ҳам сиздан пул олган — номард!

— Вой, нега?

— Тўйимга келиб ўйнаб берасиз! — дейди Азамат савдога чек қўйиб. — Бизникида ҳам меҳмон бўлинг, Забаржад опа. Ана, тол тагидаги кўк дарвоза!

— Раҳмат, Азаматжон. Жамиланга салом!

* * *

Мастура амма истиқомат қиладиган чорбог.

Дарвозадан кирганда — эскичароқ андозала, аммо пишиқ-пухта курилган ихчамгина уй-жой. Имортатга туташ ишкомдан нарёғи озроқ резаворлигу қолгани — сой бўйигача ўрмонга ўхшаш куюқ дарахтзор.

Боғ бирмунча қаровсиз, ёввойироқ. Балки шуниси маъқулдир — эски хотираларни ёдга солади. Дарвоқе, бундай каттакон жойни эллаб туриш ҳам осон эмас.

Ишком остидаги сўрида шу яқин атроф жамоати жам деса бўлар. Ўринойнинг ташрифини эшишиб, уни кўргани келган кўшини келин-кепчагу бола-бакра — бари шу ерда. Барининг оғзида — Ўриной: Ўриной кептилар, Ўриной опкептилар, Ўриной опам бердилар, айтдилар, кулдилар...

Ўринойнинг ўзи тўрда — муштдеккина бўлиб қолган, бироқ ҳамон тетик-бардам, кўзлари тийрак бокувчи аммажонининг пинжига суқилиб, эркаланиб ўтириби. Амма ҳам жувон дегулик бу кап-кatta қизни худди тантис қизалоқдек тинмай ялаб-юлқайди, силаб-сийпайди:

— Ингинамдан қолган ёдгорим! Укагинамнинг



ўрнига — Ўринойим! Ҳаҳ, амманг кўзларингдан! Ҳаҳ, амманг қошларингдан!

Қўшни хотин-халаж бир-бирига меҳрибон бу амма-жиянга, аниқроғи, шаҳардан келган жиянга ҳавас билан термилади.

Жайдари мева-чевага тўла дастурхоннинг ўртасидаги баркашдек торт, четлари "емирилаверіб", ликобчадек бўлиб қолган. Бола-бакранинг оғиз-бурни, дасту панжасишира-шарбат.

Боягина хонаки кийимда ичкари кириб кетган Адолат келин бир маҳал қўмтишиброқ, лекин шаҳарбол аломат либосда чиқиб келади. Энди ҳамманинг эътибори ўша ёқда. Қўйиб берсангиз — сўридаги ҳар бир қиз-жуон шу тобда Адолат келиннинг ўрнида бўлиб қолса!

— Вой, мунча чиройли!

— Ярашанини қаранг-а!

— Худди анови телевизорда кўрсатадиган артист аёлга ўҳшалилар-қолдилар!

Мастура кампир ҳам кафтини пешонасига тутиб ўша ёққа тикилади.

— Ҳа-а, ўҳшабди. Бу кишиям шаҳарлик бўлмоқчи ўзи!

— Аммажон, — дейди Ўриной — Забаржад унинг қулогига пичирлаб, — сўмкамда кўп бунақаси! Мана буларгаям берсак, хафа бўлишмасмикан? Бир-икки мартагина кийилган, холос.

— Нимага хафа бўлар экан, айланай? Жон дейди! Қўзига суртиб-суртиб кияди-я! — Амма уни тагин таърифлашу алқашга тушиб кетади: — Ҳаммасини ўзгинаси тиккан! Ҳаҳ, чевар жиянимдан! Аммасига меҳрибон жиянимдан! Бир кўлгинаси доим шу ёқда! Топган-тутганини юбориб туради. Ана, дадагинасининг қабриниям шу қиз обод қилиб қўйибди! Ҳаҳ, бўйларингдан амман!

— Бўлди, томоша тамом! Кир уйга!

Бу овозни эшишиб, "кўргазмада турган манекен" — Адолат келин зиппиллаб ичкарига уриб кетади.

Эркак кишининг нафасидан хуркиб қўшни хотин-халаж ҳам аста қўзала бошлайди.

Елкасида кетмон, девдек бўлиб боф тарафдан чиқиб келган Фозилбой онасининг қаршисида тўхтайди:

— Эна, бу булоқ деганингиз мени сарсон қиласиди! Вакирлаб қайнагани қайнаган-а! Ахийри, сой томонга буриб юбордиму кўнглим жойига тушандай бўлди. — Сўнга Забарждага юзланиб: — Жажад, — дейди, — чорбонгидан сув чиқсан, эшигандирсан? Булоқ! Шифобахш!

Мастура кампир ўғлининг оғзига ёпишади:

— Ҳой бола, бу нима деганинг? Бу қизнинг аммаси атаган ойдай оти бор — Ўриной!

— Қўяверинг, аммажон. Болаликдан мени шундай деб ўрганган. Исиммини эплаб айтольмайди-да. Мен ҳам бунингизни "қишлоқи", "Қўполбек" дейман-ку, кўнглига олмайди сира. Ўзиям ҳар гапида "биз энди бир қишлоқи-да" дегани деган.

— Болалигинг хув сойнинг бўйида қолиб кетган, болам! Энди айб бўлади.

Бу дашномни эшигмагандек, Фозилбой "Жадад, Жадад" дей эрмак қилганча уйи томон юради.

— Ўзимиз қолдик, энди сўрасам бўлар, — дейди Мастура кампир овозини пасайтириб. — Укагинанг Суръатбек оёққа туриб кетдими? Нима қилган ўзи унга?

— Э, операция пайти ўқни олайтганда бир томирига тегиб кетганми... Кузда Москвага олиб бормоқчиман.

— Умргианнинг барака топ, қизим! Отагиналаринг йўқ, бир-бирларингга ана шундай меҳрибон бўлинглар доим.

— Аммажон, борақолайлик, — дейди Забаржад бозовта бўлиб.

— Энди кеч бўлдими дейман-да, қизим.

— Йўқ! Йўқ! — дея тажанглик билан оёқ тираб олади Забаржад. — Ҳозир боргим келяпти! Соғинибман. Ана, шундоқ сойнинг нарёғида-ку. Икки қадамгиш!

— Мен бир таҳорат қилай бўлмаса, — дейди Мастура кампир малоли қўзгалиб. — Сен ҳам туриб юз-қўлингни чайиб ол, қизим.

* * *

Қабристон.

Ободгина бир қабрнинг бошида амма-жиян шумшайбигина ўтириди. Забаржданинг эгнида Адолат келиннинг ҳалпиллаган одми кўйлаги, бошида рўмол. Мастура кампир пичирлаб оят ўқимоқда.

У дуога кўл очганида Забаржад худди ногаҳон ҳущдан кетгандек гуп этиб қабрнинг устига ўзини таштайди-да, фарёд чекиб юборади:

— Дада! Дадажоним! Нега бизни ташлаб кетдингиз, нега? Қўйинг эди, мен чўкиб кетай эди ўшандা! Мен ўлиб кетай эди! Бирга чўксак ҳам майли эди! Бирга ўлсак ҳам майли эди! Жонингизга зомин бўлиб, сизга бадал қолиб мен нима қилдим бу дунёда, дадажон?! Шунча йилдан бери бу касофатингизни нега ер ютмайди, дада?! Дадажо-он!

Ўзини йўқотиб қўйган Мастура кампир саросимада жиянининг бошига келиб, елкасидан торта-торта уни ўрнидан қўзғатмоқчи бўлади. Аммо мадори етмай, ёнбошига чўккалай тушади.

Ажабо, ҳар қандай одамни эзиб юборадиган бу фифону нолалардан кейин ҳам унинг дийдаси куп-қуруқ — ёш қолмаган-да!

— Ҳой, жинни бўлдингми, Ўрин? Эсингни йигиб ол, болам! Шунча йил ўтиб ҳалимнинг кўнглингдаги доф аримаган экан-а, тавба-а! Дадагинангнинг арвоҳини бозовта қилма, қизим. Сен норасиданинг бирор гуноҳинг бўлса, арвоҳ кечиргандир энди. Бу дунёда кимни қолдириб, кимни олиб кетиш — худойимнинг измида. Мана, мен бир шумкампир, юрибман-ку тирик! Интигамнинг бўлса, суюклари қора тупроқка қоришиб ётиби..

Мастура кампир ногаҳон бир қалқиб, жиянининг устига таппа тушадио ув тортиб юборади.

* * *

Ховли. Оқшом. Аълочи келин ҳаммаёқни супуриб-сириб, чиннидек қилиб қўйган; ўзи ҳозир ўчоқбошида куйманиб юриди. Фозилбой негадир кўринмайди.

Забаржад сўрида — расмонасига ўрин-тўшак қилиб ётиби. Бошини тангиб олган. Тепасида ўтирган Мастура кампир ичиди алланималарни пичирлаб, кўлидаги косадан унинг юзига сув сепади.

— Кўз текканми ё бирор-яримнинг сукни кирганми, учиниброқ қолибсан-да, болам. Ҳечқиси йўқ, ўзи келган — ўзи кетади. Ма, қолганини ичib юбор. Ич! Ўзингнинг булоғингдан! Эрталаб, худо хоҳласа, отдай бўлиб турасан! Зора, йўлларинг ҳам очилиб кетсан..

* * *

Чошгоҳ. Чет-четига райҳону жамбил экилган гулзор бўйида курси қўйиб, амма-жиян гурунглашиб ўтириди.

— Кеча ўтакамни ёрдинг-а, қизим! Худога шукр, бутун чехранг равшан. Рангинг бир тиниқ, бир тиниқи!

— Мастура кампир Забаржданинг яноқларини силаб қўяди. — Сувнинг иши бу. Бир хосияти борми дейман, униси-буниси келиб хуму кўзасини тўлдириб кетяпти — билмасам. Ичса, одамнинг дили ёришиб, ўзини бардам сезармиш. Яшарганга ҳам ўшаб қолармиш. Бўлса бордир — азиз-авлиёлар ўтган жойлар! Ўзим лекин татиб кўрганим йўқ. — Амма секин уҳ тортиб, ҳафсаласиз кўл силтайди: — Энди буни ичдим нимаю ичмадим нима — бу ёғи яқин қолган бўлса!



— Аммажон, шу кеча бирар маза қилиб ухлабманки! Ўз-ўзидан хурса-анд бўлиб турдим эрталаб. Ҳув болалик вақтларимдагина шундай бўларди.

— Томирингга яқин турибсан-да, болам. Суякларинг жой-жойига тушиб, хотиржам ухлагансан. Мана, ўқлаб келдинг, бориб зиёрат қилдинг — дадагинангнинг руҳи шод бўлган чиқар.

— Амма, эсингиздами, тўпланишиб келардиг-а: дадам, аям, Шухрат, мен. Бир сафар келганимизда, баҳормиди, ўриклар гуллаб, ҳаммаёқ чаман бўлиб ётган экан. Анови айвонда кўп одам йигилган. Ҳамма хурсанд. Гулдор дўппи, бекасам чопонча кийган Шухрат додлаб боққа қараб қочган. Хатна тўйи бўлса керак-да... Аммажон, доим қалампирмунчоқ ҳиди келарди сиздан. Шундок яхши кўрардим шу ҳидни!

— Ҳаммагинаси эсида турибди-я!

— Йўқ, амма, ҳаммаси эмас! — дейди Забаржад бирдан маҳзун тортиб. — Анови кунни эслайлмайман. Ҳарчанд уринмайин — сира-сира эсимда йўқ. Фақат сиз айтган гаплар ёдимда қолган. Ҳув анови жойда, олманинг тагида лойсупамиз бўларди. Ўша ерда нима учундир йиглаб ўтирганимда айтгансиз: "Энди Қизилсойга яқин борсанг, ўлдирман, жувонмар! Даданг сени қидириб кетиб, мана, ҳалиям қайтгани йўқ". Кечаки бир туш кўрибман, аммажон. Фалати туш. Дадам ўшанда ўлмай қолган эмишлар. Иккаламиз ҳам чўкишга чўкибмиз-у, бир киши бизни кутқариб қолибди. Учаламиз қирғоқда турганмишмиз. Бундай қарасам, дадам билан ҳалиги киши бир одамга айланниб қолибди... Мен ўша одамни биламан, амма.

— Ким экан у?

— Сиз танимайсиз. Тошкентда у.

— Ҳе, туш-да, қизим, туш.

— Ажойиб туш, — деб қўяди Забаржад ўйчан.

Кечаги шаҳарбон либосни эгнинг илиб қаёққадир отланган Адолат келин уларнинг олдига келади.

— Нимани кийсангиз ҳам сизга яращади-я, опа! — дейди у Забаржданинг эгнидаги ўзининг одми кўйлагига ҳавас билан қараб. — Эна, мен ота-оналар мажисига кетдим. Ўзингиз келсалар, овқат ана, қозонда.

— Ҳай, бор, бор, — дейди Мастира кампир энсаси қотиб, тиззаларини чанталлаганча ўрнидан қўзгалларкан.

— Мен ҳам кириб бирпас бошимни қўй, Ўриной. Кечаки сенга алағда бўлиб, уйқум қочган эди. Ётсам, пешин намозигача ётарман. Сен ҳам туриб чорбогингни бир айланниб кел, қизим. Бориб анови булоқни кўр. Биласан-а қаердалигини?

— Топиб оларман, — дейди Забаржад жойидан туриб.

— Шифобахш экан-ку! Бирдан яшариб кетсан-а!

— Бундан ортиқ яшариб қайта бораардинг, болам?!

* * *

Чорбогнинг хилват бир бурчагидаги кекса ўрик тагида кўз очган чашма. Гирдига доирасимон шаклда бир текис қилиб кулранг тош терилган. Бир четгинасидан ариқча очишиб, этак томонга буриб юборилган. Теварак-атрофи нам.

Булоқ бўйидаги тўнқадан ясалган кўлбola курсида ўтирган Забаржад, кафтига ияк тираб, хаёлчан нигоҳини сувдан узмайди.

Зилол сув остидаги майдо тошчалар орасидан сизиб чиқкан турунсимон нимадир юзада аввал пуфакчалар ҳосил қилиб айланади. Сўнгра бу ҳол тезлашиб, вижир-вижир мавж пайдо бўлади. Бир маҳал қарасангиз — атрофга зарра сочиб, расмонасига вакир-вукур қайнай бошлияди.

Бу ҳолат ҳар ўн-ўн беш дақиқа орасида тақрорланиб туради. Забаржад шу манзарага термилиб ўтиракан, чашма сатҳи тинчиб, сув тиниқчандаги кўз ўнгига таниш бир қиёфа намоён бўлади. "Дўстим"!

Бир вақт бўйнига оғир бир нима текканини сизиб,

у сапчиб тушади. Қараса — ишшайиб орқасида Фозилбой туриби, шунинг кетмондек кафти экан.

— Ия, одамни қўрқитиб юбординг-ку, Кўполбек!

— Биз энди бир қишлоқи-да, Жадад, падхўдни билмаймиз. Ҳа, булогингни томоша қиляпсанми? Зўр булоқ бу!

— Ёшбулоқ де! Ичган одам яшарармиш-ку!

— Нима, сен қарип қопсанми?! Қариган деб, ана, Адолни айтса бўлар. Ҳозирданоқ афтига қарагинг келмайди — ҳаммаёғи бужмайган. Бўлмаса, сендан тўртбеш ёшлар кичик у!

— Кўйсанг-чи! Хотининг биппа-бинойи! Сен билан яшасам эди, мен ундан бешбаттар бўлардим. Кўпол! Қишлоқи!

— Жада-ад, — дейди Фозилбой кутилмаганда кўзлари фалати йилтиллаб, — бир нарса сўрасам майлими? Бир мартагина ўтири, Жадад!

— Ия, бу нима деганинг, Кўполбек? — дейди қиқирилаб Забаржад. Кейин шўхлиги келиб, чаккасини тутади: — Ма, ўп!

Фозилбойнинг тус-авзойи ўзгаради:

— Бор-э, ёш бола бўлдимми мен сенга?!

— Ёш боланинг гапини қиляпсан-да ўзинг!

— Нима, бирор жойинг камайиб қолармиди? Шаҳарлик-ку сен!

— Вой-вой, бунинг гапини қара-ант! Энди билдим: сен қишлоқи ҳаммаси эмас, қип-қизил тўпори экансан! Ундан ҳам баттари — ёввойи!

— Бўлди, бўлди, Жадад! Шаҳарлик экан деб, нима, ҳазиллашиб ҳам бўлмайдими сенларга?! — Фозилбой кейин бирдан паст тушиб ўтинади: — Амманга гуллаб юрмагин тағин! Шунчаки бир ҳавасим кепкетди-да сенга...

— Хўп, хўп. Айтмайман ѡч кимга. Туманта кўчмоқчи эмишсан, ростми? — деб сўрайди Забаржад мавзуни ўзгартириш мақсадида.

— Ҳа, шундай ният бор. Бир-икки йил у ерда яшаб, кейин Тошкентгами, Самарқандгами кетаман кўчиб!

— Воҳ, воҳ, сизга кўзи учиб турган экан-да шаҳарнинг!

— Ўзинг биласан-ку, Жадад, ҳозир ҳамма нарса шаҳарда — пул ҳам, бошқасиям!

— Бошқаси — нима у? — дейди шаддод Забаржад бу дўлвор аммавачасини тағин калака қилмоқчидек.

— Э, бор-э! Сен ўзи азалдан шундай — устимдан кулганинг кулган! Биз энди бир қишлоқи-да.

— Сен кетсанг, ким қолади бу ерда? Қишлоқ яхшимасми, Фозил?

— Сен қол! Қол! Ҳамманг "қишлоқ, қишлоқ" деб оҳ-воҳ қиласан-у, шаҳарга қочасан! Қишлоқда фақат Фозилбой яшасинми?!

* * *

Аммаваччалар ёнма-ён, дарахтзор оралаб келяпти.

— Сиз ҳам бир ажаб ҳазил қилдингиз-да боя, Фозилбой? — дейди кулиб Забаржад.

— Йўқ, Забаржад, — дейди Фозил тақقا тўхтаб, қизга тик қарайди, — ҳазил эмас эди!

— Бор-э! — деб қўлидаги бутоқни силкиб пўписа қиласи Забаржад.

Фозил шартта буриладио айиқдек лапанглаб уй томон кетади.

Ҳалиги бутоғини кўндаланг тишлаб Забаржад унинг ортидан қараб қолади.

* * *

"Тико" қишлоқ оралаб ўтиб, дўнгликка ўрлайди.

Забаржад шаҳарга қайтаётир. Тиззасида каттакон бир шиша идиш.

— Нима бу, Забаржад опа? — деб сўрайди Азамат.

— Сувми?



— Сув.
 — Шундан ўша ёқса сув кўтариб борасизми?
Кишилкунинг суви бошқача-да, а?
 — Йўқ, булоқ суви бу. Чорбогимиздаги булоқдан. Таркибини текширтиргани опкетяпман. Бирор натижа чиқиб қолса, кейин балки...
 — Дейлик, чиқиб қолгудек бўлса-чи? Нима қиласиз?
 — Унда сен билан маслаҳатлашиб бирор қарорга келармиз-да, Азаматжон, — дейди хаёлчан жилмайиб Забаржд.
 — Айтмоқчи, тунов куни Жамила сизни кўрибди. Дўкончанинг олдида турган экансиз. Танишлигимизни айтсан, қани ишонса!
 — Тўйдан гапир, Азамат!
 — Бўлади! Келгуси йил. Сиз ваъдангизни унутмасангиз — бас!
 Бу сафар ҳам магнитофондан нола қиласи ҳофиз:
 Тушимда кўрса-ам эди-и-и...

* * *

Таниш чароғон ваннахона. Эшиги ланг очиқ. Шовиллаб жомга сув тушаётир. Жомни номаҳрам кўздан тўсиб турган хира-шаффоф "чимилдиқ" ортида эса, сув остида чарх уриб бир малак чўмилаётир. Парда ортидан унинг фақат мафтункор қадди-қомати кўринади, холос! Гоҳо сув билан шодон қийқириб ўйнашгани, бир нималар деб арзи ҳол қилганлари эшитилади, холос!

Ул малакнинг бор хусну малоҳатидан баҳраманд бўлиш, ажабки, жом деворидан боқиб турган анови ишвакор жононга насиб этган! Малак у ёнга қайрилса ҳам кўз қисади, бу ёнга қайрилса ҳам кўз қисади. Нима демоқчи бу фитнакор?

— Ҳа, ҳавасинг келяптими? Куйиб ўл!

Ваннахонанинг эшиги мўъжазгина ойнабанд айвончага рўбарў. Айвонча эштиги ҳам ланг очиқ. У ерда бизга чала таниш (юз-кўзини кўрмаганмиз-да ҳали), сочига оқ оралаган ўртаяшар киши деразага қараб чекиб турибди. Ваннахонадан келаётган узуқ-юлуқ сасадоларга, нолаю адоларга диққат билан кулоқ тутган.

— Энди? Бизнес қиламан. "Шифобаҳаш сув бекаси!" "Париси" деса нокамтаринлик бўлар-а, тўғрими? Майли, майли. Бир врач йигит билан келишиб қўйдим. Йўқ, асли ўша ерлик. Ҳусусий профилакторий очаман. "Ёшбулоқ" дам олиш маскани! Сиз бориб дам оласиз. Сувларидан ичib сочларингиз қораиди. Ҳув, Туркманбоши ўҳшаб! Ҳазил, ҳазил. Яшара бошлайсиз. Яшарасиз, яшарасиз, яна йигит бўласиз! Иннайкейин... Вой, унда мен ҳам яшара-яшара, чақалоққа айлануб қоламан-ку? Ҷаҳони қоламан-ку! Ҷаҳони қоламан-ку! Ҳана қоламан-ку! Ҳана қоламан-ку! Яна Қизилсойга чўкаманми? Яна дадам!. Ийўқ, ийўқ, асло! Барининг жой-жойида қолгани маъқул, нима дедингиз? Ақллиман-а? Аммажоним ҳам шундай дейдилар. У киши тағин нима дедилар, айтами? "Сен икки кишининг ўрнига, икки кишининг умрини яшайсан", дедилар. Дадамнинг, ҳам ўзимнинг! Ана, билиб қўйинг! Ҳа, роса доно кампир!.. Энди нима қилардим — ўғлим билан яшайвераман! Бошқа ҳеч нарса керак эмас менга, билдингиз! Ўғлингизни кўргани келарсиз? А? Айти-инг!

Кутилмаганда телефон чўзиб-чўзиб жиринглайди. Забаржд бир дақиқа таажжубда тек қотади: эгасиз уйга ким қўнғироқ қилиши мумкин?

Кейин дароз таккурсида турган жимжима телефон гўшагига аста кўй узатади. Дилбар!

— Забар?! Сен нима қилиб ўтирибсан у ерда?

Забаржд айб иш устида кўлга тушгандек довдираб, тутилиб қолади:

— Ўзинг... ўзинг айтувдинг-ку гулга сув кўй, деб!

— Куйдингми?
 — Куйганман. Куйиб турибман.
 — Қалай, ётоқдаги жаннатгул очилдими?
 — Очилган, очилган. Гуллаб ётиби.
 — Раҳмат, шукрия, мерси... Забар, қовун чиқдими?
 — Қанақа қовун?
 — Ейдиган-да, жинни!
 — Ҳа, бор. Бозорда. Кўп.
 — Бундай қиласан, ўртоқ! Ҳозир бориб битта ко-отасини оласан. Ҳей, хонпатир эсингдан чиқмасин! Қип-қизил, сингиб пишганидан ол.
 — Нечта бўлсин? Қанақа қилиб жўнатаман сенга?
 — Жўнатмайсан, лоҳ! Уйга опкеласан, қовунни сўясан, хув яхши кўрган тебранма креслом бор-ку, ўшанга ўтириб олиб маза қилиб ейсан. Охиригача! Тушундинг?
 — Нимага? Унақасини битта ўзим қандай еб битираман?
 — Битта ўзинг бўлмаса, анови дўстингни чақиравсан. Сенга рухсат.
 — Кейин-чи, нима қилай?
 — Кейин — ўзинг биласан. Намунча тупойсан-а!
 — Диля, тушунмаяпман гапингга: қовун, патир...
 — Мен учун ейсан, ўртоқжон! Мени эслаб!
 — Хўп, хўп. Айтганингдай бўлади. Менинг бу ердалигимни қаёдан билдинг, Дилбар?
 — Деярли ҳар куни телефон қиламан. Қиламан-у, индамай кулоқ тутиб туравераман. Уйимнинг, гулларимнинг ҳиди келгандай бўлади. Соғиндим, дугон, шундоқ соғиндимки!..

Гўшакдан Дилбарнинг пиқиллаб йиғлагани эшитилади. Забаржд "Вой-вой, нима бўлди сенга, Дилбар?" деганича қолади, алоқа узилади.

* * *

Кийим-кечаги жойланган сафар халтаси елкасида, сувли идишни қўшқуллаб кўкрагига босган Забаржд ҳовлиларига бурилади-ю, юраги така-пука бўлиб, турган жойида таққа тўхтайди.

Йўлакларининг оғзида бир тўп одам! Икки қатор курси кўйиб рўбарў ўтиришибди. Айримлари таниш — кўни-кўшни. Юра пиён дўппи кийиб олган. Нима гап экан? Нима гап?!

Улар орасидан бир киши туриб, Забаржд томон кела бошлади. Абдулазиз ака! Бу ерда нима қилиб юриди у киши?

— Ассаломалайкум, — дейди қалтираб Забаржд.

— Яхши юрибсизми, Забарждадон? Бехабар кўринасиз, қизим. Бандачилик экан. Восил амакингиздан аирилиб қолдик. Ўғли пичоқлаб қўйди. Кеча чиқарганимиз.

— Вай-й-й!

Забарждадинг қўлидаги салмоқлигина шиша идиш ерга тушиб кетиб, пақقا ёрлади. Оёқ остига сув сачрайди. Ҳаммаёқ ҳўл!

Забаржд шоша-пиша чўнқайиб йирикроқ шиша бўлакларини йигиб олади-да, бетон ариқ бўйидаги ахлат кутисига ташлаб келади. Қолган майда синиқларни Абдулазиз ака бошмоғи билан тўплай-тўплай, ариқ томон сурниб қўяди.

— Спиртмиди? — деб сўрайди алланечук хижолатомуз.

— Сув эди. Қишилкунан.

— Сув?!

— Булоқ суви-да. У ёқда кўп. Яна опкеламан, ўйламанг.

— Шундай бўлиб қолди, қизим, — дея Абдулазиз ака бояги мавзуга қайтади тағин. — Бир вақтлар туппа-тузук олим эди. Беғубор, дали-гули одам. Кишининг ҳаётига бир дарз кетса, кейин уни ямаб олиш қийин бўлар эканда. Бунинг устига, биласиз, анови сабилга ҳам ружу қўйган



* * *

эди... Ҳай, сиз энди кираверинг уйингизга. Ўтинг. Анови ёқдан айланиб ўтиб кетаверинг. Ҳечкиси йўқ.

Забаржад кўлини кўксига кўйиб Абдулазиз акага таъзия изҳор этган бўлади-да, кейин у киши кўрсатганидек, девор ёқалай бориб, боши ҳам, аста сирғалибигина йўлакка киради.

* * *

Иккинчи қаватта чиққач, таниш эшик қаршисида бир зум тўхтайди. Эшик ланг очиқ. Ичкаридан хотин-халажнинг паст, бўғиқ овози эшитилаётir.

* * *

Негадир ўзларининг эшиги ҳам очиқ! Забаржад ҳайрон бўлиб даҳлизга қадам босади-ю, серрайганча қотиб қолади.

Рўпарасида — Суръат, оёқлари шол бўлиб ётган укаси, худди ҳеч нима кўрмагандек, қўлларини кўксисида чалиштирганча деворга суюниб туриби!

— Во-ой!

Агар қишлоқдан кўтариб келган шиша идиши боя синиб қолмаганида, ҳозир ерга тушиб чил-чил бўлмоғи муқаррар эди!

Ошхона тарафдан кўлини сочиққа арта-арта Вазира опа чиқади.

— Ие, Забар, келдингми? Эшиитгандирсан? Кўргилик-да, қара! Бечора Восил aka!

— Ая, бунингиз?!

— Ўшандан бери сал-пал қадам босадиган бўпқолди, опаси! Худога шукр! Мен шўрликнинг оху зорим худойимга етдими дейман... Лекин, таъзияга тушиб чиқаман, деб ҳалитдан бери ҳол-жонимга қўймайди-я! Эндиғина оёққа турган одам! Ўзинг тушунтир бунга.

Аяси билан наридан-бери кўришиб-омонлашган Забаржад укасини маҳкам қучоқлаб олган, юз-қўзларидан чўлпиллаб ўпгани ўпган.

— Ростданми? Вой, ростданми?! Худога шукр-э! Укажоним! Мен сенга шундай бир мўъжиза сув опкелдимки! Ичдинг — эртасиёқ тойҷоқдай дикирлаб кетасан! Ана, биттаси сўмкамда. Ҳали қўйиб бераман, кўрасан! Таъзияга эса эртага билла тушиб чиқамиз, хўпми? Бутун энди кеч бўлди, нокулай.

Забаржад Суръатни тирсагидан тутиб ётоқ жойига олиб киради-да, ўзи оёқ томонига ўтиради.

— Лола...

— Э, Лола ҳам, Райхону Бинафша, Раъноя Наргис, Нибуфару Жасмингача — ҳамма-ҳаммаси энди сеники, Суръатбек! Ишонавер!

— Йўқ, Лола...

— Буларнинг бари — бир гулу гиёҳ, укагинам! Мехр қўймасант, парвариш қилмасант — ҳаммасиям куриб, қовжираб, хашаки бир ўтга айланиб қолади. Кейин бир куни оёқости ҳам бўлиб кетиши мумкин!

Суръат Забаржадга бақрайиб қолган: "Бу қизнинг эси жойидами ўзи? Ё қишлоққа бориб жин-пинга чалиниб келдими, нима бало?!"

— Мен манови ҳовлидаги Лолани айтяпман, опа!

— Мен ҳам шуни, шуларни гапиряпман-да, укам!

Намозшом чоги. Она-бала ошхонада чойхўрлик қилмоқда.

— Бошқа яна нима гаплар, ая?

— Келиб ўзинг кўрган-билганинг — шу! Айтгандай, Диля ўртогинг келиб, калитини ташлаб кетди. Гулларига сув қуйиб туармишсан. Бир ясантан, бир ясанган! Бунча пулни қаёқдан оларкан-а бу қиз? Кейин — ишхонангдан Гулноз Раҳимовна деганинг кўнғироқ қилди. Иккى марта. Аризангни кимгadir бермаганмиши-еї, директорларинг қайтадир кўтарилиб кеттанимиши-еї! Ишқилиб, гапларига унчалик тушунмадим шу хотиннинг. Борганинга ўзинг билиб оларсан. Ҳай, қани, гапир! Чорбони нима қилдинг? Сотдингми? Кимга? Нечагулга?

— Чорбоб сотилмайдиган бўлди, ая!

— Сотилмайди?! Нега?

— У — мулк! Бувамдан, дадамдан қолган мулк! Уни ҳар кимга сотиб бўлмас экан. Аммам айтдилар. Қайдам, балки бутунлай сотилмас. Сабабини яқин орада биласиз.

— Тавба-а!

— "Эр киши ер сотмас, ер сотган — эр саналмас". Эшиитгандирсаниз?

— Буниям аммажонинг айтгандир?

— Йўқ, Азаматнинг дадаси айтган!

— Азаматнинг ким,вой?

— Ҳалқ айтган бу гапни, аяжон!

— Ҳалқ?!

Вазира опа эси оғгудек бир ҳолатда Забаржадга тикилиб қолади: "Бу қизга ё бир бало бўлган, ё анови ёсуман кампир роса ўқитиб жўнатган! Энди нима қилдим-а, худойим! Шўрлик бошимга бу савдо ҳам бормиди?!"

* * *

Эгнида ҳалат, бошига каттакон сочиқни салла қилиб ўраган бир малак айвонча деразасидан ҳовлига тикилиб туриби. Ҳовли қоронфи, шивалаб ёмғир ёғаётir.

— Энди учрашмаймиз! — дейди малак алам билан деразадан пастга қараб кимгadir. — Ҳеч қаочон!

Шу заҳоти тўсатдан чақмоқ қақнайдиу мошинага ўтираётган одамнинг юзини бир зум ёритиб ўтади. Нихоят, биз у зотнинг дийдорини кўрмоққа муваффақ бўламиз.

Аммо у — ким? Кимга ўхшайди у? Нега шу чоққача юзини яшириб келди? У — сизми? Ё — бизми? Бу — суйган кўнғилнинг ўзигагина аён! Буни суйган кўнғилдан бошқа ҳеч ким билмайди!

Тиллақурт мисоли чўғланиб турган алланима (сигарет!) қоронгиллик қаърига учеб кетадиу мошина эшиги қарсилашиб ёпилади.

Суйган кўнғил нида қилиб қолади:

— Мен сизни яхши кўраман! Яхши кўрама-а-ан!

Қоронги бир тунда ёмғир шовқини аро янграган йиғи аралаш бу нида чақмоғу момақалдириқ садоларига қўшилиб кетади.

ТАМОМ



Маҳмуд ТОИР,
Ўзбекистон ҳалқ шоири

ОШИҚ ОҲИ

Достон

ҚАЛБ ЧАМАНИГА САЁХАТ

Шеърпарвар ҳалқимиз шоирларимиз ижодидан ҳар лаҳза баҳраманд бўлиб келаётирлар. Айни чоғда гўзал адабиётимизнинг бисоти янги ижод намуналари билан бойиб бормоқда. Бу foятда масъулиятли ва шарафли юмушни истеъдод ҳамда қизгин меҳнат билан адо этаётган пешқадам шоирларимиздан бири Маҳмуд Тоирдир.

Маҳмуджон истиклолимиз йилларида тўла шаклланиб етган ижодкор. Шоиримиз истиқлол foяларини тараннум этгувчи бир қатор шеърий туркумлар ва достонлари билан тилга тушди, ўкувчилар эътиборини қозонди. Ўзбекистон ҳалқ шоири унвонига сазовор бўлди. Албатта, замонавийлик шоирдан қанчалик мashaққат ва масъулиятни талаб қиласин, у инсон қалби билан боғлиқ нозик, инжа мавзуларни ўзидан ҳеч қачон истисно қилган эмас. Кўйида Сизнинг эътиборингизга ҳавола этилаётган шоирнинг янги достонини айнан қалб чаманига саёҳатdir деб биламан.

Абдулла ОРИПОВ,
Ўзбекистон Қаҳрамони,
ҳалқ шоири



Кўлимга бир дафтар тушди. Кўнглимга бир оҳ тушди. Бу дафтар битикларининг ҳар сатрида сим-сим дард бор эди. Нолалари жонбахш эди. Дафтар эгаси севган дил, севилган дил эди. Аммо баҳтсизлигидан шикоят қиласин эди. У Оллоҳни танириди...

Ушбу дафтарни вароқлаб мен бу ошиқнинг оҳига эргашдим. Ўтлигим, оловлигим ёдимга тушди. Куйғанлар, қўйдирғанлар ҳақида куйлагим келди. Зеро, ухлаган булбул, ўлган булбул, деди ичимдаги оҳим...

Тонгда шабнам шарбатин ичиб,
Булбул сархуш гунчани қучиб,
Менинг ҳам бир куйлагим келди,
Софинчимнинг қўкида учиб.

Осмон яқин келади тонгда,
Кўзда чакин кулади тонгда,
Ошиқ оқин, бечора оқин,
Куйламаса ўлади тонгда.

Севиб қолсанг гулдайсан, укам,
Тўкиласан, тўлмайсан, укам,
Алномишдек Барчининг бўлса,
Номардга эл бўлмайсан, укам.

Кел, қаламнинг қонин тўқамиз,
Тош дилларнинг жонин тўқамиз,
Кўйган кўнгил дафтари тўла,
Биттасининг чокин сўқамиз.

Бўзлайверсин кейин ўзлари,
Сўзлайверсин кейин ўзлари.
Бизни ногоҳ согиниб қолса,
Излайверсин кейин ўзлари.

Севгим... Соғинч қўргонида самовот сultonига саловат айтиб, дунёнинг бевафолигидан ўкинган севгим. Сени соғиндим. Сени ахтаргим келди. Айт, кимдан, қайлардан сўроқлайн сени?!

Бевафо ёрга деб узган гулларимнинг уволлариданми?..

Ёлғон орзуларга ёлворган кўнглимнинг жавобсиз саволлариданми?

Булбуллар баётидан ийманган фунчалар юзидан тўкилгувчи шабнамлар айтинг...

Райҳонлар бисотидан ҳар тонг сочилгувчи атри насимлар айтинг, айтинг қайлардан сўроқлай?

Умидим уммонида сузуб бораётган оқ кемам, хаёлим қўкида булуллар кўксини тилиб қанот қоқаётган оққушларим, оқар сувларга орзуларини кокил қилиб ташлаб қўйган маъсума мажнунтоллар айтинг, муножотларим сизга етиб боргайлими?

Дунёда жавобсиз қолган сўроқдан оғирроқ тош йўқ. Мен кўксимдаги шу тошни гуллаттим келади. Гуллаган тошлар... Нақадар гўзал...

Эй, бевафо дунёнинг қўргуликларидан зериккан юлдузлар... Чимдим нурингизни адашган ошиқдан дариф тутманг. Агар билсангиз, тун кўксини куйдиргувчи бир оҳ бор. Бу ошиқлар оҳи...

Бир оҳ бор тотли бираам,
Чеккувчидан жон олган.
Бу оҳ асли дунёга,
Мажнундан мерос қолган.

Менинг севгим, сен қандай оҳ урадирсан? Ҳар оҳингдан бир гул очилгайми? Кўнглим вафо гулининг расмини чизишни истайди. Агар қўрқсанг севишни билмаган одамлардан қўрқ, кўнглим. Сен эса севишни биласан!



Гул нима, гулзор нима,
Кўзига илмаганга.
Севги совуқ сўз эрур,
Севишини билмаганга.

Мажнун ким, кимдир Лайли,
Улар нур ишқ тифайли.
Ачинсанг ачин, майли,
Севишини билмаганга.

Шабнамларда шакл йўқ,
Капалакда жаҳол йўқ,
Чумолида ақл йўқ,
Севишини билмаганга.

Гулнинг иши пардоздир,
Булбуллар ишратбоздир,
Тўрт фасл бирдай ёздир,
Севишини билмаганга.

Ёмғирларда йиги йўқ,
Майсаларнинг тиги йўқ,
Кўнгилнинг ҳеч чўғи йўқ,
Севишини билмаганга.

Ой нима, бир парча доғ,
Кўёшми, битта чироқ,
Юлдузлар биздан йироқ,
Севишини билмаганга.

Дайдор нима, тўқнашув,
Ишқ нима, ишратлашув,
Кўз ёши, юздаги сув,
Севишини билмаганга.

Мен йиглаляпман, севгим. Йиглашни билмаганлар учун йиглаляпман. Агар билсанг, менга йиглашни шабнамлар ўргатган. Шабнамлар...улар ердаги поклик туморлари. Шабнамлар қандай ҳосил бўлади, кузатганилар бормикан? Бўлса улар баҳтил одамлар. Одамзот қилган гуноҳларини ювиши тонгда шабнамлар бошлаб беради. Улар муҳаббатдан йироқ, оқибатдан йироқ, каслар учун тонгтacha йиглаб чиқадилар. Кейин... кейин қўёш чиқади. Агар қўёшнинг тилини биладиган одам бўлса, унинг ilk хитоби «Шабнамларимга тегманг», деган сўздан бошланса керак. Чунки қўёшнинг ер юзида қилган биринчи иши ҳам шабнамларни битта-битта териб олишдан бошланади.

Мен йиглаляпман, севгим, менга йиглашни шабнамлар ўргатган. Дунёни севги асрайди дейдилар. Севгини ким асрайди? Севгини нима асрайди? «Поклик, поклик», деган ҳайқириқ отилиб чиқади дилимдан. Шабнамлардек поклик...

Аслида ҳам пок одам гуноҳ қилишдан кўрқади. Ҳар битта майсанинг, ҳар битта гулнинг, ҳар битта япроқнинг юзини ювиш...Накадар гўзал, нақадар илохий ҳикмат бор шабнамларнинг қисқа умрида. Қанийди, кирланган дилларни ҳам майсаларнинг юзларини ювган каби ювив бўлса. Ҳар тонг одамлар кўчага тозарив, ёшарив чиқардилар. Тозахаёл инсонлар муҳаббатга хиёнат қильмайдилар. Севгига садоқат кўнгилдаги тоза тилакдан бошланади.

Мен оламни, одамларни ана шундай тоза, беғубор тасаввур қилишим биланоқ, кўксимда гуллар чапак чаладилар. Кўзларимдан шабнамлар томчилай бошлайди. Аммо, Худойимга йиглаш аламданми у, қувончданми у, кўнгилни тозартиради. Менга Худойимга йиглашни шабнамлар ўргатган, севгим! Билсанг, шабнамларда шифо бор.

Инсон кўксин тоғ қилган,
Дилнинг дилга вафоси.

Кўнгилларни чоғ қилган,
Шабнамларнинг шифоси.

Тонгнинг тоза маржони,
Ишқ аҳлиниң дармони,
Ишқизларнинг армони,
Шабнамларнинг шифоси.

Тўқилса булбул бўзи,
Гунчанинг хуммор кўзи,
Дийдамдаги дур ўзи,
Шабнамларнинг шифоси.

Гул юзида зайнати,
Тонгнинг тоза шарбати,
Худойимнинг ҳиммати,
Шабнамларнинг шифоси.

Самовий салом берар,
Маст дилларга жом берар,
Ошиқقا ором берар,
Шабнамларнинг шифоси.

Ҳамманинг қўли ҳам осмонга етмайди. Жуда ғалатику, кимнинг қўли етади ўзи осмонга? Ҳеч кимнинг десам юрагим қинидан чиқиб кетадигандек. Йўқ, йўқ! Ошиқлар осмонга кўнгил билан етадилар. Кўнгил кўзи етган манзил эса гўзал бўлади. Чунки, ошиққа харобада жой йўқ, Хароба—зоғларники. Дунёда зоғлар борлигини эслаш ҳам товонида тикан билан юрган одамдек кишини безовта қиласди.

Одамлар тимсолидаги зоғлар ағёrlардир. Ўйлаб қоласан, қайси замонда ошиққа осон бўлган. Наздимда бундай замон энди келмаса, шундек замонда яшадим деб кўкрагига урган ошиқни топиб бўлмас. Зоро, тўртта қарға бир жойга жам бўлса, булбулнинг ҳазин ноласини ютиб юбориши тайин.

Булбул бўлиб туғилиши ва булбул бўлиб ўлиши Оллоҳ хуш кўрган ошиқликнинг олий мақомидир.

Севмоқ гўзал, севилмоқлик хуши,
Севмаган дил осмон бўлмаган.
Эй сен кўнгил, осмонингдан туш,
Ошиқларга осон бўлмаган.

Тарих гувоҳ, тақдирлар гувоҳ,
Ҳар ошиққа тутмаслар чироқ,
Оллоҳ ўзи бўлгунча паноҳ,
Ошиқларга осон бўлмаган.

Қайс қайғуси қаримайди ҳеч,
Лайли дарди аримайди ҳеч,
Ағёр дейди: бир-бирингдан кеч,
Ошиқларга осон бўлмаган.

Кўнгил кўзи қўй етмас чироқ,
Фақат уни сўндирур фироқ,
Ошиқ оҳи кўкдаги чақмок,
Ошиқларга осон бўлмаган.

Ловуллаган лолалар айтар,
Кўзлардаги жолалар айтар,
Юлдуз бўлган нолалар айтар,
Ошиқларга осон бўлмаган.

Болиши баҳтдин баҳтни ётгунча,
Икки кўнгил қалқиб ётгунча,
Дийдори дур тонглар отгунча,
Ошиқларга осон бўлмаган.

Айт, шоир, кимга осон бўлган ўзи бу дунёда яшаш?
Бунча ловуллайсан, оҳимда олов бор дейсан... Севгининг

гўзал суврати сукунатда эмасми? Қанча кўп шанғиллаган одам шунча самимиятдан йироқ эмасмикан... Ҳеч кимдан сукут сабогини олганинг йўқми?..

Дарвоқе, раҳматли падари бузрукворингни бирор марта бўлса ҳам севиғ, садоқат, муҳаббат ҳақида жўш уриб гапирганини эшигтанмисан?.. Наздинга волидангни, сиз ўғил-қизларини сукути ичра сен жунбушга келганингдан кўра ортиқроқ севмасмиди.

Зотан, кўздаги муҳаббат, дилдаги муҳаббат шовқинли сўзларга сигадими ўзи? Севишини, севилишни ўргатадиган муаллим бормикан, бу дунёда аслида? Айтишларича, Парвардигор инояти или ёғаётган ёмғирнинг ҳар бир томчиси шакли нуқтаи назардан бир-бирини тақрорламас экан. Хўш, бир қалбнинг севгиси ўзининг қувончу ташвишлари, аламу армонлари билан ўзга инсон қалбидаги тақрорланиши мумкиним?..

Савол беруб жавобини ўзи топган одамга Тангрининг назари тушган бўлса ажабмас. Севаман деб аюҳаннос солмасдан туриб ҳам севишига журъатинг етадими ўзи?.. Айт-чи, майсалар бирордан сўраб ниш урадиларми, фунчалар кимнинг рухсати или лаб очадилар?.. Сув сўраб оқмайди, шамол сўраб эсмайди. Ахир қалдирғочлар сенинг изнингиз извонинг пештоқига ин кўймайдиларми?

Сен севишини одамлардан эмас, қалдирғочлардан ўргансанг яхши бўлар. Чимдим лойдан бешик белаётган қалдирғочлар балки бир-бирларини сендан кам севмаслар. Уларни Момо ерга, Яратганга бўлган муҳаббати ҳам балки сеникidan зиёдроқдир.

*Биз севишини ўргансак арзир,
Қайтиб келган қалдирғочлардан.
Муҳаббатининг кўхна қўшигини,
Айтуб келган қалдирғочлардан.*

*Момо ер ҳам бир малак асли,
Унга ошиқ бу фафак асли,
Сабот ўрган одамзот насли,
Қоядек чўнг қайрагочлардан.*

*Илдизини увол қилмаган,
Миннатини савол қилмаган,
Бир-биридан сира кулмаган,
Хурмат ўрган гул, оғочлардан.*

*Вафо жомси тўклилар, тўлмас,
Ишқли уйда чечаклар сўлмас,
Лек севишини ўрганиб бўлмас,
Ўзи тўйқ-у, кўзи очлардан.*

Чўққига чиқмаган одам улуғликни хаёлида кашф этади. Чўққига чиққач эса ундан-да юксакроқ парвоз қилиш орзуси жўш уради, қалбida. Чунки тирик одамнинг орзуси аrimайди. Шунингдек, муҳаббат гулшанига кирган одамнинг ҳайрати чексиз. Ошиқ дилга олам бениҳоя гўзал кўринади. Гўёки, хасда ҳам ҳаёт бордек, хазонлар хиргойисида баҳтнинг баётини тяди, ошиқ. Унинг кўзига тошлар ҳам тиловат қилаётгандек...

Ошиқ хаёлида юз очган санамнинг оқ ҳарир рўмоли ҳаёдан тўқилган бўлади. Ошиқ дил суқликтан йироқ юради. Мажнун учун Лайлидан, Фарҳод учун Шириндан, Тоҳир учун Зуҳордан бўлак дилдор йўқ, дунёда. Ошиқнинг кирган боғи Вафо, сунянган тоги Садоқат. Чин ошиқни ёрдан айришдан кўра жонидан айриш осон.

Ошиқ Оллоҳ хуш кўрган банда. Севган одамни яшагиси келади. Севилган кўнгил бахтдан балқиб кетади. Ёрига гул кўтариб кетаётган йигитнинг кўзларига қаранг. Ишқ майдидан, кутилаётган дийдор майдидан сархуш бу кўзлар. Уни шу тобда йўлини тўсиз, дунёнинг бойлигини ваъда қилинг, бойликка қўшиб дунёсига ўт қўйиб юборади ошиқ. Ошиқ кўнгил озода кўнгил. Ошиқ кўнгил— дунёдаги энг бой кўнгил. Асил ошиқ ўзини олам

ҳоқонлари тахтидан баландроқда ҳис қиласди. Уни фақат ҳижрон тушириши мумкин, бу тахтдан.

*Аё дўст, гар кўнглинг озода эрур,
Ўзга дил учун ҳам андоза эрур.*

Эй дўст, ошиқ бўл, ошиққа ҳавас қил. Ёшариб яшайсан, яшиаб яшайсан! Қалбингда тотли дард юз очади. Бу дарднинг дармони-ширин дийдор. Икки дил дийдоридан тўқилган нур қадларни қалқитади, қалбларни балқитади. Дийдор остонаси бу баҳтнинг остонаси. Баҳтли ошиқ бўлиш—садоқат кўрғонига бек бўлишидир. Ёрга садоқат— Ҳаққа садоқатдир.

*Севиб яшаганлар султондек яшар,
Юлдузларнинг гули Чўлпондек яшар.*

*Тун кўксин ёрурлар бўлиб нур талаб,
Ой доғин терурлар битта-битталаб.*

*Оромни осмонга отиб яшарлар,
Хаёлида баҳтга ботиб яшарлар.*

*Үз кўксини ўзи этар лолазор,
Жонини чимчилар бир ширин озор.*

*Ёмғирлар уларнинг ёдига ёғар,
Дийдор тилаганда додига ёғар.*

*Келар оҳларини тошга ўйгиси,
Зоғлар забонига шакар қўйгиси.*

*Куртаклар кўзидан кулгу терарлар,
Шабнамлар юзидан ёғду терарлар.*

*Севиб яшаганлар шундек яшарлар,
Осмонга симаган кундек яшарлар.*

*Яшар, келар баҳтнинг боғбони бўлиб,
Ўн саккиз минг олам султони бўлиб.*

*Ошиқлар қандайин ёш тўкар деманг,
Ошиқлар қандайин оҳ чекар деманг.*

*Ошиқлар Оллоҳни олқишилаб яшар,
Ошиқлар тилида гул тишлаб яшар.*

* * *

*Үлсанг арзир дунёда бир бор,
Ўз ерингга кўмилмоқ учун.
Лекин аввал яшайлик дилдор,
Севмоқ учун, севилмоқ учун.*

*Мажнунтоллар ўсар мулойим,
Сув қошида эгилмоқ учун.
Ўмр берган бизга Худойим,
Севмоқ учун, севилмоқ учун.*

*Кўшиқдан ҳам қон оқар экан,
Дил тубига қўйилмоқ учун.
Ошиқ қалбда ўт ёқар экан,
Севмоқ учун, севилмоқ учун.*

*Биз ағёрни инкор этмаймиз,
Яшар кўрни кул қилмоқ учун.
Биз кўнгилни кўкда тутгаймиз,
Севмоқ учун, севилмоқ учун.*

*Аввал дилни тозалаб олинг,
Шабнамларда юз ювмоқ учун.
Қалбинеизни кўзгуга солинг,
Севмоқ учун, севилмоқ учун.*



Узилган гул эгасин топсин,
Хазонлар күп ўқинмоқ учун.
Хиёнатнинг эшигин ёпсин,
Севмоқ учун, севилмоқ учун.

Яхшиларнинг ёди ҳам чирок,
Шахди етар тош тилемоқ учун.
Эй дўст, бўлсин жонимиз чақмоқ,
Севмоқ учун, севилмоқ учун.

Севгим... менинг қорақош, қорақўз, оқ атиргуллардан ҳам оппоқ севгим. Мен сени соғиндим... Айт, мен сукутга, сукуннага сифмасам не қиласай? Насиҳатларга, надоматларга сифмасам не қиласай? Мажнунликдан ор қылган ошиқ тулпор туёғидаги хасдан ҳам пастдир. Мұхаббатин яширган ошиқ, гуноҳини яширган бандадан ҳам туроҳкорроқдир.

Севгим... Дилем йигла деса, гурурим йигит киши ҳам йигладими дея осмондан келади. Худойимдан висол тилаб, Худойимга йиглай билган ошиқдан ҳам баҳтли инсон бормикан ўзи? Тутдек тўқилган юрагимга кафтларимни туттандим қон томди... Шу қон билан оппоқ дафтарга оҳларимни битмоқ истадим, севгим.

Атиргулларга тикилсам, тиконларини ори келди... Райдонга бармоқларимни теккисам, саболар силтаб ташлади. Бу дунёда ҳамма нарсанинг, ҳатто хаснинг ҳам, хазонларнинг ҳам ўз эгаси бор, севгим. Менинг сендан бошқа кимим бор? Куйган кўнглим ва куйдирган севгим. Сени соғиндим... Сенинг исмингни бу тун тонгтacha кўксимга босиб ётдим. Куйди кўксим, кул бўлди кўксим...

Агар билсанг ошиқлар тонгдан уялади, Оллоҳдан уялгандек. Одамзот гуноҳкор кўз билан шабнамларга, майсаларга, гулларнинг юзига қандоқ қаракин? Гуноҳкорлигини билса тоғлар ҳам қалқиб кетса керак, нечундир айрим кимсалар тепса ҳам тебранмайдилар. Чунки улар севгидан йироқ, мұхаббатдан, вафодан йироқ... Сен дилбарсан, сен дилдорсан, менинг севгим. Сени соғиндим...

Яқин келма, майли узоқ юр,
Олислардан кўрсат бўйингни.
Кечаке менга мақтади бир сур,
Отанг қилиб берган тўйингни.

Бўйинг тўла оппоқ маржонлар,
Жисму жонинг оқ ҳарир экан.
Билармикан сенек жононлар,
Одам рашқдин тез қарир экан.

Юзларингга сифмаган кулгу,
Бугун энди кимларга тортиқ.
Қақшар дилда тош теккан туйгу,
Нега севдим жонимдан ортиқ?

Оҳ, бағримда баҳордек балқиб,
Турганинг ой кўрган эди.
Шамишод қаддинг кетгандан қалқиб,
Тошлар титраб сой кўрган эди.

Чехрамдаги шодлик шодасин,
Маржон қилиб таққан кунларинг.
Лабингдаги лаззат бодасин,
Ёдингдами тутган тунларинг.

Бугун энди гуноҳинг қучиб,
Қандоқ кирдинг ўзга оғушга.
Жоним кетди қошингга учиб,
Виждонимдан қолиб қарғишига.

Қандоқ сенга баҳтли бўл дейман,
Баҳт тилемай қайтиб яшайман.
Гуноҳини ҳеч юволмаган,
Сувда ётган тошга ўҳшайман.

Севгим... Мёнинг гаригина севгим... агар билсанг шу тошлар ҳам бизлардан баҳтли ўҳшайди. Тошда баҳт нима қиласи, дейсанми?.. Баҳт нима ўзи? Бирорни баҳтли қилиши? Ўзгани баҳтини тортиб олиш-чи? Тошлар нима учун баҳтли? Уларга ўзганинг баҳти керакмас, ҳеч кимга озор етказмайди. Фақат уларга қоқилиб кетмасант, беозор тошни олиб ўзгага отмасанг бўлди... уларнинг сен билан иши ўйк.

Биласанми, тошлар яна нима учун баҳтли. Одамлар ҳақиқий ошиқларни ўлдириб қўядилар-да, кейин қабрларига тошлардан ҳайкаллар қўядилар. Ағёлар гунгларни, соқовларни яхши кўрадилар. Шу боис улар тошлардан ОШИҚ ясайдилар.

Оқ тошлардан, қора тошлардан,
Кўк тошлардан, ошиқ ясарлар.
Тош ҳайкаллар пойига чўкиб,
Кўз ёшлардан ошиқ ясарлар.

Гапирмаса, бўзламаса бас,
Кучоқ-қучоқ гуллар тўшарлар.
Ошиқ тошни, ошиқ ҳайкални,
Мұхаббатга кўмид ташарлар.

Тошларни қўй, менинг севгим. Улар билганича яшашсин. Бизлар тили, дили бор ошиқлармиз. Бизнинг оҳимиз уларни кўйдирали, кул қиласи. Қачон зоғлар булбулнинг ноласини хуш кўрибди? Майли, биз зоғларни тошларга, тошларни зоғларга бердик. Бизлар забонимиздан олов сачратиб оҳ чекамиз. Бу бир оҳки, унда бизнинг муродимиз бор. Бу бир оҳки, унинг оловида гуллар очилгай. Бу оҳ тошларни ҳам одам қилса ажабмас.

Бир оҳки оздири ўзгага тегмас,
Бир оҳки қаддини номардга эгмас.

Бу оҳнинг нурлари дил қатин очар,
Юраклар юзига бойчечак сочар.

Бир оҳки бодомлар гулидайин хуши,
Тош юрак касни ҳам қиласи сархуш.

Бир оҳки тил билан қулмайди жанглар,
Банда англамас Худойим англар.

Бу оҳнинг розлари меҳробга етгай,
Тунда ой, кундузи офтобга етгай.

Бир оҳки хиёнат ҳукмидан йироқ,
Йаш қадин қўлига тутади чироқ.

Бир оҳки юз карра тотиб тўймайсан,
Бир чексанг дилингдан сира қўймайсан.

Бу оҳни гадо ҳам, султон ҳам сувяр,
Бу оҳнинг ороми ўлдириб қўяр.

* * *

Ўн тўрт кунлик ой эдинг сен,
Мен минг ўйллик ошиқ эдим.
Мингта булбул минг оҳ чекиб,
Куйлолмаган қўшиқ эдим.

Асрларнинг ори яшар,
Ҳақиқатнинг ҳикматида.
Қалампирнинг гули бўлдинг,
Бевафоларbekatiда.

Бошим олиб кетай десам,
Тирикларга борар жой иўк.
Ер қаърида оташ бўлсанам,
Майитлардан чиқмайди чўр.



Осмонларда яшаймиз биз,
Севгимизнинг оҳи билан.
Бунда тошлар яшайверсин,
Ернинг сенек моҳи билан.

Ерга тушсак гул экурмиз,
Ошиқларнинг мозорига.
Рұхимиз ҳам қиё бокмас,
Мұхаббатнинг бозорига.

Менинг севгим... Сен күнглим қулоғига шивирладинг: «Жаҳд құлма, унинг исмини айтма, биз унинг ўзини асролмадик, энди исмини ёмон күзлардан асрайлик», дединг. Эх севгим, шунчалар пок хаёллар оғушидасанки, сени ранжитиш гуноҳ. Ушбу битикларимни ўқиб туриб бизга хаёлан «унинг исми ким?» дега сүроқлаётганларга жавобимиз шу:

Унинг исми тилни гул қулар,
Биз исмидан ифор теграймиз.
Ҳатто исми ўзга қул қулар,
Биз исмини елга бермаймиз.

Унинг исми келмаган баҳор,
Йұлларда қаҳратон қоя.
Ёт тилларда топмасин озор,
Ҳасад, иғво солмасин соя.

Унинг исми күнгил қатида,
Согинганда бир жилмайса бас.
Оҳлар олов бўлган пайтида,
Исмин айтиб оламиз нафас.

Унинг исмин Худойим қўйган,
Оятлардай ороми бордир.
Бизга ётдир ёмонга йўйган,
Унинг исми дилдағи ордир.

Унинг исми юракка кўчган,
У жонимиз жамолидек хуш.
У кўксимиз кўқидан учган,
Энди сира қайтиб келмас қуш.

Менинг дарё кўнглим, билсанг, муҳаббат осмонининг фаришталари, вафо маликалари Лайли, Шириналарнинг исмларидан ҳам нур таралиб туради. Улар асрлар оша покиза исмлари билан юракларда яшайдилар. Аёл зотини садоқатга, вафога чорлайдилар. Бу исмларни дилда, тилда такрорлаган ошиқнинг кўнглида вафо юз очади. Йигитки бор, ўз ёрларидан шундай диёнат, садоқат кўришни истайди. Вале баҳтнинг офтоби ҳамманинг бошига бирдай тушмаганидек, вафо кўрсатиб яшаш, вафо кўриб яшаш ҳар кимга ҳам насиб қиласвермас экан.

Биз исми гузал ёрдан вафо кўрмадик. Айб кимда?! Ким кимни асролмади? Биз рашикнинг кули бўлдик, биз гумоннинг кули бўлдик, севгим... Билмадики, жаҳд ақддан, гумон иймондан айирмиш. Бизнинг қалбларга гумон соглан, қаролик истаган қора ботирлар аллақачон Яратгандан ўз жазоларини олиб, юзлари ҳам қаро бўлган. Биз-чи, кеч очилган кўзлар, кўнглимиз кўқидан қайтмас бўлиб учеби кетган оққушларимизни соғиниб яшамоқдамиз, ўртаниб яшамоқдамиз. Ишқ аҳлининг йўлларига, дилларига ҳамиша тузоқ ташлагувчи қора ботирларга ҳам умр тилагувчilar бормикин, севгим?!

Бирорга ўлим тиламоқ гуноҳ. Аммо қора ниятли қора ботирларга умр ҳам тилаб бўлмайди...

Ишқ богида унган тиконлар,
Товонинги пойлаб ётурлар.
Улар абад озори жонлар,
Қора юрак, қора ботирлар.

Бахти борни кўролмаганлар,
Тош отмайин туролмаганлар,
Ёмонликсиз юролмаганлар,
Қора юрак, қора ботирлар.

Кўлларидан тушмайди тузоқ,
Икки дилнинг аросинда тоғ,
Гул шохида қишилайдиган зоғ,
Қора юрак, қора ботирлар.

Юзларининг қароси кетмас,
Кўчасидан илон ҳам ўтмас,
Кўнглида ҳеч оппоқ тонг отмас,
Қора юрак, қора ботирлар.

Кўзга тушган чўпдайин ёмон,
Бошга теккан тошдир ҳар гумон,
Айтинг, қандоқ юрурсиз омон,
Қора юрак, қора ботирлар.

Севгим... мени соғинтирган, мени соғинган севгим. Биз кимдан гина қилаляпмиз ўзи? Айт-чи, биз кинлардан, гиналардан, ҳасадлардан устун эмасмиз? Биз ошиқмиз, биз Оллоҳ бандаси. Оллоҳ ошиқларни хуш кўрур. Демак биз Оллоҳники, Оллоҳ бизники. Бизга ярашгани ошиқ қилиб яраттани учун Худойимга шукронга айтиш. Зеро, ошиқлик гўзл қалбга соҳиб бўлиш. Бундай соҳиблар вафога сultonдир. Бизнинг оҳимизни хурлар эшигтмаса, парилар тингламаса, гулойимлар қарамаса... уларнинг барчасини яратиб қўйган эшигтувчи, тинглагувчи, назар қилгувчи Оллоҳ бор. Биз баҳтлимиз. Ошиқ бўлганимиз учун баҳтлимиз. Тош эмасмиз, тупроқ эмасмиз. Биз инсонмиз! Биз нон тилаб, бол сўраб қорнимиз қайғусида оҳ чекаётганимиз йўқ!

Биз кўнглимиз боғидаги гуллар сўлишини истамаймиз. Биз уларни дийдамиз шабнамлари билан жонлантирамиз. Зеро, ошиқ тирик экан, оҳ чекиб ором олади.

Достон битдим, билгунча ёздим,
Кўнгил чимдим тўлгунча ёздим.

Йўқдан сира бор қилганим йўқ,
Ошиқликдан ор қилганим йўқ.

Ойдан тушмас ошиқлар ўзи,
Ошиқ оҳи-кўнгилнинг бўзи.

Шабнамлардан шифо тиладим,
Мен тошлардан вафо тиладим.

Тиконларнинг тигида ўсдим,
Қадирғочлар-минг йиллик дўстим.

Мен оҳимни бир моҳга айтдим,
У билмади, Оллоҳга айтдим.

Ҳар бандага Ҳақнинг ҳукми бор,
Ошиқларга ўзи бўлсин ёр!



Суон МЕЛИЕВ,
филология фанлари номзоди

БАДИЙ ОБРАЗ – МАҲОРАТ МЕЗОНИ

Адабиётшунос А.Холмуродовнинг "Қиссада бадиий образ яратиш маҳорати" номли рисоласида адабиётимиздаги фаол жанр - қиссалар таҳлил этилиб, эътиборга лойиқ илмий-ижодий фикр-мулоҳазалар ўртага ташланган. Дарҳақиқат, бу жанр имкониятлари ўзининг кўлами билан ажralиб туради.

XX аср сўнгти чораги ўзбек адабиёти тараққиётига муносиб ҳисса қўшган адиларимиз қиссачиликда баракали ижод қилишди. Ш.Холмирзаев, Т.Мурод, F.Хотамов, X.Дўстмуҳаммад, Э.Аъзамов, X.Султонов, X.Даврон, Баҳодир Мурод Али, Ш.Бўтаев каби ёзувчилар ўзбек қиссачилиги ривожига салмоқли ҳисса қўшишди. Шундай экан, ўзбек қиссачилиги муаммолари мавзууда тадқиқот ишлари олиб бориш ҳар жиҳатдан мақсадга мувофиқdir.

Рисолада ўз услубига эга бўлган истеъодли ёзувчиларимизнинг асарлари таҳлил этилган. Т.Муроднинг "Давра", "От кишинаган оқшом", Ш.Холмирзаевнинг "Чўлоқ турна", "Букри тол" асарлари таҳлили асосида адабиётимизнинг яқин тарихга айланган 70-80-йиллар қиссачилигига эришилган ютуқлари ўзбек насрининг тараққиётини таъминлаётган омиллардан бири бўлгани ойдинлаштирилган. Шунингдек, унда 80-йиллар адабий танқидчилигига эътироф этилган ёзувчи Faффор Хотамовнинг "Қудуқ тепасидаги ой" қиссасида тасвирланган давр ва қаҳрамонлар маънавий дунёси қай тарзда кашф этилгани тадқиқ этилган.

Э.Аъзамовнинг "Отойининг туғилган йили" қиссасида Асқар Шодибеков каби қаҳрамонларга адабиётимизда доимо эҳтиёж сезилади. Адилнинг "Байрамдан бошқа кунлар" қиссасидаги етакчи образлар орқали танazzулга юз туваётган кимсалар қиёфаси маҳорат билан ёритиб берилганлиги муаллиф томонидан пухта таҳлил қилинган. Дарвоқе, мураккаб характерли образларга хос хусусиятлар

ҳақида таникли рус адабиётшунос олимни Л.Гинзбург шундай ёзади: "Бадиий асарда ахлоқий мезонлар ва қаҳрамонлар ўртасидаги муносабатлар бутун мураккаблиги билан тасвирланади. Ижобий қаҳрамонни ҳамиша кишиларга яхшилик қилувчи қаҳрамон билан аралаштириб юбормаслик лозим. (Хатто энг идеал қаҳрамонлар ҳам ўзларини белгилаб кўйилган қонун-қоидаларга мувофиқ тутмайдилар.) Адабиёт учун, хусусан, уйғониш давридан эътиборан – конфликт, ҳаракат, қураш, бинобарин, белгилаб кўйилган нормадан четга чиқадиган, эҳтирос ва ҳиссиятларга берилувчан қаҳрамон зарур".

А.Холмуродовнинг монографиясидаги Ч.Айтматовнинг "Жамила" қиссасидаги қаҳрамонлар билан П.Қодировнинг "Эрк" қиссасидаги Саттор, Ойша, Розия каби образлар қиёсий таҳлилида муҳаббат ва оила мавзуунинг ёритилиши эътиборда тутилса, В.Распутиннинг "Ёнгин" асарида тасвирланган давр фожеасининг М.Муҳаммаддўст қаламига мансуб "Истеъфо" қиссасидаги воқеаларга муштараклиги ҳам тадқиқотда ўзининг асосли талқинини топган.

Шунингдек, грузин адиби Нодар Думбадзенинг "Кўкарача" асаридаги Муртало, Инга, Тўкарага образларига хос хусусиятлар, уларнинг ўзига хос руҳий дунёси муаллиф томонидан аниқ далиллар воситасида кузатилган.

Тадқиқотда Миркарим Осимнинг "Тўмарис", "Ибн Сино қиссаси", Баҳодир Мурод Алининг "Кўқтунликлар", X.Давроннинг "Бибихоним қиссаси ёки тутамаган достон", "Соҳибқирон набираси" каби тарихий қиссалари бугунги кун нуқтаи назаридан таҳлил қилинган.

"Қиссада бадиий образ яратиш маҳорати" рисоласи янги бадиий тафаккурнинг шаклланиши жараёнлари изчил кузатилган ва асосли ёритилган тадқиқот сифатида муҳим аҳамиятга эга.





КИШ РУХИЯТИ

1

Киши...
 Чәён каби чақар совуқ
 Сирпаниб юраман ийл,
 Манзил олис.
 Атрофда түзгүйди қор.
 Киши сархади бепөён,
 музлайды бир тутам күн.

2

Айвонимда совуқ захридан
 қунишади мунис мусича.
 Дүстүм қаҳридан увишар юрак.

3

Учишга шайланар
 Бир гала чумчук.
 Кучаяди қорбүрөн.

4

Қор қанотин ёзади —
 учаёттир капалак.
 Юракка санчилар оппоқ изгириң.

5

Терак учидаги қарғалар
 Күнглим тубига сочди
 қишининг қуюнларини.

6

Тұман құршовида ёлғиз қайрагоч,
 тақыр новдаларин қоллаган қирос.
 Шамоллар құйыда бетин,
 Тебранади қақшаган оғоч.
 Э вөх,
 Уни күриб —
 Құрмас бирор.

7

Совуқ кече...
 Бағоят музлаган құлларинг.

Бирок,
 Күзларингда ёнаётган олов
 Менинг вұжудымни күйдірар.

8
 Мастона тикилиб, қолдузларга мен
 Ытгим келар қорға бурканиб.
 Ва лекин
 Шоир юрагимни
 От каби жилювайман.

9
 Киши...
 Энді үйлар яхлар,
 Яхлар күңгіл,
 Йүл юраман
 Тајаниб ҳассага.
 Мени хаёл босар:
 "Ишонч ийк —
 ёғоч ҳассага..."

ХАБАР

Қишлоқ
 Қалин ёғди қор
 Мархұм үкам уйин
 Томи босди водарғ
 Уч сағир
 Мунглиғ аёли
 Қолди бўлиб янада Мунглуг

* * *
 Йўлим қор
 Қадамларим остида
 Ўлур қора сукунат.

* * *
 Дўрмон.
 Кўнглимни эзар қоп-қора ғашлик,
 Китоблар ҳам беролмас юпанч,
 Ўқдай отиласман ташқарига
 Тенамда фаришта — ой ҳам
 Рұхимга бўлолмас тасалли.
 Сочларни юлингган ваҳший дараҳтлар
 Ўзга томонларга келади кетгиси.

Шаббодадай кезаман — тун оғушида,
 қулогимга киргай жозиб бир наво.

Сеҳрлаб,
 Эркалаб,
 Домига тортади мени тобора...

* * *
 Жуда зерикдим мен,
 қани
 болалигимдаги букри толлар?
 Ҳозир бўлса
 Шоҳларида ўйнардим
 қушилардай.
 Қийқирап эдим мен—
 болалик каби.

* * *
 Еллар қанотида ялангоёқ
 Чопаятман қишилогим томон.
 Кўз очсан,
 Ёстиғим ҳўл
 Тўлониб ётурман,
 Тун оғушида.

* * *
 Томи ёпилмаган чала,
 Иморат ёнидан ўтсан,
 Дуч келаман озгин,
 Кўзлари толғин
 қариган итга.
 Ит менинг кўзимга тикилар жисим-жисим.

* * *
 У ўйларин ийқотди,
 Ўзга үйлар аро қолди мўлтираб.
 Бирок,
 Юрагидан ўтган йўл
 уни бошлиб кетди ўз-ўзи томон.

* * *
 Шеърларим сатрига қўнади,
 Тумшуқлари бигиз қарғалар.
 Қагилаб,
 патларин тўзгитиб,
 чўқимоқ бўлар
 тош қотган сўзларни улар.

* * *
 Муштини ийк, унга эмас,
 Ўз юрагин мўлжаллаб,
 Баҳтиёр яшар у.

* * *

Шаббода,
Силама, ёрим сочларин.
Тортқилама күйлакларин.
Юз-
Күзларидан утма,
Шаббода,
Ахир менинг күнглим
Гулдан-да нозик!..

СЕН

Сенинг қора күзларинг ичра
Үзимни
Йүқотиб қүйдим мен.

Сенинг бармоқларинг
Шу қадар гүзәл
Юрагимни тирнаб кетди у.

Хаёл арқонига бойлаб,
Сени олиб кетяпман.
Күнглимининг улкан қасрига.

Шаббат Рахмон

Англадим дунёни
Ҳар куним
Ҳар туним
Яңги замон
Энди мен
Ҳар лаҳзам учун
Курашмогум зарур
Зотан Озодлик —
"Ўз қалбига
Ўзидир ҳоқон".

* * *

"Тўлиб кетди қарғага осмон"
Менинг күнглим каби
Яхшиям чеки йўқ
Дўки йўқ
Бечора Осмоннинг

* * *

У
Сенми,
Ё менми?.
Ўлиб ўлмаган
Ўлик одам.

ТУШКУНЛИК

Ҳозир осмон чўқар бошимга
Ҳозир қулар устимга дараҳт
Ер ёршлар — кетар бешафқат
Дунё бўлар о, кунпаякун...
Худо
Мени асрай олмайсан
Оҳ нечун?..

* * *

Сукунатнинг кўрпасида мен
Жуда узоқ ётдим ётсираб
Ахир қуёш
Ўтқир найзаларини
Кўзларимга қадаган эди.

* * *

Қилич ғилофида сақлайди сукут
Гар тегинсанг
Яңгар акс-садо
Қинидан чиқарар кўзларни
Илондек ўралиб ухлаб ётган сукунат.

* * *

Шитирлаган сасдан уйғондим,
Ойнинг шуғласида ҳазон япроги
Қақшаган шоҳчада юпқинар
Баланд осмон сари —
Бўйини чўзиб.

* * *

Ҳижрон — тутандириқ:
Ёндиридим сени
Шамолларга сочдим кулингни
Энди қайдан топай
Мен ўзимни

* * *

Мен йўқлигинг сўрайман десам,
Юрагим уйда сен йўқсан.
Сен йўқсан,
Сен йўқсан севгилим.

Унумилган жароҳат каби
Мен сени унудим, севгилим.
Сен йўқсан,
Сен йўқсан хотиротим салтанатида.

ИНАНГУ

1
Кундуз жуда чўзилди
Осмон сари узайди бўйи
Номозшомгул очолмас юзин

2
Шафтолининг барглари аро
Сарғайган нигоҳим кезинар
Бўғзимда тўнади ОВОЗИМ

3
Гарчи атрофимда Баҳор
Бироқ сенсиз рӯҳимда
Кезинар замҳарир қиши

4
Сени кутавериб толди кўзларим
Тоқатим дараҳтин барглари
Сил сингари сарғаймоқдадир

5
Сигмаяпман заминга
Сен-чи
Нечун бунча йироқсан Осмон

6
Ўлим сари боряпманни мен
Ёхуд ўлим мен сари
Қабристонга тикиламан жим
7
Корнинг нафасин туйиб
Мен елкамни осмонга тутдим
Ялтироқ табассум баҳш этди Осмон

8
Сенинг қора кўзларинг ичра
Куппа-кундузи
Мен ўзимни йўқотиб қўйдим

9
Ёмғир тинди ёришиди осмон
Камалакдек чиқиб бораман
Уфқларга овозим билан.

* * *
Мен ўзимга ишонмаятман
Сенга қандай ишонай ахир?..

* * *
У бугуни билан яшайди.

* * *
Мен ўзимни енгиг яшайман.
* * *
Мен юрагим сари боряпман.



Мирзо АХАД

Ҳажвий жикоялар



ЖЎЖАХЎРОЗ

Иномжон ўрта мактабни зўрга битирганига ўн йилча бўлди чамамда. У шу йиллар давомида ўз ёшидан кўпроқ ишхона эшигига бош сукиб, қош кўйиб чиқди. Лекин бирон жойда уч-тўрт ой сабр қилиб фаолият кўрсатмади. Унинг баҳтига мендек холаваччаси бор экан. Каминанинг қўли узун-да, бўлмаса ҳолига маймун обидийда қиласди унинг. Холамга ачинаман. Иномжон бечоранинг ёлғиз ўғли. Бироқ қўнимсиз чиқиб қолди. Холамнинг эри ўлганида, Иномжон саккиз-тўқиз ёшларда эди. Холам унга отасизликни сездирмади. Қўлини совуқ сувга ҳам урдирмади. Кўз очиб юмгунча Иномжон улгайди. Зориқиши нималитини билмади. Холамнинг орзуси уни ўқимишли қилиш эди. Бўлмади. Иномжон на институтга кириб ўқиди, на бир хунар эгаллади. Қари онасига боқиманда бўлиб юраверди.

Бир куни холам бечора олдимга келиб арзи-ҳол қилди.

— Ходиқул, болам, шу Иномжонни қанотинг остига ол. Менинг сендан бошқа суннадиган тофим йўқ.

— Холажон, ўғлингиз ўқимаган бўлса, мен уни қандай қилиб ишга жойлаштирай, — дедим ўйланиб.

— Ўқимаган бўлсаям, ишга жойлаштириш кўлингдан келади. Ахир кўл чўзсанг ойга етади-ку, болам. Атиги битта-ю битта жиянинг-а.

Рози бўлишдан бошқа иложим қолмади. Йўлини қилиб, мактабга ишга жойлаштиридим. Ўйлаб қарасам, соғ бошимга сақич ёпиштирган эканман. Жиян бўлса қўнимсиз. "Дарс бермаган" фани, ишламаган мактаби қолмади, ҳисоб.

Холам яна кўз ёши қилиб олдимга келди.

— Охирги марта ёрдам қил. Зора мустаҳкам ўрнашиб қолса, — деди.

Холамнинг йифиси юрагимни анор донасидай эзив юборди.

Жиянга эмас, холам учун ёрдам қўлини чўздим.

— Эртага олдимга юборинг, ўша жўжахўрозни, — дедим. Исмини айтишга эса тилим бормади.

Холам бечора уфф тортиб, изига қайтди.

Шундай қилиб жўжахўroz холаваччамни тумандаги чекка бир саккиз йиллик мактабга директор этиб тайинлатдим. Зора маъсул вазифали бўлса, ўзгарар деган

мақсад дилимда туғилди. Йўқ! У бунда ҳам ёлчитиб ишлай олмади. Мен ўйлаган мақсад амалга ошмади. Ўша мактабнинг олдинги директори юқорига хат ёзib, favfo қўзгади. Мактабда текшир-текшир бошланди. Орадан учтўрт ой эмас, балки уч-тўрт кун ўтди, холос. Жўжахўрозни қандай қисмат кутди, билмадим, аммо каминанинг думи туғилди.

ТУҒИЛГАН КУН

Акахонимиз Алимбек Салимийнинг туғилган куни бугун. Биз бу улуғ санани бозор ичиди жойлашган ошхонада "кўримсизгина" дастурхон атрофида нишонлаётган эдик. Дастурхонда ноз-несъмат мўл-кўл. Очиқ жойнинг ўзи йўқ. "Мўйсафид"лар бирин-кетин "обрўй"сизлана бошлади. Охирида, кимгadir бир култум камлик қилди. Яна эллик-эллик қўшиб, бир "мўйсафид"нинг "салласини" олдик. Ҳамманинг бурни қалампирдек қип-қизил. Бирданига...

Ҳа, гўё кинодагидек даҳшатли портлаш овози қулоққа чалинди. Кимдир курсидан ағдариди, кимдир умбалоқ ошди. Энди ўша булаттешар бурунлар совуқ урган бақалажонга ўхшаб кетди. Ҳушимиз ўзимизда эмас. Ён-атрофга олазарек қараймиз. Ҳамма бинойидек, фақат биз...

Улфатлардан бири гандираклаб кўчага чиқди. Шимини янгилаш лозим бўлиди.

Узоқдан бир болакай иржайиб-иржайиб бизга бақрайиб турарди. Бундоқ қарасак, Алимбек Салимий акахонимизнинг кенжатоий... "Пақ-пақ" деб аталадиган ўйинчоқ сотиб олиб, битта-яримтанинг оёғи остига ташла, кула-кула ўламиз", деб ҳар биримиз юз сўмдан пул тутқазган эдик. У эса шуни ўзимизга қўллаб юборган экан. Туғилган кунга салют ҳам отиш керак эмиш. Топқирлигини қаранг, азаматнинг! Акахонимиз Алимбек Салимий сир бой бермадилар. Мийигида жилмайдилар, холос. Ҳолсизликлари шундоқ кўриниб турарди. Бир пиёла совуқ сув сўрадилар. Эркатой физиллаб "газировка"га кетди. Ўша воқеага бугун қирқ биринчи кун. Акахонимиз сал очилгандай...

РАҲМАТ

Одамлар қандай қилиб машина олишаркан-а? Мўминжон Қобилович еб-ичишидан, кийишдан иқтисод



қилиб, узоқ йиллар енгил автомобил харид қилиш учун пул жамгарди. Бироз юрган бўлса ҳам яхши сақланган "Жигули" сотиб олди. Гаражга пули қолмагач, ноилож машинасига замонавий сигнализация ўрнатди. Кўнгли хотиржам бўлиб машинасини уй олдида қолдирадиган бўлди. Бир ҳафта давомида ҳеч бир кўнгилсизлик юз бермади.

Аммо кейинги ҳафтанинг ўрталарида лифтга кирса, ели билан ёпиширилган қоғозга кўзи тушди. "Хурматли фалон давлат рақами "Жигули" эгаси! Машинагизнинг сигнализацияси жонимга тегиб кетди. Унинг дастидан қаттироқ йўталиб ҳам бўлмайди. Ишлаб кетиб кулоқни қоматга келтиради. На уйқимизда ҳаловат бор, на дам олишимизда. Бирор чорасини кўринг. Бўлмаса ўзингиздан ўпкаланг. Сизга чукур эҳтиром ила пастки қаватларда истиқомат қилувчилар", деб ёзиб кўйилганди унда.

Мўминжон Қобилович бошидан дўпписини олиб ўйлаб кўрди. Бундай олганда сигнализациянинг унга фойдаси ҳам йўқ, ҳисоби. Чунки у тўққизинчи қаватда туради. У ерда деярли сигнализация эшигилмайди. Шуларни ҳисобга олган Мўминжон Қобилович, машинасининг сигнализациясини ўчириб кўйди.

Эрталаб лифтга кирса бошқа қоғоз осиглиқ:
"Фалон рақами машина эгасига раҳмат!".

Мўминжон Қобилович ўзидан хурсанд бўлиб, биринчи қаватга тушди. Афсуски машинасини жойида кўрмади...

ХАДОРИНинг мўъжизаси

Қайси шоғёрга қараманг, фифонидан тутун чиқади: бир литр бензин фалон пул.

Биттаси машинасига сув солишни маслаҳат берди. Йўғ-эй, ақл бовар қилмайди, дейсизми? Ишонаверинг, сиздан нима кетди, бир челак сув-да! Бир хандори билан бирга.

Октябр ойининг ўрталари эди ўшанда. Маҳалламиздаги чойхона олдида яп-янги "Нексия"нинг мотори ўчиб қолди. Ҳайдовчи машинадан тушиб кўлига бир идиш олиб у ёққа юрди-бу ёққа юрди.

— Барака топкурлар, икки литр бензин топиб беринглар, нархини зиёдаси билан тўлайман.

— Ўзимиз ҳам тўрт ойдан бери машина минганимиз йўқ, — дедик унга кўзимизни лўқ қилиб.

— Ҳа, майли, — қўл силатди "Нексия" эгаси. — Бўларича бўлди. Бир челак сув топиладими?

Биз ҳайрон. Нима: у машинасини ювмоқчими? Қизиқиб қолиб, бир челак сув келтириб бердик.

Нотаниш шоғёр нима қилаётганини яхши биладигандай сувни бакка кўйди-да, чўнтағидан бир дона хандори олиб бакка ташлади. Биз бир-биримизга ҳайрон термулиб қолдик. У хотиржам машинасига ўтириди. Биринки "Финг-финг"дан сўнг мотор ўт олди! Ё тавба! "Нексия" мотори сувда ишларди-я! Биз дарров машина атрофини ўраб олдик.

— Оғайни, дорингизнинг сирини айтинг, — илтимос қилдим мен.

— Унинг бир донаси ўн литр сувни бензинга айлантиради. Япониядан олиб келишган.

Ялинниб-ёлвориб, 200 дона дори сотиб олдик. Донасига 2 минг сўмдан тўладик. "Нексия" кетгач, ҳаммамиз ўз гаражимизга ошиқдик. Машинамнинг бакига

сув қуйиб, устидан мўъжизакор дорини ташлаб калитини бурадим. Аммо мотор ўт олмади. Яна ва яна уриниб кўрдим. Йўқ, барибир мотор ўт олмади. Бошим қотди.

Орадан икки ҳафта ўтди. Бир куни кечки таомдан сўнг аччиқ чой ичиб, газета ўқигим келди. Газетада "Эҳтиёт бўлинг, фирибгар!" сарлавҳали мақолага ва таниш суратга кўзим тушиб, электр токи ургандек қотиб қолдим. Ўзимни кўлга олиб, мақолани ўқишига киришдим. Ўқиганим сайн тепа сочим тикка бўла бошлади. Мен сотиб олган дори оддий йўтал дори экан. Бизни роса лақиллатибди, зангар.

Унинг "Нексия"си газ билан юаркан. Оббо, учаре, бир дунё хандорисини пуллаб юборди-я?! Балки ўшанда икки литргина бензин топиб берганимизда бундай чув тушиб қолмасмидик, а?

ЗУЛУК

— Ака, бу охиргиси, шуниям Тўра Жўраевичнига ташлаб келинг, — деб қолди муҳандисимиз Норматжон.

— Бу охиргисими? — дедим унга ишонқирамай.

— Ўғил бола гап, — деди у қатый.

Йўлда кетяпман, ўз-ўзимга алам қиласи. Тўра Жўраевичнига шағал, қум, тахта, фишт, цемент ташияпман. Ҳар сафар уй эгаси бўлмагани учун хотини дарвозани очади, юкни ағдариб қайтаман. Пул-мудлан оғиз очиш йўқ. Бундан ташқари муҳандисимиз у-бу сўраб ўтириманг деган. Бу менга қаттиқ ботади, албатта. Чунки машинанинг ёқилғисини ўзим олсан, ремонтини ўзим қилсан. Ҳатто тушлик ҳам киссамдан. Бундай бўлгандан сўнг...

Бу сафар бахтимга Тўра Жўраевичнинг хотини эмас, ўғли дарвозани очди. Олиб келган юқимни бўшатиб бўлгач, хўжайиннинг ўғлидан ҳаққимни талаб қилдим:

— Онанга айт, беш минг сўм берсинг, Норматжон тайнинади.

Болакай уйга кириб кетди. Бошдаги дўппини бир айлантиргунча вақт ўтмай орқасига қайтди.

— Тоғойи, отамга бориб айтинг, онамда пул йўқ экан.

Бу гапни эшишиб қотиб қолдим. Ахир бир ҳафтадан бери Тўра Жўраевичнига деб ташиётган нарсам, уникига эмас, муҳандисимиз Норматжон аканикига келаётган экан-да! Вой зулук-эй...

МУКОФОТ

Байрам баҳона бошлиқ бизларни ўз хонасига йиғди. У салмоқлаб ўрнидан турди-да, яна чаққонгина ўтириди. Бу ҳол бизларни анча ташвишга солди. "Бирон ҳатолик иш қилибмизми?" деб бир-биримизга қараб кўйдик. Ҳаяжондамиз, юрагимизни ҳовчулай бошладик.

— Ўртоқлар, — ниҳоят бошлиқ курсисига яхшилаб ўрнашиб олди. — Бугун байрамимиз. Жамоамизга битта мукофот бор. Бизлар эса тўққиз ходиммиз, шунга бошим қотяпти.

— Бош қотирадиган жойи йўқ, — деди каттаконнинг ўринбосари дадил, — у сизга аталган экан. Чунки сиз бизнинг паноҳимизсиз!

— Ҳа, шундайликка шундайку-я, аммо "Бошлиқ" берилмасин" дейилган.

— Бунинг йўли осон. Касаба уюшма қарор чиқаради. — ўринбосар бошлиқка яхши кўриниш мақсадида яна мукофот унга берилишини тарафдорилигини билдири.

Лекин бошлиқ:

— Бир овоздан Диляга берсак-чи? — деб котибага қаради. — Бунга арзимайдими?

— Арзиди. Котиба яхши қиз. Унинг қўли ҳам ширин. Аччиқ-аччиқ чой дамлаганларини айтмайсизми? — кесатиб гапирди ўринбосар.

— Бўлмайди, — деди бироз фурсат ўтгач бошлиқ. Сўнг хонанинг у четидан бу четига юра бошлади.

— Бухгалтер Жамила Эшпўлат қизига берсак-чи? — деб қолди у туйкус.

— Бу гапингиз маъкул. Чунки бошлиқ котибасига мукофот бериди, деган гап-сўз тарқалади. Бу гап, Худо кўрсатмасин, янганинг қулогига етса борми?

— Бас қилинг! Сиздан хотинимнинг қулогини эмас, мукофотни сўраяпман, — ўшқирди бошлиқ.

— Жамила Эшпўлат қизига маъкул. Унинг мутахассислиги тўғри келади.

— Бўлмайди. Оқсоқолимиз бор. Соч-соқоли шу ерда оқарган. У кишига берсак-чи?



...ГА

Тақдирнинг дарёси кўрсатди ўйин, Суздик долгаларга ҳиссиз қорилиб. Қисмат чалганида айрилиқ куйин, Ўнгу сўл қурғоқча кетдик бурилиб.

Ойу кунлар ўтди, ошишиб довон, Бир-бирин шиддатли, аёвсиз қувиб. Йккита манзилда турибмиз ҳайрон, Армон деб атальши ёмғирда ивиб.

Ҳижрон синовига беролмасдан тоб, Базан талпинаман висолинг томон. Билмасман, бу ишим гуноҳми-савоб? Кўнглимни орзуси яхшими, ёмон?

Сўнгисиз саволларга тополмай жавоб, Васлингни соғиниб яшайман ҳар он. Сени эсламоқлик мен учун азоб, Сенга интилмоқлик истагим ҳамон!

Ҳамма орқа ўриндида ўтирган Маҳкам отага қаради. Маҳкам ота қизарганидан ерга кириб кеттудек бўлди. Ҳатто ўрнидан туриб раҳмат айтишини ҳам унугди. Афтидан, шу сабаб бу мукофот унга ҳам насиб қилмади. Охири навбат каминага тақалди. Ўринбосар аввалгидек булбулигўё эди. Каттаконнинг сабри чидамади. Ўринбосарга бўкириб берди.

— Абдуқўзи Кулокович! Сиз қанақа бетайин одамсиз. Уни айтсан, мақтайсиз, буни айтсан тўн кийгизасиз. Мукофотни ўзингизга берсак бўлмайдими?

Ўринбосар мийигида кулди.

— Шундай қилсангиз ҳам бўлади. Бари бир мукофот менга аталган. Бундан уч ой олдин тасдиқдан ўтиб келган эдим. Яна...

Ўринбосарнинг бу қилиғига бошлиқнинг оғзи очилиб қолди. Лекин мукофотдаги рангли телевизор бари бир ўринбосарга насиб этмади. Кимга насиб этди дейсизми? Майли, сазангиз ўлмасин, сизга айтаман. Қани қулоқни яқинроқ олиб келинг-чи: мукофот каминага ёзилди-ю, бошлиқча насиб этди. Шунақа гаплар.

Абдуазим ҚОБИЛОВ

НАЗМ

Ҳаёт шародин тумид

Чорак аср ўтди, бир кундек гўё,
Шунча иши яшадим сени соғиниб.
Шунча иши соҳилда кезаман танҳо,
Армон ёмғирида тинимсиз ивиб.

ҚИЗИМ ҮМИДАГА ТИЛАКЛАР
Биринчи қўнғироқ, жонажон мактаб,
Улкан орзуларинг қаноти бўлсин.
Бепоён ватанинг, юртингни мақтаб,
Келажак ҳаётинг шодликка тўлсин.

Мехрибон устозлар ўргатган билим,
Офтобдек ёритиб турсин йўлингни.
Гулласин она-юрт, бор бўлсин элинг,
Бахту-омад ҳамиша тутсин
қўлингни!

* * *
Кўзларинеда икки томчи ёш,
Чехранг узра армоннинг изи.

Наҳот сенга ғам бўлди йўлдош,
Юрагимнинг танҳо, ёлғизи.

Айрилиқ гоҳ қалбингни эзиб,
Дилгинангни айладими тор?
Юзларингга ажинлар чизиб,
Хафа қилиб, бердими озор?

Ҳаёт аччиқ шаробин тумид,
Кўзларингни намлайди ҳамон.
Кўнглим эса бир садо кутиб,
Талпинади доим сен томон.

Давом этар тақдирнинг иши,
Синар бизни ҳар соат, ҳар кун.
Базан оғиз қолади киши,
АЗобларга тополмай якун.

Дунё ўзи аслида бир кам,
Ингеламагин, дарёдек тошиб.
Ёшларингни артиши-чун эркам,
Киприкларим бормоқда шошиб!



Юсуф ХУДОЙҚУЛ

**ЭВРИЛИШ**

Юрагимга сиғмаяпти шеър,
Улкан тоғлар кифтимда гүё.
Хаёт мени этади таҳқиқир,
Бир каромат кўрсатар дунё.
Шу жуссага шунчалик ташвиши,
Ўйлаяпман, қадамларим суст.
Бари бекор, бекорчи бир иши,
Юрагимга ўзинг бўйла, дўст.
Кел, шаробни кўрайлик баҳам.
Тоғлар гариб осмон олдидা,
Ўртамиизда мўъжас сойлик ҳам.
Бир пиёла шароб қолди-да...
Каналакка ўҳшайди кунлар,
Ҳеч юракка тутқиқ бермайди.
Кўзлар кўкка ўрганганд тунлар,
Эҳ, муқаддас ерни кўрмайди.
Ана кўклам, бўй чўзди яна,
Кўйлаяпти боғда зарғалдоқ.
Наҳот ҳаёт қиз яногига
Кўниб олган битта қизғалдоқ.
Юрагимга сиғмаяпти шеър,
Улкан тоғлар кифтимда гүё...

**Кўзинг қарогида
қўёшининг тафти**

* * *

Кўзинг қарогида қўёшининг тафти,
Сен ўтдан яралган
малаксан, жоним.

Елкамга тушдими
фалакнинг кафти,
Ўтли нигоҳингга боғланди жоним.
Кўзимга оловдек кўринди дунё,
Чирсиллаб ёнмоқда яшил ўт-ўлан.
Қақнус нафаси-ла чўғ сочар, илло,
Келдим ёнаётган юрагим билан.

Кафтими узатдим
кафтинг ахтариб,
Қовушсин бармоқлар,
қовушсин вужуд,
Ногоҳ пайдо бўлди юпун ва гариб,
Нотаниш бир кимса, чала туриб уд.
Қанча узун бўлса аланса тили,
Шунчалик тез сўнар,
қолмайди тафти,
Чақмоқ умри каби муҳаббат йўли,
Бир ёниб, бир сўнар
куйдирив кафтинг.

* * *

Боролмадим, чорладинг
Малак тунлар қошингга.
Арзирманми, билмадим,
Кўзда томчи ёшингга.
Сочлари тарам-тарам,
Кокили жингалак қиз.
Юракдан жой олади,
Ойдан оптоқ билак қиз.
Дилга чўқар хавотир,
Ўйқу келмас кўзимга.
Тун кўриқчи қошида,
Ўҳшайдиган ўзимга.
Сочлари тарам-тарам,
Кокили жингалак қиз.
Бўлгаймисан ижобат,
Қылсак тунлар тилак, қиз.
Оёғимда занжир бор,
Кетолмайман қўшилиб.
Томчи ёши кўксимда,
Кўйдирар бағрим тилиб.
Сочлари тарам-тарам,
Кокили жингалак қиз.
Қирмиз тусли юракка
Сиғмас сиздан бўлак, қиз.

* * *

- Ватан нима?
- Кўнгилларда оқаётган меҳр суви.
- Ватан нима?
- Момомнинг, ҳув, адирдаги оқ ўтови.
- Ватан нима?
- Ой синглимнинг кифтидаги соч пупаги.
- Ватан нима?
- Чўпон бобом бошидаги сур телтаги.
- Ватан нима?
- Шўх боланинг кенг кўчада одимлари.

- Ватан нима?
- Миллатимнинг яшнаётган удумлари.
- Ватан нима?
- Суринсанг гар суюнгувчи устунингдир,
- Ватан нима?
- Кўзда ёшинг аритгувчи бутунингдир.
- Ватан нима?
- Очиқканда туз тотгувчи тузлиғингдир.
- Ватан нима?
- Бу дунёда борлиғингу ўзлиғингдир.





Носир БОЙМИРЗАЕВ

ПОЛВОНЧА РАКС

Хикоя

Тўйчи полвон йиқилди. Даврадагилар бир қалқиб тушди.

— Ҳалол! Нормўмин полвонники ҳалол! Полвоннинг зотини беринг!

Буларни Тўйчи полвон эшитмади. У бутунлай ўзини ўқотиб кўйганди.

“Энди элнинг кўзига қандай кўринаман?!?” — Тўйчи полвоннинг миясига гурзидай келиб тушган нарса шу бўлди. У шахт билан даврадан чиқиб кетди. Шу пайтда унга қашқир йўлиқканда ҳам бу важоҳатни кўриб думини қисганча қочиб қолган бўларди. У айни Нормўминдан қидирмади. Чиндан ҳам у ҳалол енганди. Хаммасига ўша қанжик сабабчи, дея бўралиб сўқинди. Тавба, шу тобда у қандай қилиб эсига тушиб қолди экан, ўзи ҳам ҳайрон. Ҳа, ёдига тушди. Нормўмин полвон Шўрчидан келиб эди. Тўйчи полвон у билан авваллари салом-алик қилмаган бўлса-да, унинг олишини уч-тўрт тўйда кўрган. Ўшанда у Тўйчидан йиқилган полвонларга чиқиб юради. Гоҳ йиқитиб, гоҳ йиқиларди.

Турдикул раис анчадан бери йигиб юрганларини бутун тўкиб-сочди. Тўйидаги курашга кўп-кўп номдор полвонларни чақирди. Кураш қизигандан қизиди. Анчадан буён бундай курашни кўрмаган каттаю кичик полвонлар уйларига хурсанд қайтадиган бўлди, ишқилиб, “бир нималик” бўлиб қолишиди.

Курашнинг “таги кўринай” деганда, давранинг баковули Ҳазрат полвон ўртага чиқди.

— Ҳалойик! — Унинг овозидан ҳамма тин олди. — Эшитинглар, энг сўнгги зот, “товоқ”ни эълон қиласяпман. Товоқка мана шу тўй эгаси Турдикул раис бир түя, бир кўчкор атабди. Ҳуллас, ким олса — бир тўн, бир кўчкор! Юрагимда ўтим бор, деган полвонлар бўлса, чиқаверсин.

Ҳазрат полвон қўлидаги товоқни давранинг ўртасига кўяр экан, зотдаги пулдан битта беш юзталикни олиб, товоқнинг тагига бостириб қўйди. Бу “хамир учидан патир” дегани бўлди.

Даврада ғала-ғовур бошланди. Бирор “Тўйчидан бошқа ким ҳам оларди” деса, бошқа бирор “Сурхондарёдан ҳам полвонлар келганмиш, даврадаги курашда кўринмади, балким “товоқ”ни кутиб ўтиргандир”, дея баҳслашарди.

Тўйчи полвон шошилмади. “Қани, менга ким рақиб бўларкан”, деган ўйда даврадан кўз узмади. Давра бир мунча совиб қолди. Бу пайтта келиб, Тўйчи полвоннинг полвонлик гурури ва файрати шу даражага етган эдики, энди даврага чиқмай иложи қолмаганди. Уни қандайдир куч даврага чорларди. Ахир, фалончининг тўйига Тўйчи полвон келармиш деса, чекка-чекка ҳудудлардаги қишлоқ аҳли ҳам юмушини ташлаб, томошага отланади. Қолаверса даврадаги бу ҳайқириқларнинг аксарияти унга

таниш, булар унинг ҳамқишлоқлари. Чекка қишлоқларда қаердансиз, деб сўраганларга “хув-в Тўйчи полвонни эшитганмисиз, ўшанинг қишлоғиданмиз”, дейдиганлар ҳам мана шулар. Тўйчи полвонни даврага судраётган қандайдир куч ана шу эди. Тўйчи полвон бошини этганча камтарона “товоқ” томон борар экан, буларни ич-ичидан хис қилиб туарди. Мана, у зотни олди. Баковул уни енгидан туттанча давра бўйлаб айлантироқда:

— “Товоқ”ни Макриддан Тўйчи полвон олди. Шу полвонга талабгорлар борми-и-и, даврага чиқси-и-н!

Тўйчи полвон атрофдагиларга зимдан бургут қарашиб қилиб кўяяпти. Бу билан у қани, мардинг борми ичингда, дегандай бўлади. Давра яна совий бошлади. Полвон зотига ор кучли-да, чида бурламайди. Шу пайт даврага Тўйчига қараганда анча ёшроқ, қорувлигина йигит чиқиб келди. Келиб баковулнинг сўл қанотидан жой олди. Ҳамманинг нигоҳи шу икки полвонга қаратилди. Яна Ҳазрат полвоннинг овози янгради.

— Ҳалойик, эшитинглар! Ҳей, болаларди орқароққа олинглар, давра кентроқ бўлсин! — У ёрдамчи баковулларга танбеҳ берди-да гапида давом этди: — Товоқни Китоб — Макриддан Тўйчи полвон олиб эди, унга Сурхандайранинг Шўрчисидан Нормўмин полвон талаб соб чиқди. Бу иккала полвонди зотига Турдикул раисни укаси Ризоқул ҳам ўн минг сўм қўшдим, деяпти. Энди бу полвонларди зоти бир түя, бир кўчкор, ўн минг пул бўлди. Қани, полвонлар, шўх-шўх олишиб, ўртада йиқитиб, зотларинизни ҳалоллаб олингизлар!

Полвонлар ҳар галгидек кураш даврасини завқ билан кузатиб турган чолларнинг қаршисига боришиди. Кекса полвонлар: “Йигит пири кўлласин!”, “Пирлар мададкор бўлсин!”, “Елканг ер кўрмасин!” деб дуо бердилар. Шундан сўнг полвонлар ризқ улашаётган тупроққа, йиқилса кўтариб суюгувчи Она заминга таъзим қилишиди, ер ўлиб, Тангридан мадад сўрашиди. Тўйчи полвон бошини сарак-сарак қилди. Кенг елкаларини тез-тез қимирлатди. Сўнг кўлларини кўкка чўзиб, бармоқларини жазавага тушган одамга ўхшаб силкита бошлади. Шу аснода дик-дик сакраб ҳам турди.

Тўйчи полвоннинг кўнгли тўқ, Рақибини “мендан йиқилган полвонлар билан олишиб юрган полвон-да”, деб ўлади. Менсимасдан, бемалол олиша бошлади. Биринки марта Нормўмин полвоннинг елкаси ер кўришига оз қолди. Ҳатто атрофдагиларнинг баъзилари “Ҳалол!” деб қийқириб юборишиди ҳам. Бу Тўйчи полвонни анча ҳаволантириди. Голиблик ҳидини тия бошлади. Бироқ, Нормўмин полвон ҳам ҳадеганда бўш келад демасди. Балки, бутун кучини бир жойга тўплаш учун пешқадамликни кейинга суриб тургандир, ким билсин, яна? Ҳуллас, нонини кулоғига емаганлиги кўриниб турибди. Икки номдор полвон курашидаги ҳудди мана



шу сусткашлик Тўйчи полвоннинг хаёлини ўғирлади. Ёки хаёли унга хиёнат қилди. Шу тобда биринчи хотини Гулсанам ёдига тушди, у ҳам унга хиёнат қилиб, бир ўғли билан бошқага тегиб кетган эди. Ўшанда Тўйчи полвон "бу укафарнинг зоти тоза чиқмади, қони бузук экан", деб жавобини берганди. Ахир, Тўйчи полвоннинг хотини "ўйинчи" эмиш, деган гапни кўтаргандан кўра, анов пурвиқор Пайғамбарсупа тоғини елкасига ортмоқлаб юргани минг карра осон. Тунов куни жўраси Холбозор бир гапни топиб келди: "Гулсанамлар ҳозир Шўрчидаги яшаётган экан. Ўғли ҳам катта йигит бўлиб қолибди. Сурхондарёдаги қайси бир тўйда учратиб қолганиши". Ҳозир олишаётган рақибининг ҳам Сурхондарёдан эканлиги ёдига тушди.

Тўйчи полвоннинг чалғиши панд берди. Рақиби унинг ўнгини олиб, ўзига қулай чилни кўллаганини сезганида кеч бўлганди. Уни ҳеч бир усул билан қайтариб қолиш имкони йўқ, энди ўзининг ярим, нари борса бир дақиқадан сўнг "юлдуз санаш"ини хис этишдан ўзга чораси қолмаганди. Шундай бўлди ҳам.

Бу кеча Тўйчи полвоннинг кўзи уйкуга илинмади. Мағлубият алами бир дақиқа ҳам ором бермади. Овқат кўтариб кирган хотинини ҳам сўқиб-сўқиб, Гулмат носфурушинига ногса чиқарворди.

Тонг пайти, хўрзолар ҳали қичқиришга улгурмасдан Тўйчи полвон далага йўл олди. Отининг хуржунига кетмон, белкуракларини соловоди. Эрта баҳор Пайғамбарсупанинг кунчикар томонидан ер олиб эди. Ўзича ерига ишлов берган бўлди.

Тушга яқин кун қитзигандан қизиди. Тўйчи полвоннинг томоги куриди. Хуржунини елкага илиб, яқин атрофдаги дўлананинг тагидан чордона курди.

"Ойсулувим ақдли хотин, — кўнглидан ўтказди у. — Менга билдирилсан хуржунга бир косада қатиқ, иккита нон, бидончада сув солиб қўйибди".

Тўйчи полвон тушдан сўнг яна ишида давом этди. Қош қорайиши билан от жиловини уйи томон бурди. Бу кунларда Тўйчига отидан бўлак маҳрами-дўст йўқ эди. Шу тахлит бир неча кун элнинг кўзига кўринмади. Бу орада полвоннинг ҳовури бирмунча босилди. Аламлари унтилгандай бўлди. Энди у интиқлик билан навбатдаги курашни кутарди. Нормўминни халқнинг кўз ўнгидаги йикитиб, юзи ёргу бўлиши керак. Ахир давраларнинг тўри, ош бетидаги иликнинг зўри ўзиники бўлган. Тўйчи полвон қирк кундирки, бирорга катта гапиролмайди. Одамлар "Аввал Нормўминни енггин-да, кейин кўкрагингни кер", дегандай бўлаверади. Ҳа, ўшанда Тўйчи полвон кураги билан йиқилмади, юраги билан йиқилди.

Тўйчи полвон кутган кун келди. Тўрт-беш полвон оғайнилари билан Шўрчидаги тўйга йўл олди. Кураш бошланишидан бир кун олдин келиб, шу атрофдаги ҳовлиларнинг бирида қўноқ бўлишиди.

Улар етиб келгандарида даврада болакайлар навбати тугаб, гал ўсмир-йигитчаларга етганди. Давра атрофи тумонат одам. Улар бир-бирларининг елкаси оша бўйлашиб даврадан кўз узишмас, полвонларнинг курашишини катта бир завқ билан кузатишмокда. Астасекин кураш "катталаша" борди. Бирин-кетин номдорроқ полвонлар кураша бошлади. Тўйчи полвоннинг шерикларидан Найим полвон даврага чиқди. Даврадагилар унинг қашқадарёлик эканини эшитгач, полвонга нописандлик билан қичқиришиди.

— Ҳа, Файзулла, бўш келма, шуни йиқитолмасанг, нима қилиб юрибсан, — деб ўз ҳамқашлоқларини олқишлий бошладилар.

Бу бақир-чақирилардан руҳи тушдими, ё рақиби ростдан ҳам зўр эканми — бу Найим полвонга аён. Ҳар қалай, томошабинларнинг билгани — даврада Найим полвоннинг елкаси "ер искади". Найим полвоннинг орига

Тўйчи полвон ёнидаги Пўлат полвонни турғизиб юборди. Пўлат полвон билан Файзулла полвоннинг кучи бир оз тенг келди шекилли, уларнинг олишишидан даврадагилар зерикди. Баковул иккала полвоннинг кучи тент экан, деб натижани дуранг қилмоқчи бўлди. Яна даврани оломоннинг бақир-чақири туғди. "Индаманг, олишсин, Файзулла ўлар-қолар жойда эмас, полвоннинг шаштини қайтарманг!".

Бу қий-чувлардан куч олган Файзулла полвон "Ё, Али!" деб қўққисдан Пўлат полвонни "қўшша"га олди. Пўлат полвон "тур" этиб ўнг ёни билан тушди. Ҳамма шуни кутиб турган шекилли, бирваракайига "Ҳалол!" деб юбориши.

Пўлат полвон баковулга ҳар қанча эътиroz билдириласин, давра раиси ҳамкорларига қарши боролмади. "Файзулла полвон, зотингизни олин!" деб эълон қилди. Шу пайт тишини-тишига босиб ўтирган Тўйчи полвон отилиб чиқди. Тўйчи полвоннинг важоҳати шу қадар ваҳимали эдики, ҳозир у ўн-ўн беш чоғли одам билан дўйпослашганда ҳам уларнинг барини ерга кўрпазчадай "тўшаб" қўйишга кўзи етарди. Тўйчи полвон баковулга ёпишиди:

— Нега гирром айтасан? Кимни алдамоқчи бўляяпсан! Бу ўйинингни бориб энантга қил!..

Тўйчини шериклари зўрга ушлаб қолишиди. Шунда даврадагилар буниси ҳам олишсин, армонда кетмасин, деб Тўйчи полвонни масхара қилди. Тўйчи полвон қараса, ростдан ҳам ўзининг гали келганга ўхшайди. Қолган икки-уч шеригидан умид йўқ. Уларни Файзулла кўйиш — булуғиз осмондан ёмғир кутгандай бир гап. Файзулла полвон устма-уст фалабадан анча ўзини босиб олдими, қишлоқдошлари олдида ҳаволандими, ишқилиб, баковулга қаратса: "Майли, чиқаман", деди. Бу Тўйчи полвоннинг газабини баттар ошириди. Баковул бир ёнида Файзулла полвон, бир ёнида Тўйчи полвонни етаклаб давранинг ўртасига чиқди.

— Ўнг томонимда турган Шўрчидан Файзулла полвон, чап томонимдаги қашқадарёлик Тўйчи полвон. Тўйчи полвон ошналарининг орига Файзулла полвонга талаб солиб чиқяпти, бу иккала полвоннинг зоти — бир кўчкор, бир така!..

Файзулла полвон рақибиға тезроқ чиқсанг-чи, дегандай давра айланаб турди. Тўйчи полвон яктагини кийиб чиқаркан, йўл-йўлакай белбоғини боғлаб олди. Рақибининг кенг кўкракларига, чайир мушакларига кўзи тушгач Файзулла полвоннинг ичидан қиринди ўтди. Лекин буни билдирилсанкка уринди. Полвонлар даврага чиқишиди. Даврада энди иккаласидан бошқа ҳеч ким олишаётгани йўқ. Ҳамманинг кўзи шу иккала полвонда. Тўйчи полвон рақибиға яқинлашиди. Эпчилик билан Файзулла полвоннинг ичига кириб белбоғидан тутди-ю, белига миндириб, "Ё, пирим!" деб ҳайқириди. Ҳайқириқ тинганда Файзулла полвон бор бўйи билан давра чўзилиб ётарди. Кўз очиб, юмгунча бўлиб ўтган бу ҳол шармандалиги Файзулла полвон учун йилларга татирди. Файзулла полвон Файзулла полвон бўлибдик, ҳали бундай кучли рақибиға сира йўлиқмаган эди. У ёмон йиқиди шекилли, зўрга ўридан туриб даврани тарк этди. Шу пайт қаердан пайдо бўлди, даврада Нормўмин полвон кўринди. Фала-ғовур бошланди.

— Ана энди курашнинг зўри бўлади, — дейишаради томошабинлар. — Чунки Нормўмин полвоннинг кейинги пайтда роса куни түққан, унинг олдини кесиб ўтадиган полвон йўқ ҳозир.

Баковул полвонларни таништириб, зотини овоза қилди. Давра четида рақибини кутиб тураркан, Тўйчи полвон бутун кучини билакларига тўплади. Кураш бошланди. Биринчи ушлашишдаёқ Нормўмин полвонни тиззалитиб кўйди. Кейинги ушлашувларда ҳам Тўйчи полвон Нормўминни анча довдиратиб кўйди. Нормўмин полвон ўқтинг-ўқтинг давра айланаб юрли, бу ўзини олиб

қочаётгани бўлди. У баковулни дуранг билан тутатиб беришини кутарди. Баковул уларга охирги икки "қафас"ни эълон қилди. Бу иккита ушлашувдан сўнг, ҳеч қайси томон йиқитмаса, кураш дуранг билан ажрим топади, дегани эди.

Тўйчи полвон безовталанди. У Нормўминни йиқитаман, деб неча кунлар оромидан айрилди. Энди имкон бўлди, деганда эса... Шуларни хаёлидан ўтказаркан, рақибига янада синчковроқ қаради. Шу пайт бир нарсани сезиб қолди: Нормўмин полвон оғирлигини кўпроқ чап ёнига ташлаб турибди. Тўйчи полвон вақтни бой бермай дея, шаҳд билан рақибнинг, чап товонига "қоқма" берди. Рақиби бутун кураш давомида шуни кутаётган эди, оғирлигини чап оёғига ташлаб, Тўйчи полвоннинг ўнг оёғидан кўзини узмасди. Бу унинг тузоги эди. Тўйчи полвоннинг бор кучи билан тепган "қоқма"си бекор кетди. Рақиб чап оёғини олиб қочишга улгурди ва эпчиллик билан мувозанати қочган Тўйчининг ўзига ўша усулни қайтарма қилди. Тўйчи полвоннинг иккала оёғи ҳам ердан узилиб, бор бўйи билан ағнади. Тўйчи полвоннинг кўзига бу дунёлар қоронги бўлди. Бу гал унинг жаҳди чиқмади, аввалгида кўзларига қон куйилмади, бўғзига нимадир келиб тикилди. Тўйчи полвон ич-ичидан бўзлади. Ҳамма йигласа ҳам полвон йигламасин экан.

Бир овоз азага чорлаётган жарчининг овозидай қулоққа ёмон келди: "Тўйчи полвоннинг орига чиқадиган борми? Қани, Қашқадарёдан келган полвонлар, нега нафасларинг чиқмай қолди?..."

Ҳамма бир-бирига қарайди. Ҳозир ер ёрилганида, биринчи бўлиб унга Тўйчи полвон ўзини отган бўларди. Бироқ ер жуда қаттиқ бўлди, осмон эса йироқдан-йироқ. Баковулнинг овози яна бир бор янгради. Оломон орасидан кимнингдир "Кўйинг, баковул, кўп қийнаманг, бечораларни бошқа пичноққа илинадигани қолмади" — деган масхараси эшитилди. Шу пайт даврага бир йигитча отилиб чиқди. Ёшининг ўн олти-ўн етти яшарлигини ҳисобга олмаса, бўй-бастига қараб уни "йигитча" деб бўлмасди.

— Тўйчи полвоннинг орига мен чиқаман! —

Унинг овози барчани ўзига қаратди. Ҳамма ҳайрон. Тўйчи полвон ҳам. Ҳайронлигини боиси, бу зуваласи пишиқ йигит қашқадарёлик полвонлар ўтирган тарафдан эмас, балки сурхондарёликлар қаторидан чиқиб келганди. Йигитча гапини бошқа тақрорламади. Аслида бунга ҳожат ўйқ эди. Даврага отилиб чиқаётган пайтдаёқ, унинг овозини ҳамма эшитиб бўлганди. Нормўмин полвон ҳам ажабланди. У йигитчага бошдан-оёқ разм соларкан, бу қарашдан "сен қолувдинг ўзи", деган маънони англаш қийин эмасди. Баковул полвон билан ҳалиги йигитни давра ўртасига етаклаб чиқди. Ҳамма баковулнинг оғзига қараган. Ҳамманинг қулоги динг.

— Ўнг қўлимдаги — сурхондарёлик Нормўмин полвонга чап қўлимдаги манави полвон талаб солиб чиқди!

(Баковул йигитчага ўзингни таништир, дея қулогини тутди.

— Сурхондарёдансан, шекилли, отинг нима?

— Йўқ, Қашқадарёданман. Отим — Эргаш.

— Халойик! Тинчланинглар! — баковул яна ҳаммани ўзига қаратди: — Чап қўлимда турган полвон — Қашқадарёдан Эргаш полвон, бу икки полвоннинг зоти бир тия, бир кўчқор, ўн минг пул бўлди. Ўртада ким ҳалоллаб йиқитса, зот шуничи-и!

Кураш бошланди. Даврадагилар бир-бирига пичирлай бошладилар.

— Эй-я, бу элбаёнлик Маҳкам бригадирнинг ўғли-ку!

— Йўғ-э, Маҳкам бригадирнинг ўғли йўқ эди, шекилли.

— Тўгри, бу иккинчи хотинининг боласи. Онасига эргашиб келган.

— Эй-ҳа, бу ҳалиги Гулсанамнинг ўғли-да, Қашқадарё томонлардан келиб қолган.

Гап шу жойга келганда Тўйчи полвон шартта орқасига ўтирилиб қаради. У ҳаммасини эшитиб турганди. Охирги гап эса этларини жимиirlатиб юборди. Пешонасига иссиқ тер қўйилди. Бу ҳаяжонми, севинчми, фууруми — Тўйчи полвоннинг ўзига ҳам ноаён.

Тўйчининг отаси бир пайтлар катта полвон ўтган. Эргаш полвон, деса, чекка-чекка ҳудудларгача танишарди. Тўйчи полвон ўғиллик бўлганида онаси ҳаёт эди. Ўғлининг исмини момоси топган, неварам бобосидай полвон бўлсин деб, исмини Эргаш кўйган эди...

— Ё, отам! — Бу ҳайқириқ Тўйчининг хаёлини тўзғитиб юборди.

"Халол!", "Отангга раҳмат!", "Эргаш полвон, зотингизни олинг!" Давра аҳли қийқириб полвонни олқишишарди. Тўйчининг кўзларидан дув-дув ёш кўйилди. Эргаш полвон давра ўртасида кўлларини кўкка чўзганча бошини сарак-сарак қилиб, бармоқларини силкитиб-силкитиб, сакраб-сакраб ўйнарди. Бу рақс шунчалик завқли эдик, у киндик қони тўқилган жойнинг орини оқлади.

Эргаш полвон ижросидаги рақс полвонлар ўйини, дейилади. Уни ҳеч ким полвончалик маҳорат билан ижро этолмайди. Бу ўйинни кўрган ҳар қандай кишининг ҳам енг шимариб, кураш тушгиси келади.

Тўйчи полвон ўз ўйинини таниб, ҳайратдан ёқа ушлади — қонига тортибди-да, ўзимга ўхшабди. Мана, қанча вақтлар ўтдики, кейинги пайтда Тўйчи полвон курашларда бундай яирашни, бундай ҳузурни туймаган эди. У даврага югуриб чиқди.

— Ўғли! — деба ҳайқириқ, Эргаш полвонни бағрига босди. Сўнг кўлларини кўкка чўзганча, бармоқларини силкитиб-силкитиб, сакраб-сакраб ўйнади.



Вазира ШОДИЕВА

Кўнглима ишқини шуғласи тушди



КЎНГИЛ ИШҚИ

Кўнглим дардига даво йўқ, ишқинѓда овораман,
Улус аро йўқ тоқат даشت сари равонаман.

Алифдек қоматим дол, куйдиради-ку фироқинг,
Ман ҳажрингда дилағфору ҳам дили садпораман.

Висолки ҳушдин айримиши Лайлини Мажнун каби,
Мен-ку, васлингда гадо бир фақир-бечораман.

Жаҳон кезганда кўнгил ватан сари тортадур,
Ман кулбамга етолмасдин, жаннатда бегонаман.

Бошима келса ишқ тиги, жоним нисор этгаймен,
Андин ўзга йўқ бисотим, ман гарип сайдераман.

Бир замон кўкдана кўнглима ишқинг шуғласи тушди,
Исминг сехру шавқидин мен ҳануз девонаман.

Эй ошиқлар, сиз Вазира ишқидин сўз очмангиз,
Куйдирса ҳам ишқ аро ишқ ўтида парвонаман.

* * *

Бу жаҳонда сенингдек, шарм айлагувчи бормикан,
Тун зулматда ўзини шам айлагувчи бормикан.

Бу дунёда емоқлик бор бирор ҳаққин хотиржам,
Лек вижданон бошини ҳам айлагувчи бормикан.

Хайр этмак бор, Хотам каби юз кун бечораларга,
Лек ҳалол нон-ла карам айлагувчи бормикан.

Бу оламда нафс иўлидин юриб ииққанлари самм,
Савоблардин гуноҳни кам айлагувчи бормикан.

Ҳисоб куни ҳама одам Машҳаргоҳда бўлур жам,
Кўрқиб гуноҳдин кўзни нам айлагувчи бормикан.

Очмагай қалбин Вазира, барчадин кўрди ситам,
Анга сендеқ ўзни маҳрам айлагувчи бормикан.



РАШКИМ

Э. Воҳидов газалига назира

Агар ўпса сочларингни саболардин рашк қилурман,
Юзларингга юзин қўйган ҳаволардин рашк қилурман.

Ишқидин номус айлаган анорларга лабинг тегса,
Лабинг олин сўрган ҳатто гадолардан рашк қилурман.

Илкинега анор эмас, паймонаси тўлган хумча,
Сени бағри қон хумчадек саҳболардан рашк қилурман.

Магар келсанг олов ёқиб дилларимни куйдиргали,
Яна манга жафо тутсанг; жафолардин рашк қилурман.

Келиб айтсалар, сарвинозинг кўзларидин томди ашқ,
Борсам, ашқин тутиб турса, ридолардин рашк қилурман.

Эй, рашким эй, Вазиранинг бағрин ёқиб изо этма,
Сени рашк айлаган дили изолардин рашк қилурман.

АЁЛ

Баҳор сўраб келди эй, аёл,
Пойиннга гуллола сочгани.
Бинафшалар шошиб ундилар,
Висолингга қучоқ очгани.

Шоирларинг сўзлари томли,
Фақат сени васф айлаганда.
Аёл, ҳуснинг дунёларга тенг,
Сочларингни баҳт ҳидлаганда.

Орзуларинг бамисли уммон
Осмонларга бўйлар хаёлинг.
Хитоб айлай жаҳон мардига,
"Фақат асра аҳли аёлинг".

Аёл — она, мушфиқа сингил,
Жуфти ҳалол умр иўлинда.
Аёл, эртакларга кўнгил берма, эй,
Эрмак бўлма нокас қўлинда.

ЖАЗИРАМАДАГИ ОДАМЛАР

ҚИСМАТИ

XXI асрнинг дастлабки йилларида ўзбек адабиётида романнавис адилар сафи нисбатан ёш ижодкорлар ҳисобига кенгайиб бормоқда. Улугбек Ҳамдам, Луқмон Бўрихон, Тўхтамурод Рустамов, Исмоил Шомуродов каби адилар бир ёки иккитадан романлар эълон қилишди, улардан баъзилари адабий жамоатчилик орасида қизғин баҳсу мунозараларга сабаб бўлмоқда. Юқоридаги ёзувчилар ижодида тасвир ва услубда ўзига хосликка интилиш кучли бўлиб, бу, албатта, адабиётимизда кечётган янгиланиш ва изланишлар жараёни ҳосиласидир.

Кўп ҳолларда бирон-бир миллий адабиётнинг бўй-бастини унда яратилаётган йирик асарлар белгилагани учун романнависликнинг бутунги кунда тобора шиддатли тус олаётган тараққиёти адабиётнинг эртасига катта умид уйғотади. Шу жиҳатдан, айнан қайси романлар адабий жараёнга сезиларли ижобий таъсир кўрсатиб, муаллифнинг ва адабиётнинг ютуғи ҳисобланишини аниқлаш, айниқса, романлар сони кескин ошиб бораётган даврда янада долзарблиқ касб этади.

Луқмон Бўрихоннинг “Жазирамадаги одамлар” романи тилга тушган ва қизиқиш билан ўқилаётган асарлардан бири. Роман ўтган асрнинг тақрибан 70-80-йиллари воқелигини акс эттираса-да, айни мавзудаги бошқа асарлардан ўзгача бир таровати билан ажralиб туради. “Жазирамадаги одамлар”, профессор Қозоқбой Йўлдошевнинг сўнг сўзида таъкидлиб ўтилганидек, чўл бағридаги 41-посёлка аҳлиниң “нурсиз ва заволли ҳаёти” тасвирига бағишиланган. Бу ҳаётнинг умумий манзараси қўйидагича: “Одамлар тоғдагидан баттар укубатли тирикчилик ташвишларига шўнгиф кетишган эди... Бора-бора ароқхўрлик, қартабозлиқ чўлқуварларнинг аввал эрмагига, сўнг чинакам маданий ҳаётига айланиб кетди”.

Хукуматнинг даъватига кўра ярим кўнгилли тарзда тоғдан ўзлаштирилаётган чўлга кўчган одамлар, гўёқим, шафқатсиз синов майдонига тушиб қолгандек бўлишади. Фақат табиат эмас, мустабид тузум ва унинг сохта мафкураси ҳам одамларни жизғанак қилиб қўйдирив, уларнинг кулидан бир хил қолипдаги нусхаларни ясашга зўр беради. Шундай нобоп бир шароитда ҳам “жавҳари” бутун одамлар кўзларини тўстган парда ортидаги ҳақиқат нури жилваларини кўнгил кўзи билан кўришгани, сохтакорликка қарши қурблари етганча исён кўтариб, ўзларининг табиий ва самимий истак-

майлларига кўра ҳаёт кечиришга, таъбир жоиз бўлса, кулдан чиқсан қақнус каби ўз аслига қайтишга интилишлари романнинг асосий мазмун-моҳиятини ташкил қиласди.

Романда турли ёш, турли машғулот ва турли хулқ-атвортга эга ўнлаб персонажлар мавжуд. Байни моҳир қўғирчоқбоз барча қўғирчоқларнинг ипини ўз қўлида ушлаб, томоша давомида саҳнадаги ролига қараб, уларни ўйинга тортиб тургандай, роман муаллифи катта-кичик персонажларнинг биронтасини унутмай, турлича шароитда уларнинг ўз “мен”ини кўрсатишларига ўтибор қаратади.

Муаллиф асар қаҳрамонларини кўпам таъриф-тавсиф қилмай, улар шахсиятини ўзларининг гап-сўзлари, хатти-ҳаракатлари, турли вазиятлардаги ҳолатлари, бошқа персонажларнинг уларга берган таърифлари орқали кўрсатишга ҳаракат қиласди. Ҳикоячи ровий ўз отаси Эргашни қўйидагича тавсифлайди: “Ҳа, отам ҳам эл қатори ичқиликка бесуяқ эди... Ёлғиз ўзи бир шиша ароқни “майдалаб юборарди”. Одатда бу зормондадан уч-тўрт қултум ютганларнинг гап халтаси очилиб, эзмалиги тутиб қолади. Отам эса ичган сайин уни учиб, хира тортган кўзларини бир нуқтага тиккан кўйи хаёлларга фарқ бўлади, гоҳ хўрсиниб, гоҳ ихраб, узоқ-узоқ ўтириб қолади. Охири гоҳ ўкириб юбормоқчидай юз пайлари қимирлаб, бурун катаклари пир-пир учча бошлагач, онам уни оҳиста ётқизиб, апил-тапил кўрпага ўраб ташлайди”.

Ҳикоячи отасининг ушбу ҳолати сабаблари ҳақида бу ўринда ҳеч қандай изоҳ бермаса-да, китобхон Эргашнинг кўнглида бир дард борлигидан воқиф бўлади ва унинг нималиги сўнгроқ ойдинлашади. Романнинг энг мустақил фикрли персонажи Абдулла Эргашнинг орят юзасидан институтдаги ўқиши ташлаб келганини эшишиб, бошқаларнинг уни “чала олим” деб ҳангома қилишларига ўтибор бермай: “бутун одам экан Эргашбой” дейди.

Асарнинг бош қаҳрамони шаҳардан қишлоққа келин бўлиб тушган Лолаҳон. Шаҳарлик келин посёлканинг бир маромдаги туссиз ҳаётини гўёқим сал мавжлантириб юборгандек бўлади. Зерикарли ҳаётда ҳар ким ўзига “байрам” излаганидек, Самад учун “байрам” Лолаҳон: “Лолаҳон келин келинmas, Тошибиби чечанинг эртакларидан чиқиб келган сулув ва оқила малика экан!” Бироқ Самадга Лолаҳон тенгсиз бир хилқат бўлиб туюлса-да, муаллиф уни



маънавий савиаси ўртача оддий бир аёл сифатида тасвиrlайди. Яъни, бош қаҳрамон тасвирида ҳикоячи Самад ва муаллиф бутун бирлик эмас! Лолаҳон қишлоқ кутубхонаси ва яңги очилган музейга мудира этиб тайинланганида Самад билан унинг орасида шундай сұхбат бўлиб ўтади:

“Янга, шаҳарда ҳам музей борми? — сўрадим мен. — Фиж-ғиж, — деди Лолаҳон янгам. — Кўп кирганимиз томошага?. — Э э... нима керак, мияни ачитиб...”

Асарда келтирилган қўйидаги иқтибосдан ҳам Лолаҳон образи Фузулийни мутолаа қиласидан Кумушбибидан андоза олиб яратилмагани аён бўлади: “— Янга, китоб ўқиши яхши кўрасизми?— деб сўрадим стуллардан бирини китоб-журналлар таҳланган уч қаватли сўрича тагига кўтариб борар эканман. — Ҳа, — деди Лолаҳон янгам стул устига липпа чиқиб. — Қизиқ китоб бўлса ўқигим келади. Ну... вақт йўқ...”

Нафақат ўзи тушган хонадон, балки бутун қишлоққа суюкли келин бўлган, эрига “кўчқордай” ўғил ҳадя қилган Лолаҳоннинг баҳти турмуши узоқ давом этмайди. Эри Ўроқ ҳарбий хизматга чақирилиб, аллақайси бир жангда ҳалок бўлгач, Лолаҳон ҳаётida фожиалар силсиласи бошланади. Аслида, келин-куёвнинг баҳт тўйидаёқ келгуси фожиалардан бир огоҳлантириш бўлиб ўтгандай эди... Яъни, тўйхонада созандалар нўноқликлари туфайли “вальс” куйи ўрнига мотам маршини чалиб юборадилар: “Тобора авжланаётган мотам мусиқаси тўйхонадан-да тошиб-ошиб, олис-олисларга таралар эди”. Бу жумлада ҳам қишлоқ аҳлиниң ҳаётий фожиаси, ҳам бош қаҳрамон Лолаҳоннинг фожиали қисмати, умуман, асарнинг фожиали руҳига, қолаверса, одамларни шу кўйга солган мустабид тузумнинг ҳалокатига бир ишора бордай туюлади. Албатта, муаллиф бу эпизодни шунчаки қизиқчилик учун келтирмай, унга муайян маънно юклаган.

Мархум Ўроқдан қаҳрамон жантчи тимсолини ясаган тузум унинг беваси, эндиғина йигирма ёшга кирган Лолаҳондан садоқат тимсоли сифатида фойдаланиш учун санам ясашга киришади. Ҳали оддий инсоний ҳаётга чанқоқ ёш аёл кўнглида бундан ўз эрки учун хавф туюди. Лолаҳоннинг холасига ёзган мактубида унинг вилоят кенгашига фахрий депутатликка ўз номзоди тавсия қилинганидан катта хавотири яхши ифодаланган. Шу пайтгача кўп йиллар фахрий депутат бўлиб, энди “қарип чарчаб, ярамай қолган” бева кампир тимсолида у ўзига тайёрланаётган келажакни кўриб, сесканиб кетади. Ўзаро сұхбатда “хукумат қадрига етиб, эъзозлаб, мукофотлаган, яхши-яхши ишларни ишониб топширган” кампирнинг ҳам аслида бундай “фахри” қисматдан ич-ичида норизо эканлиги аён бўлади.

Лолаҳоннинг нажот истаб йўллаган мактубига “кўп китоб ўқийдиган холаси”дан келган жавоб, ўша давр руҳига ҳамоҳанг бўлиб, foят кўтаринки тусда: “... ахири, қайгу-фамларинг эвазига Худойим сени мукофотлабди. Депутатлик ҳазилакам ишмас, жиянгинам. Шунақа вазифа дардидарда даста-даста пул кўтариб юрган неча-неҷасини кўрганман. Лолаҳон, азиз жиянгинам, бўш келма! ... Омадингни маҳкамат тут”. Яқин кишисидан келган мактубни бурдалаб

ташлагани Лолаҳоннинг холасининг қувончига қанчалик “шерик” бўлганини кўрсатади. Шу тариқа Лолаҳон ўз ихтиёрига қарши тобора боши берк кўчага кира бошлади. Унинг бу қисматдан қочишга заифгина интилиши, “тушунган” кишилардан умид билан имдод кутиши ҳеч бир натижада бермайди. Ҳеч ким уни англашни истамайди ва ёрдам қўлини чўзмайди. Ўзини “инсон юрагининг, айниқса, аёллар қалбининг муҳандиси” ҳисоблаган Шунқор Ҳобил бир неча кун кутубхонага танда қўйиб, қилган узоқ-узоқ сұхбатларидан сўнг Лолаҳоннинг “аллақандай айтар сўзи” борлигини сезади. Аммо буни эшитмасликни маъқул кўради. Чунки у ҳам Лолаҳоннинг садоқат тимсоли сифатида қолишини, “ор-номусли, инсон қадр-қимматини, шаънини кўз қорачиғидек асрорчи эл”га ҳамиша “муносиб” бўлиб юришини истайди. Лолаҳоннинг эл кўзидағи тимсолга унча мос келмайдиган юрак дарди, шахсий истаклари бўлиши мумкинлиги “қон томирининг бир уни шу ҳалқ билан боғлиқлигидан” фахрланган Шунқор Ҳобилни унча безовта қилмайди.

Шўро даврида “илгор жамоатчи” аёллар ўз истак-интилишлари, фидокорона фаолиятлари туфайли кўпчилик ҳавас қиласидан тимсолларга айланышади, деган қарашлар устувор эди. Роман бу ҳақда жиддий мулоҳаза юритишига ундан, баъзи аёллар ўз истакларига қарши ўлароқ, тақдир ўйинларида ўйинчоқ бўлиб, байроқ сифатида кўтарилиганига ўқувчини ишонтиради.

Намуна сифатида кўз-кўз қилинадиган санамга айлантирилган Лолаҳоннинг ҳатто ўзи оқ фотиҳа берган келин-куёвлар тўйида ҳам эмин-эркин қатнашомласлиги унга “сифинган” одамлар: “у бўлса, бемалол ўйнаб-кулолмаймиз”, деб уни тўйхонага сифдирмасликлари муштипар аёлни фожиа сари итарган сўнгги турткилардан бири бўлади. Лолаҳоннинг тақдирни фожиали эмас, балки бошқача, рисоладагидек кечиши бемалол мумкинлигига бева қолган Файзула аканинг қопқора, иприсқи, тул пистачи аёлга уйланиши, у хонадон бекаси бўлгач, мўъжиза юз бергандек, тароватли бир аёлга айлангани эпизоди орқали ишора қилинади. Ўз кўнгли майлига кўра оқилона иш тутиш Файзула аканинг ўзини ҳам устма-уст келган фам-алам исканжасида адо бўлишдан сақлаб қолади.

Романдаги йириқ образлардан бири Лолаҳоннинг қайниси Ашурдир. “Ашур ... Сафармурод аканинг ибораси билан таърифлаганда совхозимиз ор-номуси” эди! Ўсиқ-қуюқ соchlари, митти, ўйноки кўзлари, чайир-чақон гавдаси урушқоқ, чапани феълидан дарак бериб турувчи бу азamat тўйтомошаларда кураш тушар, ҳатто ўзидан вазни хийла оғир унча-мунча атоқли полвонларни ҳам алланечук усуулларга солиб, чалпак қилиб урап, йиқитиб, чавандознинг юксак эътирофини юз фоиз оқлар эди”. Бу таъриф-тавсифдан аён бўладики, кучи билагига сифмаётган Ашурнинг гайрати тўғри йўналишдаги ўзанга тушганда яхши натижалар бериши мумкин. Аммо уни йўлга соладиган бирон мураббий йўқлиги туфайли, у “теккантага тегиниб, тегмаганга кесак отиб, жанжал-муштлашувлардан боши чиқмайдиган” кимсага айланади. Шунга қарамай, Ашурнинг “шавла кетсин, обру кетмасин”



дэя бор пулини шаҳарлик қизларга тутқазиши ишонарли бўлса-да, шу куннинг ўзидаёқ ширин сув сотовчисининг олдидаги пулдан ўмириши етарли даражада асосланмагац. Ахир, ҳар қанча безори бўлмасин, у майдонда кураш тушадиган полвон ҳамку!

Ашур янгаси Лолаҳон тақдирига катта таъсир кўрсатади. Бева янгасига совчилар келганида у: “Акажонимнинг руҳи покини топтаб, шундай ният билан келдиларингизми ҳали?!” дэя уларни қувиб солади. Ҳикоячи Самад ҳам Ашурнинг бу ишидан “ички бир қониқиши” туюди. Бироқ ўқувчининг хаёлидан: “Агар унинг марҳум акасидан қаҳрамон ясашмаганида, яъни Лолаҳоннинг қайта эрга тегиши, гўёким, қаҳрамоннинг бевасига “номуносиб” бўлмаганида, Ашур шундай йўл тутармиди, сўнгроқ янгасига паншаха билан ташланган бу йигит жиноятчидан кўра кўпроқ курбонга ўҳшамаяптими?”, деган саволлар ўтади.

41-посёлка аҳолиси ҳаёти тасвири баъзан тушкун қайфият уйғотса-да, албатта, одамлар ўзлари онгли равишда шундай ҳаётни хоҳлашмаган. Улар аслида бундан гўзалроқ ҳаётни орзу қилишгани ва бунга чиндан муносиб эканликларига таъкидлар мавжуд асарда. Муаллиф қаҳрамонлар бугунги кундаги “ароқхўр ва қартабозлар” ҳаётининг ўтмишдаги ёрқин дамларини романтика ва лиризмга йўғириб тасвиirlайди. Сафармурод чавандоз Али мерғанинида тунаганида мезbon “Жангнома” қиссасини ўқиётиб, эски китобнинг бир жойига кўзи ўтмай, бўй етган кенжা қизини чақиради. Қиз саҳифани шаррос ўқиб беради ва Сафармуроднинг хаёлини ўғирлади: “Курғур, кенжা қизнинг хушрўйлиги етмагандай, эскича ёзувларни-да ўқийдиган отинлигини айтмайсизми?!” Хуллас, Сафармурод чавандознинг ўша тундан бошланган китобсеварлик касали, айниқса, эски “Жангнома”ларга ишқибозлиги, совчи кўйиб, Али мерғанининг отин қизи Тошибига уйланиши билан якунланади.

41-посёлка аҳлининг кўпчилиги зоҳирлан жаҳолатга ботган, ҳукumat ва мафкурага кўр-кўронга итоат ва ўз шахсий манфаатидан бошқасини билмайдиган майда кимсалардек бўлиб туюлсаларда, бот-бот уларнинг баъзилари унчалик ҳам анои эмасликлари, муайян маънавий ва интеллектуал салоҳиятга эгаликлари, эҳтимол, бошқача бир шароитда улар тўлақонли шахс бўлиб шаклланишлари мумкинлиги англашилади. “Таниқли шоир, журналист, ёзувчи ва ҳоказо” Шунқор Ҳобилнинг ҳайкал ёнидаги тантанали маросимда нутқ сўзлагани ҳақида дўсти Самадга ҳикоя қилаётган Дурбекнинг сўзидан: “Отамни биласан, чакана китоб ўқимаган. Сенинг отанг ҳам китобхўр. Отам, бу гаплар анови машҳур ёзувчининг гаплари-ку, деб пицирлади. Эргаш акам эса, кўявер, буларнинг бари тенг шерик,

бири ёзди, бири элга ёяди, деди. Иккови пиқ-пиқ кулишди”. Шу тариқа, муаллиф персонажлар шахсиятини “зиқналиқ” билан қисқа-қисқа чизгиларда кўрсатиши мутолаа давомида китобхондан анча дикқатли бўлишни тақозо қиласди.

Асар воқеалари юз бераётган пайтда ҳукмрон мафкурадан ҳеч кимга омонлиқ бўлмай, у болаларни ҳам ўз домига чирмаб олган. Шунга қарамай, кузатувчанлик ва тафаккурга мойил бола Тўлқин ишбилармонлиги туфайли бой-бадавлат яшайдиган Абдулла акага ҳавас қиласди. “Уруш-уруш” ўйинида “қаҳрамонларча ўлиш” қоидасига риоя қилмай, дўстларига: “Менга унақа қаҳрамонлик керак эмас, ўлишни хоҳламайман ... Абдулла акадек бой, зўр одам бўлмоқчиман” дейди. Тўлқиннинг сўзлари жазира маънни салқин шабада каби умидбахш кайфият бағишлиади.

Муаллиф танлаган тасвир усули, яъни бутун асар ягона ҳикоячи томонидан нақл қилиниши, айниқса, роман каби катта жанрда бир қатор қийинчиликларни келтириб чиқариши муқаррар. Чунки ҳикоячи воқеалар содир бўлган барча жойда ҳозир бўлиши имконсиз. Шу сабабли бундай романлар камдан-кам ёзилади. Тахминан, ҳар юзга романдан биттаси шу тарзда ёзилса керак. Муаллиф воқеаларнинг бир қисми, яъни ровий ўз кўзи билан кўрмаганларини бошқа персонажларнинг ҳикоялари, мактублар, Шунқор Ҳобил битиклари, миш-миш ва овозалар орқали тасвиirlайди. Тасвир воситалари орасида мутаносиблик саҳланиб, ёзувчи Эркин Аъзам таъкидлаганидек, “бирон бир жойда зўриқиши, чириниш сезилмайди”. Қийин бир адабий вазифани қойилмақом уddaлагани, ҳеч бир муболагасиз, бу йўлда ўрнак бўларлик роман яратади. Лолаҳоннинг ижодда катта маҳорат касб этиб, етуклик поғонасига қадам қўйганидан далолат беради.

Романнинг тили равон, оҳорли ва мароқли. Деярли ҳар саҳифада ўқувчини беихтиёр жилмайишга мажбур этадиган киноя-ю қочиримлар учрайди. Муаллиф ифодада муболага ва бўрттириш ўйсинидан унумли фойдаланади. Масалан, “садоқат тимсоли”га ҳавас қилган Шаҳиннинг севги мактубида шундай жумлалар бор: “Тўлқин! Агар армияга бориб, сиз ҳам нобуд бўлсангиз, Лолаҳон опамдай умрбод пок хотирангиз билан яшаб ўтмоққа қасам ичаман”.

Албатта, асар баъзи жузъий камчиликлардан холи эмас. Баъзан киноя меъёрдан ошади, жуфт сўзларнинг қўп ишлатилиши доим ҳам ўзини оқламайди. Ўз ўрида қўлланилмаган сўзлар, таҳрирталаб жумлалар мавжуд.

“Жазира мадаги одамлар” ёш ёзувчининг тўнгич романи бўлса-да, муаллифнинг жиддий ютуққа эриша олгани қувонарлидир.



Муқаддас САЛОМОВА

**БАХОР**

Олам ингрогидан саҳарлар толди,
Осмоннинг юзида кўпайди доғлар.
Шафақнинг бағри ҳам тўлишиб қолди,
Мадад тилаб турар энага — боғлар.

Дод-фарёд қилганда момақалдироқ,
Осмону фалакни солди ларзага.
Чидолмай дардига булутлар шу чоқ,
Ёшларин тўйкарди ҳўнграб бир зумда.

Тўлгоқ тутаётир она Ерни ҳам,
Бағрида туғилар бир этак чечак.
Чақалоқнинг ширин ингаси мисол,
Дунёга келмоқда яна табиат.

Ортда қолиб кетди рутубатли тун,
Суюнчига чиқар бойчек илк бор.
Бошқача отади тонглар ҳам бу кун,
Үриклар лабида уйғонар баҳор.

Майсалар қиқирлар заминда уйғоқ,
Кўшиқ айта бошлар шўх ирмоқлар ҳам.

Оёққа турари бутун мавжудот
Эртанинг ташвишин кўришга баҳам.

ТОНГ ОТДИ

Энг баланд шоҳдаги сарғайған япроқ
Тўкилмай яна бир тонгга очди юз.
Бирор янчиб ўтган майдо ҳам бу чоғ
Нурдай шифо топиб, кўкка тикди кўз.
Тонг отди...

"Кўзимни очолмай қолсан, а?!" деган,
Тун бўйи қўрқинчидай бўзариб бедор.
Офтоб чиқшини кўрмоқ истаган,
Ёғуддан кўзлари қамашган бемор
Учун тонг отди.

Юракка азобли оғриқлар солған
Туннинг андуҳлари сўқилар энди.
Гина-кудуратлар ўрнини олган,
Кўзлардан бир меҳр тўқилар энди.
Тонг отди.

Очиқ дарвозадан кирди барака,
Чиннидек ярқирап супаю кўча.

Саҳарги тилаклар баҳтни яратар,
Дуога қўл очар нуроний кекса.

Тонг бу — барака, тонг бу — шукронা.

ЎЎЗСИЗ СЕВГИ

Қалблар тўқнашганды ёнар муҳаббат,
Гулхана сув сепиб ўтаверамиз.
Ортимииздан додлаб қарғайди тоқат,
Боқмасдан бир кулиб кетаверамиз.

Яқинмиз шунчалар кўнгил йўлига,
Бироқ бегонадек тутамиз ўзни.
Ҳасратлар тўлса ҳам бу гарип дилга,
Ошкор айтмолмаймиз бир ширин сўзни.

"Севдим" деган сўзни айтмоқлик учун
Сизда ҳам йўқ журъат, йўқдир менда
ҳам.

Севамиз-у, аммо, айтингиз, нечун
Дардимизни бирга кўрмайман баҳам?



Ошағ дилда ғуфурум

Хуршидбек МАМАЖОНОВ

Сен жаҳон айвонида
Бетакрорсан, суюксан.
Аждодларим шаънидай
Ардоқлисан, Буюксан.

ВАТАНИМ

Ўзбекистон, она юртим,
Сен оламда ягона.
Таърифининг куйлаб шеърда,
Довруқ соглум жаҳона.

Хўр ўқлингман, баҳтга оишно,
Фахримсан, ягонамсан.
Гулзор, боғларинг жаннат,
Бебаҳо дурданамсан.

Мадҳиянгни тингласам,
Ошағ дилда гурурим.
Туғинг менга муқаддас,
Она тилим — сурурим.

Сен менинг борлиғимсан,
Ифтихорим жон Ватан.
Уммондай жўшар илҳом,
Мадҳиянг куйлаб дафъатан.

СИЗДАЙ ИНСОН БЎЛАМАН**Бобом хотирасиға**

Бобожон, сиз суратдан,
Менга хушҳол боқасиз.
Дилимга шеър ишқини
Гулхан қилиб ёқасиз.

Шеъларингиз ўқисам,
Сиз-ла сухбат қураман.
Кимлигинизни эслаб,
Гурурланиб юраман.

Шеърият бўстонига
Сиз сабаб ораладим.
Тунларни тонгга улаб,
Кўп қоғоз қораладим.

Сиздай инсон бўлиб мен,
Эл корига ярайман.
Суратингизни ўтиб,
Гуллар билан ўрайман.

ЎЗБЕКИСТОН

Она юрт Ўзбекистон,
Сен оламда ягона.
Фарзандларинг довруғинг
Таратар кенг жаҳона.

Ажодларим фахримдир,
Жаҳонгир бобом Темур.
Алишер тенгиз даҳо
Ғурурим Мирзо Бобур.

Чўлпоннинг ҳар сатрини,
Ўқийман кўзга суртиб.
Кумушга аза тутдим,
"Ўтган кунлар"ни кўриб.

Бугун озод Ватансан,
Юз тутмарсан дунёга.
Фарзандларинг изланар
Меҳр қўйиб зиёга.

КОЖФУЧИЙ ЕДБОЗЛАРӢ

БЕБАҲО САҲОВАТ

Қадим замонда содда, раҳмдил бир дәҳқон бўлган экан.

Бир куни у ер ҳайдаётган чоғ омочи қандайдир қаттиқ нарсага текканлигини сезибди. Дәҳқон дарҳол кетмонини қўлга олиб ер кавлашга тушибди, ниҳоят бир бўлак тошга ўхшаш нарсани қазиб олибди. Топилдикини қўлига олиб күёш нури остида уни томоша қиларкан, дәҳқон бирдан ҳайратланиб кетибди. Чунки илтидаги оддий тош эмас, балки бир бўлак сайқал берилмаган нефрит тоши экан.

Дәҳқон топилдикини ҳокимга бериш лозим дея қарорга келади ўз вилоятининг ҳокими Зи Хан жанобларининг олдига ташриф буюрибди. У нефрит тошини қандай қилиб топиб олганлигини Зи Хан жанобларига айтиб берибди.

"Сиз бу вилоятнинг ҳокимисиз, илтимос, бу нефрит тошини ўзингизда сақлаб қўйинг!" дебди хурмат билан.

Зи Хан қўл силкибди:

"Йўқ, мен қандай қилиб бу бебаҳо тошни ўзимда сақлаб қоламан? Гарчанд эгаси йўқ буюм бўлса ҳам, сиз ўзингизда олиб қолинг!"

"Гарчанд эгаси йўқ бўлса ҳам, барчасини менга бериб юбормоқдасиз, лекин мен ҳам буни сизга тақдим этишни маъқул кўраман, илтимос, буни албатта ўзингизда сақлаб қолинг!" дебди дәҳқон норизо.

Зи Хан жаноблари самимий кулибди.

"Биласизми, сизнингча бу бир бўлак қимматбаҳо нефрит тоши ҳисобланади, менимча эса, сизнинг бу тошингизни ўзимда сақлаб қолмасамгина ҳақиқатан ҳам қимматбаҳо ҳисобланади".

Содда дәҳқон Зи Хан жанобларининг гапини тушунмабди. Кейинчалик Зи Хан жанобларининг ҳаракатлари халқ орасида овоза бўлиб, одамлар орасида ривоятга айланиб кетган экан.

Бу воқеага асосланиб Сун давлатининг қариялари тез-тез ўшларга панд-насиҳат қиласидан бўлишибди.

Конфуций эса ўз шогирдларига куйидагича ўйт берган:

"Зи Хан мутлоқ қимматбаҳо зийнат буюмларни билмайдиган нодон бўлмаган. Масала шундаки, у ўзининг саховатини қадрлаган. Ҳар қандай буюм факатгина уни қадрлаган одамнинг назаридан баҳога эга, агар олтин тангалар билан ширинликни олиб ёш болага танлаш имконияти берилса, ёш бола албатта ширинликни олиб, олтин тангалардан воз кечади. Агар нефрит тоши билан олтин тангаларни олиб дәҳқонга танлаш имконияти берилса, дәҳқон осонлик билан олтин тангаларни танлайди, хулқ-атвори, ахлоқий хусусиятлари юқори бўлган одамдан келиб чиқиб айтадиган бўлсак, нефрит тошлар ҳам, олтин тангалар ҳам, барча-барчаси унинг олдига қўйилса, у барибир хулқ-атвор, ахлоқий фазилатларни танлайди".

УЗОҚ УМР СИРИ

Қадим замонда Янь императори узоқ умр кўриш сирини биладиган одам тўғрисида эшишиб қолибди. Хизматкорларга ўша одамни топиб келишни буюрибди.

Хизматкори кўп қийинчиликларни бошидан ўтказиб ўша яшовчан кимсаннинг манзилини топибди. Бахтга қарши бу одам аллақачон ўлган экан.

Янь императори қаттиқ ғазабланибди. Бу вазифани бажаришга юборилган хизматкорни чақиртириб, шундай муҳим ишни кечиктирғани учун уни қатл этишга маҳкум этибди.

Янь императорининг қошидаги бир мулозим императорга дебди:

"Олампаноҳ, жаҳлингиз чиқмасин! Ўлим, бу ҳамма одамларнинг тақдирида бор, ўша одам узоқ умр кўриш сирини биладиган киши деб ҳисоблардик. Лекин ҳатто ўзининг ҳаётини ҳам сақлаб қолмабди-ку? Бу усбу исбот қилинмаган, бундай сир қабул қилина олмайди ҳамда бунинг ҳеч қандай ачинадиган жойи йўқ".

"Бу гапда жон бор!" дебди Янь подшоҳи ва ўша хизматкорга белгилантан жазони рад этибди.

Бу воқеага кўпгина одамлар турли хил фикрларни билдиришган.

Цизи исмли бир одам ёшлигидан узоқ умр кўришнинг сирли усулини ўрганишини хоҳлаган экан. Ўша хизматкор излаган одам ҳаётдан кўз юмганини эшишиб роса афсус чекибди.

Яна бир Фуци исмли одам Цизининг воқеасини эшишиб, Цизидан баттар нафратланибди, норози бўлиб дебди:

"Цизи қандай қилиб бу ҳақда орзу қилиши мумкин?! У даставвал одамлардан узоқ умр кўришнинг сирли усулини ўрганмоқчи эди, ҳатто буни ўрганган одам ҳам узоқ умр кўролмабди-ку? Шундай деб номланадиган сирли усулининг қандай қиммати бор? Ўрганиш керак бўлган ҳақиқий илм тўғрисида ҳеч нарса билмас экан, бундай аҳмоқликнинг оқибати ҳақиқатан ҳам ачинарли бўлади!"

Конфуций бу воқеа тўғрисида эшигтанидан сўнг ўз фикрини куйидагича изоҳлаган:

"Фуцининг гапларида ҳақиқат бордек, аммо дунёдаги одамларнинг орасида кўпгина фарқли томонлар бор! Масалан бир турдаги одамлар бирор-бир қобилиятни эгалласалар ҳамки, уни амалиётда қўллай олмайдилар. Бошқа бир турдаги одамлар асл назариётни билмасалар ҳам уни амалиётда муваффақиятли қўллай оладилар. Шунинг учун ўша узоқ умр кечириб, ўлмайдиган сирли усулини биладиган одамни танқид қилиб бўлмайди. Ўша одам ўша сирни билса ҳам, лекин ҳеч ўзининг танасида синаб кўрмаган бўлиши мумкин!"

КОНФУЦИЙНИНГ МУМ ТИШЛАШИ

Бир куни Конфуций узоқ саёҳатга чиққан экан, ўйлда бир тўда болаларнинг йиғилиб турганлигини кўрибди.

Олдиларига бориб қараса, иккита бола алланарса ҳақида баҳлашаётган, бошқалари эса атрофларини ўраб олиб томоша қилишаётган экан.

Биринчи бола:

"Күёшнинг бизга энг яқин пайти, бу — туш пайтидир" дебди:

Иккинчи бола эса:

"Күёшнинг бизга энг яқин пайти бу эрталабидир" дебди.

Рақиб бола тағин қаршилик кўрсатиби

"Нотўғри, умуман бундай бўлиши мумкин эмас!"

"Сенини нотўғри, барibir менини тўғри" дес яш келмабди иккинчи бола.

Конфуций улардан сўрабди:

"Сизлар нима ҳақда баҳлашмоқдасизлар?"

Болалар Конфуцийни кўриб, ўқимишли одам деб хисоблаб, иккаласи ҳам кўлидан тортиб, ундан кимнинг фикри тўғри эканлигини ҳаққоний аниқлаб беришини сўрабдилар.

Конфуций уларга қараб ширин сўз билан:

"Сизлар ҳар бирингиз ўз фикрингизни сўзланг-чи, нима ҳақда баҳлашмоқдасизлар?" дебди.

Биринчи бола шошилиб дебди:

"Менинг фикримча, кўёш энди чиққанида бизга энг яқин пайти бўлади, унинг назаридага эса, тушга келибина күёшнинг бизга энг яқин пайти бўлар эмиш".

Конфуций кулиди:

"Унда ҳар бирингизнинг қарашларингиз нимага асосланган?"

Бир бола:

"Гап шундаки, кўёш ҳар куни эрталаб худди очилган соябон каби катта бўлиб кўринади, лекин тушга келиб эса тувак каби кичкина бўлиб кўринади. Одатда биз бирор бир нарсага қарасак, қанчалик яқин бўлса, шунча катта бўлиб кўринади, қанча узоқ бўлса шунчалик кичкина бўлиб кўринади, наҳотки исботлаб бўлмайдиган масала бўлса?" дебди.

Рақиб бола ҳам бўш келмай эътиroz билдириди:

"Унинг гапи нотўғри. Күёш энди чиққан пайтида биз унча ҳам иссиқликни ҳис қўлмаймиз, лекин тушга келиб, бизнинг ҳиссиётимиз бошқача бўлади, шу дараҷада иссиқ бўлиши мумкинки, ҳатто терлаб кетамиз. Ўйлаб кўринг, қўлимизни оловнинг ёнига яқинлаштирасак, иссиқ бўлади, оловдан узоқлаштирасак совуқлигини ҳис қиласиз, бу ҳақиқат эмасми?"

Конфуций кунт билан эшитиби, лекин ҳар қайсиси ўзининг фикрида туриб олганлигини кўриб, қандай ечим топишни билмай қолибди. Ёш болалар Конфуцийнинг мум тишлаган ҳолатини кўриб юборишган экан.

КОНФУЦИЙНИНГ ҲАЁТ ВА ЎЛИМ ҲАҚИДАГИ МУЛОҲАЗАЛАРИ

Бир куни Конфуций ўзининг шогирдлари билан Вэй подшоҳлигига қараб йўл олибди. Бир буёдой экилган далага келиб, оқ сочли, бошини эгиб, белини букиб мошоқ тераётган қарияни кўришибди.

Бу қариянинг исми Лин Лей бўлиб, ёши юзга яқинлашиб қолган экан. Кўпчилик уни танир, кувноқ, иродали одам сифатида билар экан. Бир аср яшаб кўйган, оиласиз, ёлиз бўлса ҳам, жуда кувноқ яшар экан. Қария жуда ҳам меҳнаткаш экан, одатда сават олиб ҳосил

йиғилган далалардаги мошоқларни териб оларкан, айрим пайтлари йўлда кетатуриб қўшиқ басталар экан.

Конфуций ёнидаги шогирдларига дебди:

"Анави оқсоқ қарияни кўрдингларми? У деярли бир асрни яшаб кўйган, дунёдаги ишлар ҳақида, одамлар ҳаётини борасида жуда кўп нарсаларни билади, ким унинг олдига бориб ундан маслаҳат сўрамоқчи?"

Зи Ган Лю деган шогирди олдга чиқиби:

"Мен бораман, менда унга жуда кўплаб саволлар бор".

Зи Ган қариянинг олдига бориб, унинг саватидаги мошоқларга қараб сўрабди:

"Сизнинг ёшингиз шунчалик улуг, нима учун бундай азобланасиз? Мен ҳақиқатан ҳам тушумайман, чиндан сизга қайгураман, сиз ҳали ҳам тинмай меҳнат қиласиз, қўшиқ куйтайсиз, шу ҳақда нима деб ўйлайсиз?"

Қария ҳеч нарса эшитмагандек бошини эгиб, ҳам хиргойи қилар, ҳам дикқатини бир ерга тўплаб буёдой бошоқларини терарди.

Қария олдинда кетарди. Зи Ган қария уни эътиборга олмаётганини кўриб, унинг орқасидан юраверибди, қария ниҳоят унинг саволига савол билан жавоб бериби:

"Ўзингда нима яхши-ю, мен ҳақимда қайгуряпсан?"

Зи Ган яна сўрабди:

"Мен ўйлашимча, сиз ёш бўлган пайтингизда аниқ ҳеч қандай муваффақиятга эришмагансиз, ҳозир эса ҳаётингиз оғир. Ўзингиз ўйлаб кўринг, ёшингиз шунчалик улуг, умрингиз борган сари тугаб бормоқда, ёнингизда қариндошларингиз йўқ, ёлиз ҳаёт кечирасиз, яна машаққат билан меҳнат қилиб ўзингизни боқишингиз керак, наҳот бу нарса одамнинг раҳмини келтирмайди?"

Лин Лей жавоб бериби:

"Мен ёш бўлган пайтимда ҳеч қандай тайёргарлигим йўқ эди, сабаби мана шу бўлса керак. Мен эндигина осон ва узок умр кечирмокдаман. Ўлгандан сўнг, бошқа яхшироқ дунёга борсам керак!" деб жавоб бериби.

Зи Ган қариянинг сўзларини Конфуцийга етказиби, устози чукур хўрсиниб:

"Қариянинг фикрларининг ҳаммаси ҳам тўғри эмас. Ҳаётда бахт ҳам, қайгу ҳам бўлади. Бор кучни ўқишига, меҳнат қилишига сарфлаш керак, ўшандагина умрнинг охирида хотиржам, тинч ўлади. Бу одам ҳозир ҳаётнинг ягона тўғри йўлидадир".



**Хитой тилидан
Шарқшунослик
институтининг 3-босқич
талабаси Жасур
ЕҚУБОВ таржималари**



Бахтиёр БОБОНОВ

**СОФИНСАНГ АГАР...**

Ўзинедирсан содиқ йўлдошим, —
Юрак! Тонглар бехуда ёнма,
Бирга тогдек говлардан ошдик,
Бир арзимас гапга ўртанима!
Биз манманлик ҳиссисидан холи
Ҳар одимда ўртандик-ёндик,
Соч-овози майин Аёлни
Девоналар бўлиб қизғондик!
О! Кўрдик-ку биз қитмишларни, —
Кун беришмас ҳатто узлатда...
Бижиган бу ичи кирларни
Энди қаро гўр ҳам тузатмас!
Ўзингдирсан содиқ йўлдошим —
Юрак! Тунлар бехуда ёнма.
Бирга тогдек говлардан ошдик,
Бир арзимас гапга ўртанима!
Керак эмас бизга таҳсиллар,
Учмасак бас пуч шонларига!
Ҳақимизда не демасинлар —
Ҳаволадир вижедонларига...
Омадсизлик қисмати бирла
Энди бизни қўрқитомласлар!
Ёниб-чўққа айланган юрак
Ҳисоб бермас тутаган хасга.

МИТТИ ЙОЛДУЗ

Ўзбекистон Қаҳрамони
Абдулла Ориповга

Фараҳ ила бошланмоқда
Бизнинг кечা.
Сўнаётур уфқининг қурмиз
Шафақлари,
Бу кеч ойнинг балқишилари
Бир ўзгача...
Қара, кўкда митти юлдуз
Чаралади!

Ҳаял ўтмай шеър аршларни
Тутуб кетгай
Ҳира, ёрқин юлдузларнинг
Жилвалари,
Муштоқ элим! Ташина бағринг
Гулзор этгай
Юлдузлардан энган ашъор
Шуълалари...

Сўнг истаган юлдузингни
Танлайвергин:
Назмий осмон нурларини
Ташманиб ич.

Тошкент таронаси

Илло, ойдин кечамизни
Бошлаб берган
Митти юлдуз жилваларин
Унумта ҳеч!

* * *

Кечган асрий азоблардан сўнг
Боғландим қўл телефонингга!
У қиши тонги айтганларимнинг
Бирор сўзи йўқдир ёдимда.
Эҳтимолким, мен ботинолмай
Айтгандирман пала-партиши сўз...
Аммо, у чоғ зарра тин олмай
Гап суқарди Қалб муросасиз,
У, айт дерди, туйғанларингни —
Дардинг ичга ютдинг-ку ўйлаб,
Айтмайсанми, куйғанларингни —
Э! Хайф сенга мендек ёниқ Қалб!
Бўл! Йўл бериб феврал қорлари
Қотмишлар оқ булат шаклида,
Қоқ чиллада ариш баҳорланиб
Кун балқимиш оқ умид шаклида!
Айтгил! Ахир, чархи гардунда
Абадиян яшамайсан-ку,
Үл бокира хилқат дардида
Тунлар бејжиз гашланмайсан-ку!..
...Гулум! Бўзранг қор уюмидан
Кўз узмай, Қалб сўзин тинглайман,
Айтай десам — бу ёқимли дард
Не эканин ўзим билмайман...

ҚИШ СОНАТАСИ ё ТҮЙҒУН САСАЛИ
Зулхумор Мўминовага
эҳтиром

Қор аралаш сариқ-сариқ
Барглар ёғди,
Сариқ барглар тунлар ёғди,
Саҳар ёғди...
Дарак бериб васли шиқу
Тотли қишидан
Юрагимга севғи отлиғ
Дардлар ёғди!

Гуллар ёқкан баҳорларда
Қайдо эдинг,
Юрганмидинг саҳроларда,
Ойдамидинг?
Мени қулдек банди айлаб
Пуч ташвишлар. —
Қўшилиб шод оқимларга
Шодон оқдим...

Илло, мудом ноаниқ дард
Қийнап эди,

Суянганим-қордай бегард
Үйлар эди...
Тун ярмида қоқ бўлинса
Оппоқ тушлар, —
Мум тишлаган юлдузларга
Хайрон боқдим.

Хурим! Қору сариқ барглар
Ёккан чоғда,
Юрагимни сариқ баргга
Кўйдинг боғлаб!
Толе илк бор кулган эди...
Ёвуз қисмат
Хисларимни хазонларга
Кўшиб ёқди!

Қор аралаш сариқ-сариқ
Барглар ёғди,
Сариқ барглар тунлар ёғди,
Саҳар ёғди...
Бахтиёрни жудо айлаб
Тотли қишидан
Юрагига ҳижрон отлиғ
Дардлар ёғди!

ПАРИЖГА ҲАТ**Ўғлим Шоҳруҳга**

Тошкент баҳорини соғинсанг агар,
Булон ўрмонига бориб ўлтирма!
Ўғлим, қўнғироқ қили қировли саҳар,
Менинг соғинч тўла овозим бирла
Хонанга раҳҳону настарин борар!

Тошкент сувларини соғиниб қолсанг,
Сена соҳилида ўйланиб турма!
Ўғлим, қўнғироқ қили булатли шомлар,
Менинг соғинч тўла овозим бирла
Бўзсуvining шарқироқ мавжлари борар!

Тошкент таронасин соғинсанг жуда,
Телба оҳангларни тинглаб қайғурма!
Ўғлим, қўнғироқ қили дилсиқар тунлар,
Менинг соғинч тўла овозим бирла,
Ўзбек тўйларининг авжлари борар!

Тошкент жомеъларин соғинган чоғлар
Эйфел минорига асти бош урма!
Ўғлим, қўнғироқ қили димогинг чоғлаб,
Менинг соғинч тўла овозим бирла
Дўстларнинг дуюи ганжлари борар!

Тошкент майдонларин соғинган онинг
Ғалаба арқида талҳ ўйлар сурма!
Ўғлим, қўнғироқ қили эркдан қувониб,
Сенинг гурур тўла овозинг бирла,
Дилимдан гуссаоғам ариб борар!




Светлана ВАСИЛЕНКО



Тиканили Сибирь ШАХДАР

Хикоя

Василенко Светлана Владимировна Астрахан областининг Капустин Яр қишлоғида туғилган. Горький номли Олий адабиёт институти ва Олий сценаристлар курсини битирган. Бир неча насрый китоблар муаллифи. 1998 йили "Тентак қиз" романи учун "Новый мир" журналининг мукофотини олган. Москвада яшайди.



Мен туғилиб ўсан шаҳарчага болалик даврим ҳақида ҳужжатли фильмни суратта олиш учун ҳарбий "газик" да киночилар гуруҳи билан кетмоқдамиз. Ўнг томонимизда — ҳарбий шинел рангидағы уфқа қадар чўзилиб кетган тап-тақири чўл, чапимида эса Оқтепа — Ахтуба дарёсининг шошқин ўзани. Оқтепа эса, ўз навбатида, тўлиб-тошиб оқадиган улуғвор, барча Рус дарёларининг мәликаси бўлмиш Волганинг бир тармоғидир. Яъни, у Волганинг қариндоши, балки синглиси, балки қизицир, фақат Оқтепанинг феъли мутлақо Волгага ўхшамайди. Оқтепа тез оқади, ўзбошимча, шўх-шаддод, чўл эмас, тоб дарёсидеек бесабр. Гўё ана шу бебошлиги туфайли подшо саройидан қочиб кеттану, энди ўзича ёввойи ҳаёт кечирмоқда. Аммо у ҳам Волга билан ёнма-ён оқиб бориб, охир-оқибат Каспий дengизига қуйлади.

— Оқтепа... — ўйчан такрорлади режиссёр, гўё унинг таъмини тотиб кўраётгандай тамшанаркан. — Номи галати экан, а? Русча эмас шекилли?

— Русча эмас, — дея таъкидлайман мен ва ҳикоя қиласман. — Бир вақтлар, Ботухон бошчилигидаги мўгуллар бутун Осиёни эгаллаб бўлгандан сўнг айнан мана шу ерда, Оқтепа қирғоқларида тўхтаган. Ботухон кичкинагина дарёning бу қадар ўйноқи, бебошлигидан завқланиб кетган, балки бунда ўзини, ўз феълини ҳис этгандир. Теварак-атрофнинг гўзаллиги ҳам уни мафтун этган ва айнан мана шу ерда, Оқтепа қирғоқлари бўйида мўғул давлатининг Фарбий улусини ташкил этиб, унга Олтин Ўрда деб ном берган ва унинг маркази — Сарой шаҳрини қурдиран. Айнан мана шу ер, Олтин Ўрдадан туриб, мўгуллар Рус ерларига хужумлар уюштиришган, йўлларида дуч келган нарсанинг ҳаммасини ёқкан, қирган, шаҳарлар ва қишлоқларнинг кулини кўкка совурган. Ана шу ердан туриб, мўгуллар Русни бўйсундиришган, Русни давлат сифатида ийўқ қилишган. Айнан мана шу ерга, Олтин Ўрда марказига — Саройга, Рус князликларининг ишонган аёнлари амал дардida бош уриб келишган. Рус ерларининг вилоятларига хокимлар мана шу ерда тайинланган.

Мен, албатта, гапим ишонарли чиқиши учун унчамунча қўшиб-чатиб, ёлғон аралаштириб гапиряпман. Ботухон ўз Олтин Ўрдаси Саройини бу ердан анча жанубда, Волганинг этакларида қурдирган. Кўп йиллардан сўнг эса бошқа бир хон Марказни бу ерга кўчириб келган экан. Гапинг ишонарли чиқиши учун ёлғон тўқишининг айби йўқ ахир.

— Бир гал рус князи хоннинг Туба исмли қизини севиб қопти. Туба ҳам ўз навбатида йигитга кўнгил кўйилти. Кейин княз кетаётги, бир йилдан кейин қайтиб келманан-да, сенга уйланаман, деб ваъда берипти. — Киночилар гуруҳига маҳаллий афсонани айтиб бердим. Қизнинг отаси бу гапдан хабар топиб қолиб, қизини қари, хунук қrim хонига беришга...

— Мункиллаган! — гап қўшиди тасвиричи Ира (Гап келганда айтиб қўйяй, Ира Россиянинг энг яхши тасвириларидан бири.)

— ... қарор қилилти, — давом этдим мен.

— Унинг ўзи-чи, Туба? — қизиқиб қолди "газик" ҳайдовчиси, ёштина аскар. — Тегиб кетаверитими?

— Машинангни анави тош ёнида тўхтат, — дея илтимос қилдим ундан.

Машина кулранг, беүшшов бир ёдгорлик ёнида тўхтади. Ёдгорликнинг бетон деворида ҳарфлар изи. Ҳойнаҳой, мис ҳарфларни маҳаллий "аломинчилар" ёки алкашлар қириб олиб, юз грамм ароқда алмаштириб юборишган кўринади. Режиссёр ёзувни ўқишига уринди. Уддалай олмади-да, менга ўтирилди.

— Бу ерда нима ёзилган?

— Бу ерда Олтин Ўрда маркази Сарой шаҳри бўлган.

— Шу ердами?! — Режиссёр анг-танг ҳолатда теварак-атрофни кузатди. — Шу саҳрова-я?! Қатор-қатор саройлари, бозорлари, фонтанлари бўлган улкан шаҳар, бутун дунёнинг тенг ярми тақдирини ҳал қилган давлат маркази мана шу саҳрова курилганми?

Қайтиб машинага ўтиридик. Мен режиссёрга болалик давримизда дўстлар билан кўплашиб келиб, саҳрова ер



қазиганимизни айтиб бердим. Олтин тулпорни излаганмиз.

— Яна қанақа тулпор? — салкам аччиқланиб сүради режиссёр. Гүё ҳозирданоқ орамизда ижодий рахна бошланётганга үшшарди, сабаби ҳали ўзимизга-да аён эмасди. Биргаликдаги ижод даврида бу дарз кетиш албатта қаердади сезилиб қолиши аниқ эди.

— Олтин тулпор деялман-ку, — деда тұнғилладым мен ҳам унга жавобан. — Ботухон ўлаётіб, ўзида бор тиллаларнинг ҳаммасини қыйдириб, олтин тулпор ясатибди-да, саҳроя, яширип бир жойга күмдирибди. Ўшандан бери ҳамма ўша жойни излайди. Олтин тулпор эса ҳар йили бир марта, эңг ойдин тунда мана шу саҳро бүйлаб югуради. Кўплар унинг туёқлари дупурини ёшишишган. Ана шунақа афсона бор.

— Афсона устига афсона, — деда режиссёр пичинг қилди. — Ҳеч нарса қолмади. Фақат афсоналар.

— Биз, маҳаллий аҳоли учун булар афсона эмас, — дедим мен секин.

— Нима бўлмаса?

— Аниқроқ, айтадиган бўлсан... бу ҳаётий ҳақиқат. Биз ана шу ҳақиқатлар билан туғилганимиз, ана шу ҳақиқатлар билан яшаемиз.

— Ҳар қалай, энди ҳеч ким олтин тулпор илинжиде саҳрони қазиб ётмаёттандир? — мингиrlади режиссёр. — Энди эртакларга ҳеч ким ишонмай қўйган-ку.

— Сени ўзинг ҳаётдан фақат афсоналар қолади, дединг-ку, — деда унинг фикрига кўшилмадим мен.

— Биз фильмимиз учун сенинг афсоналарингни суратга олмаймиз-ку ахир! — деди режиссёр, норози оҳангда. — Биз ҳаёт ҳақидаги фильмни суратга олишимиз керак. Ҳужжатли фильм. Тушундингми?

Бир-биримиздан норози бўлиб, машинага ўтириди. Бетлари қизарган аскар бола машинани ўт олдираётіб, болаларча нигоҳини менга тикиди.

— ...Кейин нима бўлган? Хон қизи Тубани айтаяпман? Сиз охиригача айтмадингиз.

— Ўша куёвидан, крим хонидан тўй маҳали қочиб кетган. Дарёга қочиб бориб, ўзини ўзи гарқ қилган.

— Ўў-ў! — Аскар бола ҳайратга тушди.

— Воқеани ёшигандан хон, қизнинг отаси дод-вой солибди. Ах, Туба, Туба, нима қилиб қўйдинг, деб йиглапти. Шундан бу дарёнинг номи Ахтуба — Оқтепа бўлиб қолган экан.

— Кейин-чи? Кейин нима бўпти? — аскар бола воқеа тобора қизиқиб борарди.

— Кейин қиз сув парисига айланипти...

— Вой худойим! Мен жинни бўлиб қоламан, — режиссёр йигламсиради. — Ҳайда машинангни.

Машина ўрнидан қўзғалди.

Саройдан мен туғилиб ўсган шаҳаргача эллик километр.

Бу ҳарбий шаҳар кўп йиллар давомида тиканли симлар билан ўраб олинган эди. Унга кириш ва чиқиш фақат маҳсус назорат-тафтиши пунктлари орқали маҳсус руҳсатномалар билан амалга ошириларди. Бу шаҳар ҳақида айтиш ва ёзиш мумкин эмас. Бу шаҳар узоқ йиллар давомида дунё ҳаритасида ҳам кўрсатилмаган. Ҳозир ҳам йўқ. Шаҳарнинг номи ҳам ҳарбий сир эди. Кассадан билет олаётіб: "Фалон шаҳаргача" дейилмасди. Душман ёшигидан қолиши мумкин эди-да. (Гапингни панада писиб ёшигидан душман айғоқчиси сурати — плакатлар шаҳарнинг ҳамма жойига илиб, ёпишириб ташланганди. "Менга саксон бешинчи разъездга қадар билет беринг", дейиш керак бўларди. Шаҳарнинг номи кўп эди. Бу, душманни алдаш, унинг айғоқсини чалғитиш ниятида ўйлаб топилган бўлса ажаб эмас. уни Байроқдор, Ўнинчи Майдон, ёки оддийгини Ўнинчи деб ҳам аташди. Юқорида айтилган саксон бешинчи разъезд, Шаҳарча ва ҳатто Москва-400... Ҳозир ҳам мазкур номларни санаётіб, беихтиёр болаларча ишонувчанлик билан "тағин ҳарбий сирни ошкор этмаёттанимиканман", деган

ваҳима ичимга ўрмалади). Аммо шаҳар аҳолиси ўз шаҳрини қадимги Аштархон яқинидаги қишлоқ Капустин Яр номи билан аташади. Ёки қисқагина Кап-яр.

Эллигинчи йилларнинг ўрталарида шу ерда туғилишини Худо мента раво кўрган экан.

Жудаям қадим замонларда бу ерда Каспий денгизи бўлган. Денгиз чекиниб, иккى юз қадам пастга тушиб кетган. Бизнинг шаҳар денгизнинг ана шу қуриб қолган тубида жойлашган. Тепасида булуғларсиз кўм-кўк осмон ястаниб ётарди. Биз гүё қопқоғи берклиган банка ичida яшардик. Тунлари Янги йил арчасидаги ўйинчоқлардай, юлдузлар шаҳарга қулақ кетадиган даражада осилиб турарди гүё. Айнан ана шу хислати, салкам йил давомида бу ерда ҳаво очиқ бўлишини инобатга олиб, бу ерда ҳарбий машқлар ўтайдиган жой — полигон куришган.

Мен туғилган жой — ракета-ядро полигони бўлиб, айнан шу ерда ракета ва ядрорий куролларнинг энг янгиларини синовдан ўтказишиади. Капустин Ярда эса мана шу полигон хизматчилири, ҳарбийлари, уларнинг оиласири истиқомат қўларди. Полигонга 1946 йили асос солинган.. Улуғ Ватан урушидаги галафамиздан кейинок, Германиядан олиб чиқилган ФАУ-1, ФАУ-2 ракеталарини шу ерга олиб келиб, улар асосида ўзимизникилар ўзимизникини ясашган. Баҳтимизга Рейх олимлари бу қурилмаларни охирига етказишига улгуршмаган, Гитлер ундан фойдалана олмаган. Айтмоқчи, худди шу даврда дунёнинг бошқа бир бурчагида — Америкада, ана шу ракеталарнинг бошқа бўлаклари асосида биринчи америка ракеталари яратилган. Аждарнинг ерга ёкилган тишлари мисол, гитлер ракеталари дунёнинг барча бурчакларидаги иккинчи ҳаётини бошлаган. Ва иккى улкан давлат Америка ва СССРнинг қарама-қаршилиги вуждуга келган. "Совуқ уруш" бошланган.

Мана шунақа шаҳарда биз ҳужжатли фильмни суратга олишимиз керак эди

Назоратчилар ҳужжатларимизни, руҳсатномаларимизни ва Ҳарбий Мудофаа вазирилиги, Генштабдан олган бошқа йўл-йўлакай қофозларимизни текширудан ўтказгандан сўнг ҳам бизни ичкарига киритишмади. Бизни ўтказмаган аскарларга, зобитларга дўқ урдик, биз юқоридан маҳсус руҳсатнома билан келганимиз, кўзларингга кўрсатиб қўйишимиз мумкин деб ваҳима қилдик, у-бу ерларга сим қоқдик, аммо уларга ҳеч нарса таъсир қилмасди. Қўриқчилар бизнинг аҳволимизга мутлақо парво қилмай, безрайиб туришади. Фалати эди бу. Қайта кириш даврида маҳфилик пардаларига дарз кетган бўлса... Шаҳарда аллақаёнлароқ полигонга мутлақо алоқаси йўқ одамлар ҳам яшай бошлаганди. Аммо шаҳарда яшаш бошқаю, шаҳар ҳақида фильмни суратга олиш — мутлақо бошқа нарса экан-да. Гүё Шаҳар бизга ишонқирамаёттанди. Шаҳарнинг барча ҳимоя воситалари бизга қарши иш бошлаганди. Биз нотаниш, бегона, балки душман кишилар эдик. Нима қўлмоқчилигимиз номаълум эди. Шу сабабли Шаҳар типратикон мисоли тиконларини хурпайтириб олганди. Унга қўл тегизишимиши истамасди. Очилишини истамасди. Ичкарига киритмасди. Режиссёр бошини тошларга урадиган даражага етди.

Ана шунда мен масалани ҳал қилдим. Ҳушёр қўриқчилар кўз ўнгиди мен ўт-ўланлар, смородиналар ўсиб ётган тарафга, гүё шунчаки, балки енгил ҳожат чиқарадиган жой излаб юра бошладим. Қўриқчилар — ёш-ёш аскарлар — мени ўнгайсиз аҳволга солмаслик учун оқилона юз ўтиридилар. Мен енгил юриб, назорат доирасидан чиқдим-да, салгина билиниб турган, аммо болалигимдан менга таниш ёлғизоёқ йўлак бўйлаб юрдим ва бетон деворлар орасидаги одам ўтадиган тешикка етиб бордим. Тиконли симлар ўрнини энди ана шу бетон деворлар эгаллаган эди. Тешик орқали шаҳарга руҳсатномасиз кираверса бўларди. Ҳамма шунақа қиларди: "Кетдик, тешикдан кирамиз". Мен енгилгина ичкарига кирдим. Мен ахир шу шаҳар фуқаросиман, бу тешиклардан юз мартараб ўтганман. Мен Совет Армияси кўчасидан чиқдим. Кўчада қатор бир қаватли фин ўйлари

жойлашган. Мана бу уйда биз онам билан яшаганмиз, онам шу уйда мени күтапти. Москвадан, боряпман деб, телефон қылғанман Аммо мен уйга бурилмай, тұпта-тұгри гарнizon штабига кириб бордим.

Киногурух аъзоларини нокулай аҳволдан олиб чиқыш керак.

Штабда бизни генерал билан танишириди.

— Ўйлайманки, сиз шахримиз шаңы ва ҳамшаҳар қизимиз номига мос келадиган, арзирли фильмни суратта оласиз, — деди генерал майнан ва босиқ овозда режиссёрга.

Кейин бизни бир полковникка рүбарү қилиши. Бу ўзимизнинг қишлоқ боласи Юра Данилов эди. Болаликда иккөвон муз қирлардан бирга тойиб тушардик. Биз фильм олиш учун болаларни танлашимиз кераклигини тушунтиридик. Битта ўғыл бола ва иккита қызы бола. Кизларнинг бири менинг болалигимга ўхшаши керак. Қолган иккөвие эса менинг дўстларим ролини ўйнаиди. Бадиийлаштирилган ҳужжатли фильм бўлади. 1962 йил. Мавзу — Караб кризиси. Шаҳарда ва қишлоқда суратга оламиз. Бизга: қайси жойларни суратга олиш мумкин, қайси жойлар мумкин эмас, қайси жойлар учун фақат ёзма рухсатнома кераклигини тушунтириди. Махфий иш жойлари, масалан, ҳозир биз ўтирган штабни суратга олиш — мутлақо маън этилади.

— Ракеталар учирилишини олиш мумкинми? — сўради режиссёр.

— Рухсатномангиз борми?

— Йўқ.

— Демак, рухсат йўқ.

Мен ачиланниб режиссёрга ўқрайдим. Ракеталар учирилишини "тириклий" суратга олиш масаласи — режиссёрнинг бўйнидаги гуноҳ. У Мудофаа вазирилигидан махсус рухсатнома (махфийлик тамғаси) олишини истамади, чунки шундай қилса, бир неча йил мамлакатдан чиқиши имкониятидан маҳрум бўларди. Бу эси паст чет элга, Канн кинофестивалига ошиқиб турарди.

— Лекин бизда киноархив бор. У ерда ракета учирилиши ҳақида ленталар кўп, — деда бизга таскин берди полковник.

Суратга олиш даври учун бизга текинга ҳарбий автобусни битта майор билан биргаликда топшириши. Майор ташкилий ишларни бажириши, бизга ёрдам бериши, шунингдек, ҳушёр кўзларини биздан узмаслиги лозим эди. Майорнинг юзи бояги қўриқчиларники мисол безрайган, безбет эди. Хайрлашаётib, фильм учун болаларни ўзимиз топишимизни маълум қилдик.

— Қалайсан ўзи? — сўради мендан полковник, расмий савол-жавоблардан сўнг.

— Яхшиман. Кўриб турганингдай, фильм оляяпман, романлар ёзаяпман...

— Үқидим, ҳаётин ёзаяпсан.

— Үзинг-чи?

— Мен ҳам доимигидай, — жавоб берди Юра. — Кўриб турганингдай, полковникман. Ярим йилдан сўнг — пенсияга чиқаман... — у ногоҳ менга қишиши қараб, кўз қисиб, кулимсиради. Мен ҳам кулимсирадим. Мен уни ана шу ҳолатда хотирамда сақлаб қолган эдим. Болаликда муз қирларда биргаликда сирпанчиқ ўйнаганимизда у мени қучоқлаб олиб, лабларимдан ўпарди. Мен хикояларимдан бирида бу ҳолатни тасвирилаганман: "Унинг сўлаклари худди менини каби тоза эди". Қирдан пастгача бирга қучоқлашиб сирпаниб боргач, биз ўрнимиздан турардик-да, бир-биримизга қарамай, худди маст одамлар каби тебраниб, яна тепага, қирга — бошқатдан ҳаммасини токорлашга — шошардик.

Бу воқеани факт иккимиз биламиз.

— Лёша, қара, мана бу М ҳарфи. Бу эса А. Ёз: МА-МА... — Амакисининг қизи Инна Лёшага ўқиши-ёзиши ўргатарди. Лёша ўн бешга кириб қўйган бўлса-да, туриши

болакайни эслатарди. Соchlари калта қиқилган, эгнида бироннинг кир кўйлаги, нукул бурнини ковлаб, кейин бармоқларини сўради. Иннага нима кераклигини у тушунмайди. У зерикарди. У бошқа бир нарса билан машғул бўлишни истарди. У стол устидаги юронқозиқ қамалган симтўрга қўл тиқиб, хо-холади.

— Мен сенга ёз деяпман! — қичқирди чиройли кийиниб олган чиройли қўшни қизалоқ Катя. — Аҳмоқсан!

— Ўзий аҳм... — хафа бўлди Лёша. У гапларини тўғри ва охиригача талаффуз этолмасди. Ўн беш кириб ҳалигача ўқиш ва ёзиши билмасди. У етим, онаси бир неча йил бурун вафот этган. Эртаю-кеч ичб, сасиб ётадиган отаси билан яшарди. У аклан заиф. Халқ орасида бунақаларни эркалаб "жинниной" деб атасади..

Лёша, Катя, Инна фильмни суратга олиш учун биз танлаган болалар. Учовиям мен илгари онам билан яшаган кўча болалари. Иннанинг келбати қандайдир менинг қизалоқлик давримга ўхшаб кетарди. Уни бош ролга тасдиқладик.

— Зўр саҳна! — дедим режиссёрга. — Хоҳла, ҳозир суратга ол.

Режиссёр бошини кўтариб менга, кейин бизнинг соямизга айланган майорга қаради. Майор дераза олдида ўтирганча лоқайд кўзларини ташқарига тикиб ўтиради. Гўё унинг биз билан мутлақо иши йўқдек.

— Юр-чи ташқарига, — менга ўгирилди режиссёр. Ташқарига чиққандан сўнг норозилигини яшириб ўтиради. — Фильмимиз йўққа чиқаётганини тушуняпсанми, йўқми?

— Сабаб?

— Мана бу майор биз камерани ишга туширишимиз билан ҳаммасини тушуниб етади.

— Ишончинг комилми?

Режиссёр афсус билай бош чайқади. Биз жимгина бир-биримизга тикилиб қолдик.

Гап шундаки, биз романлар ёзиб, ўз шахрини машхур қилган адаба қизнинг болалиги тўғрисидаги фильмни суратта олишини ҳеч қаҷон хаёлимизга келтирмаганимиз. Бу биз ўйлаб топган аҳмоқона ниқоб бўлиб, ҳарбий шаҳарчада суратлар олиш учун баҳона эди холос. Аввал бошда биз нукул бурнини ковлаб, бармогини сўрадиган, биронта ҳарфни танимайдиган, зўрга чала гапирадиган, ақдан заиф бола ҳақида фильм қўймоқчи бўлдик. Мана шу кўзлари кўм-кўк, Худо билан гаплашадиган замонавий руҳоний ҳакида! Тентак ҳақида! Ахир мана бу маҳфий, жиддий ҳарбий шаҳар, демак, бутун дунё шундайлар ҳисобига тик турибди. Аммо Шаҳар бизга бунақа фильм олиш учун рухсат берармикан? Тентак кўзлар назари билан Шаҳарга қарашибга рухсат берармикан?

Биз гўё айёллик билан шаҳарга кирган, энди очиққўнгил шаҳарликларни шарманда қилишга уринаётган душман айғоқчиларига ўхшардик.

— Йўли топилди, — дедим мен. — Йккита фильм оламиз, мен ҳақимда ва у ҳақда. Камера суратга олишини мендан бошлайди, кейин унга ўтирилади. Шу йўл билан майорни чалғитамиз.

— Қийин иш бу, — деди ишонқирамай режиссёр.

— Ҳечқиси йўқ, уддалаймиз. Энг асосийси, плёнканг етса бўлди.

— Сценарийни қайтадан кўриб чиқишингга тўғри келади. — Режиссёр умид билан менга тикилди.

Мен бош силкиб, далдали, аммо бир қадар совуқ кулимсирадим. Чунки мен ўзимни икки томонлама сотқин ҳисоблардим. Мен факт ўз шахримнинг алдаб қолмай, уни, режиссёри ҳам алдаётгандим. Чунки мен биламанки, худди Китеж шаҳридек кўзга кўринмас учинчи фильмни ҳам суратга оламиз. Бу ҳақда режиссёр ҳеч нарса билмайди.

Шаҳар ҳоҳлардики, у ҳақда яхшигина ҳужжатли фильм олинса, фильmdа Шаҳарнинг кўзга кўринарли жойлари, ғалабалари кўрсатилса, камчиликлари ҳам бир қадар айтилса. Хуллас, чидаса бўладиган ҳақиқатта яқин фильм олинса.



Режиссёрга эса инсон ҳақида бадиий ҳақиқат керак эди. Менга эса ҳаётимиз, турмуш тарзимиз ҳақда афсона керак. Чунки замонлардан фақат афсоналар қолади.

Мен режиссёр билмайдиган битта ҳарбий сирни биламан. Режиссёр учун бу ер шунчаки: баланд-баланд тераклари саф торгтан марказий кӯчаси, Ленин ҳайкали, штаби, Зобитлар уйи, дўкони, ресторани, ҳамоми, бозори мавжуд бўлган кўплаб шунақа ҳарбий шаҳарчаларнинг бири эди. Мен учун эса одатиган уйкусираган одам ниқобидаги бу шаҳар бекёёс Ларзалар Шаҳри эди. Айнан шу ерда, 1962 йили, Кариб кризиси даврида, СССР ва Американинг ўзаро ядрорий уруши бошланиши хавфи арафасида, дунё соч толасидай омонат бўлиб қолган даврда, мен, олти ёшли қизалоқ, Охирзамон қандай бошланишига гувоҳ бўлганман...

Ўша кеч, 1962 йил 28 октябр куни сирена бутун шаҳарга аянчли ва вахимали қичқирганда биз, болалар боғчасининг суткабай тарбияланувчилари, ошхонада кечки овқатни танаввул қилиб ўтирадик. Сиреналарга ўрганиб қолгандик. Охирги ой давомида тунлари бир неча мартараб ўкув сиреналари вой-войлар эди. Аммо бугунги вой-войлаш бутунлай бошқача, бутунлай вахимали эди. У тўхтамай, охирзамондан дарак берётгандай йиги қиласди.

— Уруш! — ийғламсираб қичқирди бизни овқатлантираётган энагамиз. — Уруш бошланди!

У қандай бошланганини биларди: айнан мана шунақа, ҳаво ҳужумлари бошланиши олдидан сиреналарнинг ийғламсираб вой-войлаши... У яна билардики, Америка СССРга ультиматум кўйган, муддат бутун тугаитти. Агар СССР Куба оролидан ўз ракеталарини ийғишитириб олиб чиқиб кетмаса, Америка ядро ҳужумини бошлади. Америка ракеталари биринчи навбатда СССРнинг ракета-ядро куроллари базаларини нишонга олади. Демак, биринчи навбатда бизнинг полигон, бизнинг Шаҳар, бизнинг шаҳар одамлари, оталаримиз, оналаримиз, бизлар нишонда турибмиз. Ҳамма ёқ остин-устун бўлиб кетди. Бизларга тезлик билан кузги пальтоларимизни кийгизиб, кўчага чиқардилар-да, иккитадан сафга турғиздилар. Мен Наташа Березкина деган дугонам, — бир кўчада яшайдиган кўшним, оқила, бўйдор қиз — билан олдинма-орка бир сафда турардим. Уни жуда яхши кўрар, ҳатто бошқаларга рашик қиласди. Биз бир хил, яшил пальтоларда эдик. Чунки биз опа-сингиллардай эдик, фақат мен кичкина, қорачагина, у эса бўйдор, опоққина. Биз бир хил кўйлак киярдик, бизларга бир хил кўйирчоқлар совға қилишарди, сочимиизга бир хил лента тақардик. Ва мана шунақа фурсатда бирга турганимиз менга анча таскин берарди. Биз бирга бўлсан бизга бир нима бўлиши мумкин эмасди. Биз — аввал ўкув тревогасида ўрганганимиздек, — чопқиллаб Фалаба кўчасига, 232-мактабга етиб бордик. Биз учун бу шунчаки бир ўйин эди. Онамнинг айтишича, уруш бошланганда бизлардай қизалоқ бўлган экан, уруш ҳақидаги хабарни шунчаки бир ўйин сифатида қабул қилган, худди олти ёшли Светлана Василенко каби. Хурсанд, қўйқириб, қишлоқни бошларига кўтариб югуришган. Коронги тушди, лекин кўл чироқларини ёқишмади. Биз томон одамлар югуриб келишарди, асосан аскарлар, зобитлар, ҳарбийлар. Улар автобусларга, юк машиналарига ўтиришганча, жўнаб кетишарди. Ленин ҳайкали қад ростлаган майдонда фуқаролар — шаҳримизда ҳарбийларга алоқаси бўлмаган эркакларни, ёш болаларни, қарияларни шундай аташарди, — ўзларини у ёқдан-бу ёққа уришарди. Мегафон тутган одам томоги хириллар даражада одамларни осойишта, тартибли равишда сабрли бўлишга чақирав, ҳозир автобус келиб, ҳаммани бехатар жойга элтишини тушунтиради. Бу тунда Ер юзида бехатар жой бормиди ўзи!

Биз икки кишилашиб кўл ушлашганча, кўчалар бўйлаб югурдик. Зобитлар уйи ёнидан югуриб ўтифик. Бу ерга арча байрамига, кулаган учувчиларнинг азасига неча бор келганимиз. Кейин бизнинг Шаҳримизни курган кичкина, кал, жуда оқёнгил генерал Василий Иванович Вознюкнинг катта ҳовлиси ёнидан югуриб ўтифик. Унинг томорқасини

ўраган деворга чиқиб, ҳовлисидағи гилосларни ўғирлаб еганмиз. "Саноатчилар"нинг кенг меҳмонхонаси ёнидан югуриб ўтифик. Бу ерда Москвадан, бошқа мудофаа заводларидан ракеталарни учига шайлаш учун келган мутахассислар дам олишарди. "Серёжа тоға" шу ерда бизни машинасига миндириб, "катаиса" қилирган. Кейин билсан, у ракеталарнинг Бош Конструктори Королёв экан Наташалар яшайдиган ўнинчи рақамли, биз яшайдиган саккизинчи рақамли фин уйлари ёнидан ҳам югуриб ўтифик. Отам биздан алоҳида, Черняховский номли кўчадаги тош уйда яшарди. Биз Тўпчилар маҳалласи бўйлаб ютуяпмиз, манов ерда фильтрлаш станцияси бор. Онам ўша ерда сувни таҳдил қиласди. Касби шунақа. Авиация кўчасидамиз. "Навбатчи" дўкон ёнидан ўтаяпмиз. Шу дўкондан қора ноннинг бир килосини 14 тийиндан, оқ нонни — 20 тийиндан сотиб оламиз. Оқ нонга тез-тез, нон четини кўшиб беришарди, уни уйга етгунча еб битирардик. Дўкон ёнида катта, қоп-қора, чукур ўра қазилган, унда сув қувуруни тузатишади. Биз торгина, хатарли йўлакча бўйлаб, ўрани айланниб ўтифик... Ҳар йили биз байрам намойишга чиқадиган Ленин кўчасидан ҳам ўтифик. Ҳаммом қад ростлаган 9-май шоҳқўчаси, Аскарлар истироҳат борги... Шу ерда сув тўплагич минора бор. Пиллапоясидан тепасига чиқсант бутун шаҳар, қишлоқ, қишлоқ ичидан ўтадиган Подстепка дарёаси оёқларинг остида ястаниб ётган бўлади. Минорадан тарвуз тўла полиз далалари, Оқтепанинг бир чети ва узок-узокларда — осмонларга туташган Волга — ҳамма-ҳаммаси кўринади. Мен югурап ва шаҳар билан хайрлашардим.

Бизни мактаб ҳовлисида саф тортириши, ҳар биримизга егуликлар бериши ва автобусларга чиқариши.

Биз Наташа билан бирга автобусга ўтиридик. Ва ногоҳ мактаб ҳовлисида Надъкани кўрдим. У бизнинг кўчада яшарди. У аҳмоқ қиз эди. Уни ҳамма аҳмоқ-Надя деб чақириарди. Унинг юзидан ҳеч нарсани билиб бўлмасди. У ҳеч кимга керак эмасди. Кўчадаги болалар ва менинг дугонам Наташа унинг устидан кулиб юришарди. Надя эса менга жудаям боғланиб қолганди, чунки у билан фақат мен ўйнардим, фақат мен унга ачинардим. Надя мен билан бирга остонаяда ўтирганча, овоз чиқариб алланарсаларни мулоҳаза қилас, мен ҳайрон бўлиб, унинг юзига боқар, аммо ҳеч нарсани англай олмасдим. Тушунардимки, у аҳмоқ эмас, балки оқила, балки оқёнгил. Фақат унинг фикрлаш доираси кичкина болалик даврида қолиб кетган, ривожланмаган. Кейин, кўп йиллар ўтиб, мен у ҳақда ўз асарларимда: ҳикояларимда, қиссаларимда, романларимда ёздим. У менинг ҳаётимдаги энг улуг одам бўлиб қолган ва қолади.

Надъка маъносиз юзини у ёқдан-бу ёққа урад, қайси автобусга чиқиши билмасди. Ҳамма уни нарироқ ҳайдарди. Мен уни чақиридим. Мени кўриб у қувониб кетди. Автобусимизга чиқаётган ҳам эди, аммо ҳушёр тарбиячимиз уни ҳайдади:

— Ўзингни қаёққа урайсан? Кўрмаяпсанми, жой йўқ! Тағин, сен бизнинг гуруҳдан эмассан...

Мен эшик олдида турганча қўлимни чўздим. Надъка менга тармашди. Тарбиячимиз газабланди:

— Бизнинг рўйхатда у йўқ! Тинчимасанг сени ҳам тушириб қолдираман.

Наташа қўлимни оғритиб, туртди:

— Тез жойингга ўт, юр, шу тентак туфайли тушириб қолдиришлари ҳеч гап эмас.

Тарбиячи Надъкани эшик тутган жойидан итариб юборди. У ерга йиқилиб тушди ва ажабланган кўйи менга тикилди. Мен эса жим эдим.

Кўп йиллардан сўнг ўқитувчим менга айтди: "Қандай қилиб шу даражадаги төлбовор романларни ёзасан? Тушунмайман. Ахир сен ҳамиша мўмин-қобил қиз эдинг!"

Надъка менга қарар, мен эса жим эдим. Чунки мен мўмин-қобил қиз эдим.

Автобусда болалар бири олиб, бири қўйиб, гап талашарди: "Биринчи ракета ҳужумидан сўнг энг аввал шаҳарда қолганлар ҳалок бўлади. Бизга иккинчи зарбадан

сўнг навбат етади. Кейин бизнинг ракеталар хужум бошлашади ва Американи йўқ қилишади..."

Бизни чўлга келтиришди. Машиналар чироғида иккита қуриб қолган терак кўзга ташланди. Мен Наташанинг бикинига туртдим:

— Таниш жойлар-ку. Иккинчи майдонча.

Баҳорда биз Наташа билан бу ерга лола теришга келганимиз. Велосипедларда етиб келдик. Кўрдикки, чўл қип-қизил, лолаларга бурканган, телбавор маст ҳолатта етиб, шоша-пиши лолаларни узардик. Велосипедларимиз олдига қип-қизил лола фарамларини уйдик. Кейин велосипед қошида дам олишга ўтириб, чарчаганимиз туфайли, баҳор күёшига аллаланиб, ухлаб қолибмиз. Бутун чўл бўйлаб бизларни ўшанда вертолётда излашган. Чўлда адашган одамни вертолётда излаш жуда қийин экан, ўрмонда адашганин топишдан ҳам қийин экан. Бизни кечга томон топиб, ҳарбий автобусда Шаҳарга олиб келишибди. Лолаларни биз кичкина Ленин ҳайкали оёқлари остига қўйдик. Шахримизда иккита Ленин бор: бирин катта, майдонда, иккincinni кичкина, одам бўйи баробар, Зобитлар уйи ёнидаги истироҳат боғида. Биз лолаларимизни ўша ерга қўйдик. Ленин гўё тиззалирига қадар қонга ботиб турарди. Жуда чиройли манзара эди.

(Узоқ йиллар қорасини кўрсатмай кетган Наташа яқинда менга сим қоқиб, мени туғилган куним билан табриклиди-да, сўради: бизнинг қизил лолаларимизни эслайсанми? Ва биз завқ билан ўша саёҳатнинг икирчикирларигача эсладик. Бошқа шаҳардан туғилган кунимга келган бошқа бир дугонам рашик билан бизнинг телефондаги ҳангомамизга қулоқ солди ва дастакни жойига қўйганимдан сўнг ичикиб кетди: "Бизнинг дўстлигимизда ҳам кўплаб яхши жиҳатлар бор! Образли қилиб айтадиган бўлсам, бизда ҳам қизил лолалар бўлган". "Ҳа, яхши жиҳатлар кўп, — дедим мен. — Аммо лолалар фақат Наташа билан бирга бўлган".)

Бутун чўл болаларга тўлиб кетган эди: уларни болалар боғчаларидан, мактаблардан олиб келишган. Қоронгиликда гоҳ у ердан-гоҳ бу ердан қийқириклар, кулилар, ҳангомалар эштиларди. Олов ёқиши таъқиқланди. Спутникда пойлаб ўтирган америкаликлар билиб қолиши мумкин экан. Қоронгидан мен яйдоқ ерга пальтомни ёздим. Наташа иккивомиз маҳкам қучоқлашиб, унинг пальтосини ёпиниб ётдик. Ўлсак бирга ўлишга аҳд қилиб, ҳар эҳтимолга қарши видолашдик. Надъка ҳақидаги ўйлар менга тинчлик бермасди. Уни қолдириб келганимиз мени азобларди. "Тентак-ку у, — деди Наташа оқилона, — ҳатто у ўлсаям унга камроқ ичинг ачийди". Мен Наташанинг кучоғидан чиқдим. Кейин ухлаб қолибмиз. Тунда уйғониб ваҳимага тушдим. Бир вақтлар, катта одам бўлиб етишган Лев Толстойнинг Арзамасдаги ўлим ваҳимасига. Ҳамон эсимда, ўлим ҳақида катталардек фикр юритардим, гўё руҳим улгайиб қолгандек эди. Бу ўйлардан жинни бўлиб қолишим ҳеч гап эмасди. Ҳатто соchlарим тик туриб кетди. Ахир теварак-атроғим қоп-қоронғи, зим-зиё. Охир замон келди шекиlli, деб ўйлардим мен. Мен киприк қоқмай, тонг отишини кутардим. Уйкуда нариги дунёга равона бўлиб кетишдан кўркардим. Агар ўладиган бўлсан, ўлаётганимни билиб ўлишини истардим. Ўйлардимки, ҳамма ўлади, одамизот қурийди, аммо бу ўй мени ташвишга солмасди, чунки у битта менга алоқадор эмасди. Охир замон ҳар бир одамга алоҳида-алоҳида келади. Эрталаб мен Надъкани изладим. Унинг бошқа бир автобусга осилиб келганига ишонишни истардим. Надъка йўқ эди. Тушундимки, мутлақо ҳимоясиз, ҳеч нарсани тушунмайдиган Надъка бир ўзи ўлим билан юзма-юз шаҳарда қолган. Уни мен бу ҳолатда қолдирдим, дея ўйлардим мен. Мени титроқ тутди. То кўёш чиқиб, хужум вақти тугагани, демак уруш бўлмаслигини эълон қилишганча титрайвердим.

Бир неча йиллардан сўнг отам айтди, бошқа тунлар каби, ўша тунда ҳам отам майдончада эди, ва умуман олганда, бутун дунёни остин-устун қилиб юборадиган тутмачани отам босиши мумкин бўлган. Мен отамдан сўрадим: "Сиз ана шу тутмачалар ёнида ўтирганда нималар қилдингиз, нималарни ўйладингиз?" Отам ўйлаб турди-да, деди: "Преферанс ўйнадик". Мен жудаям гаройиб, тайриоддий бир нарсани кутгандим, ахир отам бутун одамизотни қириб юборадиган тутмачани босиши керак бўлган одам эди-да. Кейинроқ тушуниб етдимки, ҳаммаси худди ана шундай, оддийгина бўлиши керак бўлган ва бўлаверади. Чеховдаям худди шунаقا: қаҳрамонлари бир-бирининг пешоналарига ўқ узиш олдидан преферанс ўйнашиди.

Карib кризисидан сўнг менинг отам, — бежирим, кувноқ, давралар гули, гўзаллар орзуси, 33 ёшида майорлик даражасига етган ҳарбий, — ногоҳ ишдан бўшаши тўғрисида ариза бериб, онам билан мени ташлаганча, шаҳардан бир умрга кетиб қолди.

Онам ҳозирга қадар: отанг ўша тунда жинни бўлиб қолган, дейди.

Мен эса ўша тунда ҳаммамиз — бутун шаҳар аҳли жинни бўлиб қолибмиз, деб ҳисоблайман.

Биз режиссёр билан биргаликда ана шу фалати шаҳарда қаҳрамонимиз қандай омон қолиши ҳақида фильм олиш устида бош қотирамиз. У ахир камбағал оиласдан, етим.

Дастлабки кўринишни Зобитлар уйи ёнидаги истироҳат боғида суратга олдик. Майор — одамнинг дўстси, дея ҳазил қиласи тасвирчи Ира. Биз ҳатто майорнинг исмини билишга ҳам қизиқмадик. Мен чалғитувчи ҳаракатлар қиламан. Кулочларимни ёйиб, танца майдончасини кўрсатаман-да, дадил гапираман:

— Мана шу ерда оркестр мусиқа чаларди. Шу ерда ўйин, рақс бўларди. Отам онам билан шу ерда танишишган... — ва мен қачон отамнинг белида бўлганман, қачон онамнинг қорнига ўтганман, барчасини бир бошдан ҳикоя қиламан.

Майор кўл соатига қарайди ва телефон будкаси тарафга жўнайди.

Ана шу дақиқада режиссёр билдирамасдан Лёша-ахмоқни юзага чиқарди. У одатий тарзда боғда бўшаган бутилкаларни тера бошлайди. Булаҳни Лёша учун суратга олиш олдидан режиссёр яшириб чиққан. Кейин биз Лёша бу бутилкаларни топшириши ва ўрнига бир бутилка сут сотиб олиши жаҳёнини суратга олдик. Ира тезлик билан камерани мендан ўтириб Лёшага бурди.

— Ўргилдим қоровулимиздан, — деб қўяди Ира, саҳнани суратга олиб бўлгандан сўнг майор томонга қараб олиб, — сичқонларга мутлақо қарамай қўйди бу мушук.

Биз аскарлар чўчқа ҳам боқадиган ёрдамчи хўжалик жойлашган Чўчқа яловдамиз. Режиссёр ҳаётий лавҳа изляяпти. Лёша бўм-бўш осмон остида ёлғизоёқ йўлда кетиб бораётган бўлиши керак. Мен унга Илонқирни кўрсатаман.

— Нега номи Илонқир? Яна афсонами? — нижинади режиссёр.

— Йўқ.. Шунчаки баҳор келганда иссиқда тобланиш учун илонлар қирнинг жанубий этакларига сирғалиб тушишиди.

— Шуниси етмай турувди, — деди режиссёрни қалтироқ тутиб. — Бўпти, уриниб кўрайлик-чи. Умид қиламанки, кеч кузда илонлар ухлашга ётиштан?

Лёша бўм-бўш осмон остида ёлғизоёқ йўлда велосипед рамасини судраб кетяпти.

Майор автобусда ўтирганча лоқайдилк билан мутлақо бошқа томонларни томоша қилияпти. Ҳатто уни алдашга уриниш ҳам шарт эмас. Режиссёр имо қилгандан сўнг Ира Лёшани суратга тушириди. Пленкани иктисад қилиши керак.

(Давоми 45-бетда)

МУСАЛЛАМБОНУ

Күзимга инмокда кенгликлар

Гамлар юрагимни увададек
титди беармон.
Хар ёнга улоқтирилган
күнгил парчаларидан,
Яланглаб келмоқда
Шеърнинг овози.

* * *

Тушимга Дараҳтлар
киради ҳар тун
Донишманд чоллардек
Турар мунгайиб.
Бу хароб, бу мажрух
Дамни унутиб,
Шу лаҳза одамдай
Яшамоқ мумкин.

* * *

Үттизимда үтин бўлмадим,
Тафти самони куйдиргувчи,

Тугалмас Дардга айландим,
Қоп-қора бағирдан
оттоқ шеърлар туғдим
Умри билан берган бўлсин.

* * *

Севгимнинг тахти бузилди,
Кулади минг йиллик иморат.
Ўзимни қаён уришини билмадим,
Тўрт томонга югурудим зир, зир.
Товонимни қонатди,
Тошойнанинг синиги.
Юрагимга ишқилди
Етти осмон девори.

* * *

Учқизда уч мингга ҳажр тоши ясаб,
Уч мингта гулмини чопдинг бешафқат.
Тондек кўзларингда уйғонган эдим,
Бугун қучогинеда ўлмоқлигим шарт!



* * *

Бу совуқ симларда
армон михланган
Уйғонмай жон берган
Олий туйғулар.
Анаву минг йиллик
Темир тирқишилар
Ҳеч қачон потмаган
Озодлик таъмин.

* * *

Юзимда табассум, кўзларим чақноқ,
Ҳеч қачон сезмайсиз жароҳатларим.
Балки ўлгандирман, балки ҳаётман,
Унсиз айтиб кетдим Ҳақиқатларим!

Нурмуҳаммад ХАЙДАРОВ

Марғилонимсан

Марғилон шаҳрининг 2000 йиллиги олдидан

Ал-Марғилоний юртисан, Марғилонимсан,
Гўзal Фарғонам кўркисан, Марғилонимсан,
Бертаю Тамара, Марҳабодир қизларинг,
Хуру гўзаллар шаҳрисан, Марғилонимсан.

Шаҳрим, сен келину куёвлар баҳтисан,
Кумушу Увайсиӣ, Юлдузхонлар шаҳрисан,
Ҳофизу аскиячи, шоирлар юртисан,
Шаҳри азимсан, гўзалсан, Марғилонимсан.

Қизларингга совчилар келар турли ёндан,
Отабек Кумушни топди-ку Марғилонидан,
Дардманд даво топар Олишириқ, Чимёндан,
Сен парилар маконисан, Марғилонимсан.

Доимо гуллаб-яшнайсан, шаҳрим ўзинг.
"Япти-япти" чиройлидир шевали сўзинг,
Аллоҳ ўзи бергандир сенинг ризқу рӯзинг,
Мард наҳлавонлар юртисан, Марғилонимсан.

Авалиёлару алломаларнинг шаҳриёрисан,
Кизу жувонлар айтган ўлан, гулёрисан.
Янги авлодлар таронаси — алёрисан,
Гавҳархонимлар юртисан, Марғилонимсан.

Мана яна очлар, Марғилон, юзларинг,
Хурматингни қиласар чолу ўғил, қизларинг,
Доимо омадли келсин ёзу кузларинг,
Гўзал маликалар шаҳрисан? Марғилонимсан.

Жондан сўйганим, маконим, Марғилонимсан,
Хонатлас, адрасга коним, Марғилонимсан,
Сен сўйган азим шаҳрим якка-ягонамсан,
Иссиқ оби, ширмой ноним? Марғилонимсан.

Сени алқаб дуо айлар доим Нурматинг,
Будир биссанг, гўзal шаҳрим, сенинг хурматинг,
Доим таъзимдадир барча элу умматинг,
Ўзинг ҳуршқолар юртисан, Марғилонимсан.



Бугун баҳти кун. Лёшка остоңада отаси билан ўтирган саҳнани суратта олдик. Отаси Лёшкадан сўради:

- Осмонда нима бор, Лёшка?
- Нима бор экан?
- Юлдузчалар. Ортимдан тақрорла. Юлдузчалар.
- Юлду-ла, — тақрорлайди Лёшка.
- Куёш.
- К-е...
- Ой.
- О-о...

— Яна нима бор, Лёшка? — сўрайди отаси. Спиртли ичимликдан заҳарланиб бўлган мияси бошқа нарсани тополмайди. — Яна нима бор эди?

Лёшка жимиб қолади, ногоҳ юзи жиддий қиёфага киради ва аниқ-тиник айтади:

- Худо...

Отаси қўрқиб кетиб Лёшкага, кейин осмонга қарайди.

Биз ҳалақит беришдан чўчиймиз. Ира суратга тушириди. Биз режиссер билан қучоқлашиб, бир-бirimizni табриклимиз.

Мазкур саҳнани Ира ўйлаб топди. Суратга олиш арафасида ўлиб қолган қўёнчасини Лёшка дағн этади. Қор ёқсан. Совуқ. Биз қишлоққа. Подстёпа дарёси қирғонига томон борамиз. Лёшка музлаб қолган ерни белкурак билан ковлягти. Мен совқотиб қолганим туфайли жавоб сўраб кетдим. Майор мен билан бирга исинишга жўнади. У ҳатто мен ҳақимдаги фильм нега менсиз суратга олинаёттанини ҳам сўраб ўтиргади. Афтидан, у ҳеч нарсани тушумасди. Ҳудога шукр! Бир соатлардан сўнг режиссер биз ўтирган иссиқ жойга кириб келди. Ҳурсанд. Қўзойнаги ялтираб, майорга ҳикоя қила кетди:

— Зўр бўлди. Биласизми, қўёнчасини дағн этиб бўлгандан сўнг у нима деди?

- Майор режиссерга тескари ўтирилди.

— Нима деди? — майорнинг ўрнига мен сўрадим.

— Бир умр ўйлаб ҳам тополмайсизлар. У қабрча устига тошчалар сепди-да, деди: "Мана шунақа!"

Режиссернинг кайфияти ёмон.

— Сен ёмон сценарий ёзгансан, — даъво қилади у менга. — Эпизоддан эпизодга чўкиб борялмиз, ҳеч нарса чиқмаяпти.

— Агар ҳақиқатан ҳам ҳеч нарса чиқмаса-чи? — дея ўзимни ҳимоя қиласман, аммо режиссер ҳақлигини ичимдан тан оламан. — Бир гурбат излаб топамизми, а?!

Икковлон — икки ёвуз — қаҳрамонимиз бошига ҳандай гурбат ёфдирсак экан, деб ташвишга ботамиз. Режиссер менга қараб кулимсирайди:

— Мен битта ифлослини ўйлаб топдим... — дейди у ва совуқ, куллади. Қулгисидан тананг музлаб кетади.

Лёша, Инна ва Катя тўп ўйнашти. Улар ўша тешик орқали шаҳардан чиқиб, қишлоқ томон бордилар ва биз Юра билан бир вақтлар сирпанчиқ ўйнаган қирга чиқдилар. Мен ҳар эҳтимолга қарши майорни чалғитиши учун тетик овозда мазкур қир ҳақидаги матнни ўқийман. Кейин Катяга яқинлашаман-да, дейман:

- Сен унинг аччигини чиқар.

— Лёшканингми? Қандай?

— Аҳмоқ де! Каллаварам де, касал де. Ишқилиб бир нарса де...

— Бу яхши эмас, — деди Катя тўмсирайиб. — У хафа бўлади.

— Сценарий бўйича шундай қилиш керак. Қани, бўл.

— Хў-ўп, — рози бўлди Катя истамайгина, ерга қараб. Кейин Иннага учуб бориб, қулоғига нимадир деди. У ҳурсанд ҳолда бош силкиди.

Улар ўйинни бошладилар. Катя Лёшкага ёқади. У Катяга тўпни узатади. Катя тўпни қайтариб узатади. Тўп Лёшканинг қўлидан тушиб кетади. Қизлар — кеча режиссер кулгани каби — этни совуқ жимиirlatib куладилар. Катя билан Инна тўпни янада нарироқ ва

нарироққа ирғитаверадилар. Лёшка аччиқланади. Нимадир юз берадиганини у сезиб қолади. Ахир ҳаммаси яхши бошланган эди-да. У Катя билан Иннага баромги билан ўқталади

Биринчи бўлиб Инна чидамайди:

— Аҳмоқ! — бор овози билан чинқирди у.

— Ни-а? — Лёша қотиб қолди Юзи аянчили қалтираб кетди. — Ни-а дединг?

— Телба! — қиқирлади Катя ҳам.

Лёша қулоқларига ишонмай, унга томон ўгирилди.

Ахир шу қизни ёқтиарири.

— Касал! Ақли заиф! — бақириарди Инна.

— Жиннивой! — уни қўшқуллади Катя.

Лёша ногоҳ ердан таёқча олиб, гўё мазкур хужумдан ҳимояланиб, турган жойида айлана бошлади. Қизлар чинқирдилар. Аммо энди, — ҳеч қандай жазо олмасдан кишини ҳақорат қиласвериш мумкинлигини анлаган ҳолда, — улар жон-жаҳдлари билан бир-биридан ҳақоратли сўзларни Лёшанинг юзига ёғдиришарди. Лёша тентак бўлиб қолди, таёқчани отиб юборганча, ерда ётган эски резина шлангни олиб, Катяни қувиб етди, ва бир зарб билан қулатди, ва ёввойиларча, ҳайвонларча қичқириб, уни ура кетди. Тасвирчи Ира камерани ташлаб, қўзларини қўли билан тўсади.

— Суратга ол! — қичқириди режиссер.

Ира ради жавобини бериб қўл силкиди. Режиссер камера олдига етиб бориб, ўзи тушира бошлади. Мен юргурчанга етиб, Лёшанинг ушладим-да, четга судрадим. Лёша ўзини ерга ташлаб, узок, ваҳимали тарзда телбavor хо-холаб кулди. Катя йиғлаганча тешик томон югуриб кетди. Мен ортидан бордим. Излаб, қоронги саройнинг бир бурчагига қамалиб, йиғлаётган ҳолида топиб, юпатмоқчи бўлдим. У менга қичқириди:

— Тегмант мэнга! Кетинг. Ёмон кўраман сизни!

— Вой Худойим-эй! Нима қилиб қўйдиг-а! Энди бир умр эслаб қолади бу қизалоқ...

Мен қайтиб келдим. Ҳамма ҳали суратга олиш майдонида. Бир-бirimizga қарамай асбоб-ускунларимизга йиғиштирдик.

Автобусда режиссер менга секин, аммо кўнгли тўлиб, деди:

— Бўлди! Зўр фильм бўлди! Мен тасаввур қиласман.

— Тур-э! Фильминг бошингдан қолсин! — жавоб бераман мен. Ва узоқ вақт оддий ҳалқона иборалар билан у қаёққа туриб кетиши кераклигини тушунтираман. Ва нигоҳимнинг бир бурчи билан майор биринчи бор мени фоят катта қизиқиши билан кузатаётганини англайман.

Биз режиссер билан киноархивга кирдик. Киномеханик менинг собиқ қўшним. Бир кўчада яшаганмиз. Шурик Саплин. Болалигимда ундан сира ажрамасдим. У мени синглисида етаклаб юрар, ардоқларди. У мендан саккиз ёш катта эди. Ҳазил-ўйин тарзда бизни унаштирган бўлдилар. Мен ўн ёшдалигимда у ҳарбий хизматта кетди. Мен ўзимни гўё келинчакдай ҳис қилиб, уни кутган, ҳатто хатлар ёзган эдим. У мени эсдан чиқариб, ҳарбий хизматдан ўйланган ҳолда қайтиб келди. Шу тахлит Шурикка унаштирилганича қолиб кетганман.

Шурик эртадан кечгача киноплёнкаларни кўрсатди. Биринчи ер йўлдоши. Белка ва Стрелка — итлар космосда. Биринчи ракеталар учирилиши. Мана булар замонавий ракеталар. Аммо нимадир етишмасди.

— Шурик, нимадир етишмаяпти, — дедим мен.

— Нима?

— Охирзамон, — дедим мен телбаларча кулимсираб.

Шурик менга маънодор қараб қўйди-да, қаёққадир кетди. Кейин Бойкўнир космодромида ракета учираётб портлаш юз бергани туфайли генерал Неделин ҳалок бўлиши ҳақидаги фильмни кўтариб келди. Ўша пайтда бизнинг ҳам кўплаб зобитларимиз ҳалок бўлишган. Ахир Кап-Яр билан Бойкўнир ака-ука эдилар, бир-бири билан



борди-келди қилиб турардилар. Бир-бирига мутахассис жўнтардилар. Ўша кунлари Шаҳримизда бир қанча вақтгача йиғи-сиги тинмади, аза устига аза бўлаверди.

Фильм бошлангандан биз маъюс тортиб қолдик. Ядро ҳалокни оғатларини тошдай қотиб томоша қилдик. Бу ахир, бор, содир бўлган воқеа борлигича суратга олинган хужжатли фильм эди-да. Экранда — Охир замон. Қанчалар жирканч бўлмасин, бизга айнан шу керак. Режиссёр билан кетишга отганамиз.

Шурик мени тўхтатади. Қўлида яна битта фильм.

— Мана буниям кўр. Атайлаб сен учун олиб келдим. Режиссёр кетди. Мен қолдим.

Ўн беш йил бурунги кунлар. Қайта қуриш бошланаяпти. Капустин Яр полигонида Совет Иттифоқининг энг зўр ракеталаридан бири СС-20 ни йўқ қилишяпти. Ракета қирғоққа чиқиб қолган кит каби чўл ўртасида ётиди. Атрофиди одамлар уймалашяпти. Зобитлар ракетани ишдан чиқаришга ҳозирлашяпти. Гўё футбол ёки парадидан томоша қилгани келгандай, трибуналарнинг биринчи қаторларида чет эллик кузатувчилар ва муҳбирлар, уларнинг ортида театрга борган каби ясан-тусан кийинган зобитларнинг хотинлари. Мана, юзлари тошдай қотган зобит. У қулогининг орқасини ушлаб кўради, гўё бу тушимми, ўнгимми, дегандай. Мен уни танимайман. Синфдошим Саша Воронин. Ишни охирига етказувчи зобит. Яъни заводдан келтирилган ракеталарнинг ҳолатини охирги даражага етказувчи, учиршига ҳозирловчи. Яна бир синфдошим, яна бир ракетачи Сергей Кальянский кулган эди: "Саша ракетанинг сиртини худди қиз болани эркалаётгандай силаб-сийлайди. Ракета ҳам ўз навбатида Сашага шу тахлит жавоб қайтаради. Саша учирган ракеталар ҳамиша нишонга тегади. Улар маъноли бир тарзда, айланиб, худди тирик жондай, нишонни қўвив бетади. Улар жуда чиройли учади! Саша гений! У ракеталар Моцарт! Ва Моцарт каби беўй, маишатпараст". О, мен Москвадан Шаҳарчага келиб, синфдошлар йиғилганимизда, бизнинг ҳовлимиз боғчасида биргаликда қанчалар телбavor, унтилмас лаҳзаларни бошдан кечирганимиз. У гитара чаларди, тинмай ҳазил қиласарди, тинмай куларди! Онам эҳтиёtsизлик билан боғчада қолдирган, уз лиитрия банкаларга тайёрлаб қўйган гилос виноларининг қанчаларини иҷиб тутатганимиз! Оқтепага балиқ овига бориб, неча пақирлаб балиқларни қовуриб еганмиз! Бир гал августда, юлдузлар ярқираган тунда қанчалар истакларимиздан фол очганимиз! Биз иккимиз дўст ҳам эмасдик, ўнаш ҳам эмасдик, бизни бир-бирилизга ҳеч нарса боғлаб турмасди. Биз фақат синфдошлар эдик, шунинг учун рассом хатосиз равиша бошқа рассомни танлагани каби, ҳаётдан завқланиши учун у мени ўзига йўлдош қилиб танлагандай.

Аммо ҳозир мен уни таний олмасдим.

У жуда ғалат ҳаракат қиласарди, гўё вужудида қандайдир ларзалар юз бератгандай. Угоҳ керак бўлмаган ҳолатда қўлини кўтарар, гоҳ керак бўлмаган ҳолатда у ёқдан-бу ёққа буриларди. У ракета қўшига бориб, уни ишдан чиқариш учун портлатадиган асбонни шунчалар азадор бир ҳолатда ўрнатарди, гўё ўз онасини портлашга ҳозирлаётгандай. Ёки фарзандини дафн этаётгандай.

Ҳамма нарса портлатишга тайёр. Шу фурсат кадрга улкан алвонранг қуюқ, булат кириб келади. Табиатда бунақа булат йўқ. Кадра эса бор. Даҳшатли, жудайм даҳшатли чақмоқ чақди. Момақалдироқ гумбурлади, яшин чақнади. Кучли жала қуя бошлиди. Трибуналаги журналистларни плаш-палаткаларга ўрашди. Зобит хотинларининг соч турмаклари эшакнинг думидай осилиб қолди. Саша Воронин қўлини кўтарди. У портлашга раҳбар. Қўлини силкиди. Портлаш юз бердими, момақалдироқ гумбурладими... Теварак-атрофни мислсиз даражада ваҳимали ёритиб, улкан чақмоқ осмонни иккига бўлиб ташлади. Бир дақиқага яшин нури

Сашанинг ўликникидай сўник юзини кўрсатди. У йиғларди.

Мен гўё унга ёрдамга бормоқчидай, шошилиб ўрнимдан турдим. Бунақа ҳолга тушганлар ўз жонларига қасд қиладилар.

Фильм тугади.

— Кейин у ичилилкка берилиб, охир-оқибат ўзини ўзи осди, — деди Шурик лентани жойига ўаркан.

— Ким? — сўрадим тушунмай.

— Ким бўларди? Саша Воронин... Танимадингми?

— Қачон юз берди бу?

— Яқинда бир йил тўлади.

— Менга ҳеч ким айтмаганди.

— Айтадиган бўлмай қолди ўзи. Ҳозир шаҳарчада бирин-кетин ўзларини... — Шурик тушунарли тарзда ўзларини нима қилишаётганини кўрсатди. — Мен Сашкани тушунаман. Иш йўқ. Энг асосийси, умид йўқ. Бир йилда битта, иккита ракета учиршиади, холос. Шуям иши? Бўйи, келинчак, юр қани! — деди у.

Мен қалтираф кетдим. Наҳотки эсика бўлса?

— Ҳа, эсидан чиқариб юборган деб ўйлаганимидинг? Ажи-бужи ҳатлар жўнтардинг-ку менга? — деди Шурик ўзидан кўнгли тўлиб. — Ҳалигача қаерлардадир ётиди. Кейинроқ Сотбис аукционида қиммат нархда сотаман...

Режиссёр ўз фильмини суратга олиб бўлди. Мен эса йўқ. Менга ҳали яна бир саҳна керак..

— Сени тушунолмай қолдим, — деди режиссёр. — Биз жуда кўп нарса тўпладик...

— Йўқ, — дейман мен. — Ҳали кўрасан, ана шу саҳнасиз фильм фильм бўлмайди.

Яхшиси кўшиб кўйиши керак: Охирзамон саҳнасиз фильм кўнгилдагида чиқмайди.

Савдогар уйининг чолдеворлари орасида суратга оляпмиз. Инқиlobдан сўнг уни НКВД ўзига идора қилиб олган. Қайта қуриш даврида иморатта ўт қўйишиди.

Лёша чолдеворлар оралаб ҳуштак чалганча, тентираб юрипти. Кушлар билан гаплашяпти. Кушлар унинг ҳуштагига жавоб беришяпти.

— Сенга нима керак ўзи? — сўрайди мендан режиссёр. — У нима қилиши керак?

Менга нима кераклигини ҳали ўзим ҳам билмайман, аммо нимадир етишмайтани аниқ.

Лёшка хас-ҳашакларни йиғиб, ўт қўйди, ўтда совуқ қотган қўлларини иситди. Қизил, катта қўллар, худди Надъка-аҳмоқнинг қўлларидек.

— Тўхта! — дейман юрагимни босиб. — Тўхта!

Топдим. Охир замон юз бериши керак бўлган тунда Надъка нима қилганини биласизми? Унинг бир ўзини Шаҳарчага ташлаб қочганимизда? У албатта олов ёққан бўлиши керак. У ахир олов ёқиши мумкин эмаслигини билмаган-ку. Ўша тунда ҳам совуқ эди. Олов ёққан ва қўлларини иситган.

— Оддик, — дедим мен.

Мен ўз Шаҳрим ҳақидаги афсонани суратга олиб бўлдим.

Энди қайтсан ҳам бўлаверади.

Нон олиш учун дўконга боряпман. Дўкон олдида умр бўйи қачон қарама — кавланган ўра. Яна сув қувури тешилитти, яна уни таъмирлашяпти. Йиқилишимга сал қолиб, тор йўлак бўйлаб ўрани айланиб ўтаётсиб, энг хатарли жойда Надъка-аҳмоққа дуч келдим. Қўлтигига бир буханка нон. Иккимиз чукур ўранинг икки томонида турибмиз. Надъка мени кўриб хурсанд бўлиб кетди. Мен у билан нима ҳақда гаплашишни билмайман, шу сабабли кўришаман-да, ўтиб кетаман. Аммо энди нимагадир тўхтаб қолдим. Мен унинг маъносиз юзига, маъносиз, бўм-бўш кўзларига боқиб, негадир одатий саволни бераман: "Аҳволлар қалай, Надъ?" Ва одатий:



"доимгидай, яхши", деган жавобни олишга шайланаман. Аммо у негоҳ оҳ тортади, гёб бу саволим унинг бошига турзи бўлиб тушгандаи ва энди миаси бирдан яхши ишлаеттандай. Унинг кўзлари чақнади, ақди жойига тушди, у менга синовчан назар ташлади ва юрагимни эзib ташлар даражада жавоб берди: "Ҳар хил, Света! Баъзан ўзимни кўйгани жой тополмай қоламану, ўзимни ўзим осгим келади. Баъзан... эл қатори... яшяяпмиз ишқилиб..."

Вой худойим-ей, қай биримиз тентакмиз, дея ўйлайман мен. Биз ўранинг тепасида турибмиз. Менинг бошим айланди, тушундимки, тез ажрамасак, мен ўрага кулаб тушаман.

— Ўрадан нарироққа ўтайлик, йўқса, кулаб тушамиз.

Надъка чуқурга, унинг тубига қаради ва деди:

— Мен ўша тунда шу ерда яшириниб ётганман. Эсингдами, америкаликлар бизни бомбардимон қилган тунни?

Менинг юрагим парчаланиб кетди.

— Каерда яшириндинг? — сўрайман бўғиқ овозда.

— Шу чукурдами?

— Ҳа-а, шу ерда, — деди Надъка. — Мени автобусга олишмади. Ўтига ютуриб бордим, қоронги экан, кейин йўлда шу ўрага кулаб тушдим.

— Тун бўйи шу ерда ўтиридингми?

— Аввал бақирдим, — деди у ва жимиб қолди.

— Кейин-чи? Кейин нима бўлди? — сўрайман мен.

У жавоб бермайди. Яна унинг юзидағи шуур сўнди. У менга маъносиз, бўм-бўш кўзларини тикиди. Юрагим қинидан чиқиб кетар даражада ураяпти. Мен эҳтиёткорона уни айланниб ўтаман-да, дўконга кираман. Мен ўтиглаб кетяпман: нега бу ерга келдим? Нега бу фильмни олаяпман? О Худойим, ўзинг кечир! Надъкага нисбатан қилган гуноҳим учун Ўзинг кечир! Илтимос!!! Мен ўтирилдим. Надъка ҳамон ўранинг тепасида қўмирламай маъносиз нигоҳини менга қадаб, қотиб турарди

— Надя... — дедим мен.

Унинг кўзларида тағин учкун чақнади.

У мен томон бир қадам кўйди, мен ўтирилиб, унинг истиқболига ютурдим. Уни кучоқладим. У йигидан ҳўл бўлган юзини менинг йигидан ҳўл бўлган юзимга босди. У ўпишишнинам билмасди. Лаблари билан эмас, бутун юзи билан, менинг юзимдан ўпарди.

— Мен ўшанда бу ерда ЖУДА қаттиқ қўрқдим. — Надъка кўзлари қири билан ўрага ишора қилди. — Бир ўзим... сенсиз...

Мен унинг йигидан қизарган юзига қарадим ва ўзимни ўқотиб, дедим:

— Билмам, Надя... Надя, мени кечир...

Ва ўзим негоҳ тушуниб етаманки, ўшанда Худо бизни эмас, уни асраран. Агар ҳақиқатан ҳам ядро уруши бошланганда яйдоқ ҷўлда ётган бизлар биринчи зарбданоқ ҳалок бўлардик. Надъка эса чукур ўрада жони омон қоларди. Балки одамизот ичра ёлғизгина у омон қоларди.

Қайтиш олдидан режиссёрнинг юраги санчиб қолди. Қаттиқ ишлаганимиз таъсир қилди шекилли. Полковник Юра билан хайрлашиш учун ёлғиз ўзим штабга бордим.

Полковник хонасида бир ўзи ўтирганча нимадир ёзаяпти. Менинг саломимга бош кўтармай, тўнгиллаб алиқ олди.

— Қайтаяпмиз, — дедим мен. — Хайрлашишга келдим.

Юра ниҳоят хўмрайганча бошини кўтарди.

— Хўш, — деди еб кўйгудай ўкрайиб. — Аҳмоқларинг тўгрисидаги фильмни суратта олиб бўлдиларингми?

Мен ўзимни ўқотдим.

— Юра! Биз менинг болалигим ҳақиқидаги фильмни суратта олдик, — дедим мен эҳтиёт бўлиб.

— Йўқот! — Юранинг юзи тундлашиди. — Ўргилдим сендақа зиёлилардан! — ва у онамнинг авра-астаритача ағдариб, роса сўқинди. Мен кетиш учун ўтирилдим. — Бу ердагиларнинг ҳаммаси кўйми, сенингча? Ҳеч нарсани тушунмаймизми? Айғоқчиларимиз ҳали ишлаети. Биринчи кадрни олганларингдаёқ мақсадларингни тушунгандим... — деди у орқамдан.

— Унда нега бизни ушлаб бермадинг? — газабланган ҳолда унга ўтирилдим.

У жим бўлди. У менга баҳтсиз кўзларини тикиди.

— Э, билганларингни қилмайсанларми? — деди у ҳоргин. — Бари бир Шаҳар тугаган. Кулаб битди, — ва алам билан ёниб давом этди: — Светка, нима, сен тушунмайсанми?! Биз ахир давлатни бой бердик! Шундай давлатни-я?!

Биз ярашиб хайрлашдик. У менга қийшиқ тикилиб, негоҳ ўнгайсизланиб сўради:

— Ҳар қалай, музғалоқ эсингдадир? Зўр учардика!

Бу ерда, бу Шаҳарчада ҳамма болалигидаги ҳамма нарсани ёдида сақларди. Ва Худо бизни ўз ёнига чорлаганда биз кичкина болалар бўлиб унинг қаршисида тизиламиз ва ўз болалигимизни гапириб берамиз: қизил лолалар терганимизни, муз тепаликлардан пастга сирғаниб учганимизни, яйдоқ ҷўлда ётиб, ўлимимизни кутганимизни. Унга фақат болалигимизни айтамиз. Чунки бошқа нарсаларни эсдан чиқарганимиз. Ва балким, ўшанда Худо бизни кечирав?

— Юра, музғалоқ учганимиз бутун умр ёдимда қолган, — дедим мен.

— Ҳаёт... — хўрсинди Юра, — бунчалар тез ўтиб кетяпти-я!

— Ҳаётдан фақат афсоналар қолади, — дедим мен.

— Ҳуллас, бўлти, сен бизни киноингда мутлақо... кўмиб ташлама. Сен ҳар қалай ҳамшаримизсан. Капярликсан. Ҳеч бўлмас, одамларда умид қолсин, — деди у менинг кўзларимга тикилиб. Ва бутунлай бошқача оҳангда оҳ урди: — Эҳ! Тезроқ қарисам эди, Светка! Бу тартибсизликларни кўрмасам эди...

Мен чиқиб жўнадим. Ўлик шаҳар бўйлаб кетяпман. Ўлик мамлакат бўйлаб кетяпман.

Биз ўша "газик"да қайтаяпмиз. Ўша, бетлари қизарган ёшгина аскар бола рулда. Мен унинг ёнида ўтирипман. Орқада киногуруҳ кувноқ оҳангда ҳангома қилияпти, солдат кружжаларига спирт қўйиб ичяпти. Мен касал бўлиб қолдим, шу сабабли ичмаяпман. Иссигим баланд.

Биз Олтин Ўрда ёдгорлиги олдига келдик. Киногуруҳ машинани тўхтатиб, суратга тушиш учун ёдгорлик томон кетди. Мен машинада қолдим. Ёдгорликни ўраган кузги чўл даласи тракторда ҳайдаб ташланган. Ёдгорликка этиш учун шудгор оралаб ўтиш керак.

Шу ердаги бекатда бир мужик қуритилган вобла сотарди. Киногуруҳ қайтиб келди. Режиссёр мужикдан вобла сотиб олди-да, унга арз қилди:

— Ёдгорликка яқинлашиб бўлмайди. Бирон нарса экишмоқчими?

— Ҷўлда қ...ни экишармиди? — жавоб берди мужик.

— Унда нега ҳайдаб ташлашди?

— Олтин тулпорни излаяпти. Ботухон қаергадир шу атрофга кўмган экан, — дея мужик болакайга тушунтирган каби жавоб берди режиссёрга. Худди кечаги воқеани айтиётгандай.

*"Новый мир" журналининг 2006 йил 5-сонидан
Абулқосим МАМАРАСУЛОВ таржимаси.*





O'zbekiston Yozuvchilar uyushmasi,



«Kamolot» yoshtalar ijtimoiy harakati

Jamoatchilik kengashi raisi:

Abdulla ORIPOV

Jamoatchilik kengashi:

Gulruh A'ZAMOVA

Abulqosim MAMARASULOV

Ahmad OTABOYEV

Nurmat OTABEKOV

Farmon XUDOYBERDIYEV

Minhajiddin MIRZO

Ahmad USMONOV

Bosh muharrir

Sobir O'NAR

Bosh muharrir o'rinnbosari

Luqmon BO'RIXON

Mas'ul kotib

Akbarali MAMASOLIYEV

Tahrir hay'ati:

Odil YOQUBOV

Abduqayum YO'L DOSHEV

Abdusaid KO'CHIMOV

Sirojiddin SAYYID

Rustam MUSURMON

O'rozboy ABDURAHMONOV

G'affor HOTAMOV

Yoshlarning adabiy-ijtimoiy jurnali. 1982-

yildan chiqa boshlagan.

© "Yoshlik" № 1 (212)-2007 y.

Ushbu son "Yoshlik" jurnali tahririyatining

kompyuter markazida sahifalandi.

Sahifalovchi: Saodat RUSTAMOVA

Manzilimiz: Toshkent shahri, O'zbekiston ko'chasi, 16A-uy.**Telefon:** 393-08-23, **E-mail:** yoshlik_xatlar@rambler.ru

Bosishga 23. 02. 2007 yilda ruxsat berildi.

Qog'oz formati 60x84 1/8. Nashriyot hisob tobogi 6,0.

Indeks 822 ISSN 0207-9137

Jurnal 2003 yil 29 dekabrda Matbuot va Axborot agentligi
tomonidan 072 raqami bilan ro'yxtarga olingan.**MUNDARIJA****MUHARRIR MINBARI**

Yilning mazmuni I

NASR

Erkin A'ZAM. Zabarjad. Kinoqissa 2

Mirzo AHAD. Hajviy hikoyalar 18

KELAJAK OVOZI

Nosir BOYMIRZAYEV. Polvoncha raqs. Hikoya 22

NAZM

Tursun ALI. Borayapman yuragim sari 16

Abduazim QOBILOV. Hayot sharobin tutib 20

Yusuf XUDOYQUL. Ko'zing qarog'ida quyoshning tafti 21

Baxtiyor BOBONOV. Toshkent taronasi 33

Musallambonus. Ko'zimga inmoqda kengliklar 39

Nurmuhammad HAYDAROV. Marg'ilonimsan 39

Mahmud TOIR. Oshiq ohi. Doston 43

BIRINCHI UCHRASHUV

Vazira SHODIYEVA. Ko'nglima ishqning shu'lesi tushdi 25

Muqaddas SALOMOVA. Dunyoga kelmoqda yana tabiat 30

Xurshidbek MAMAJONOV. Oshiq dilda g'ururim 30

ODAM VA OLAM

Konfutsiy saboqlari 31

QARDOSHLAR ADABIYOTI

Svetlana VASILENKO. Tikanli simlar ortidagi shahar 34

ADABIY TANQID

G'ulom KARIM. Jaziramadagi odamlar qismati 27

TAQRIZ

Suvon MELIEV. Badiiy obraz — mahorat mezoni 31

Muqovalarimizda**1-betda:** Alisher NAVOIY tavalludining 566 yilligi.**2-betda:** "Kelajak ovozi" ko'rik-tanlovi.**3-betda:** Tanigli yozuvchi va publisist G'affor HOTAMOV.**4-betda:** Bahor eshik qoqapti.

Jurnaldan ko'chirib bosilganda «Yoshlik»dan olindi» deb izohlanishi shart.

Alisher Navoiy nomidagi O'zbekiston Milliy kutubxonasi bosmaxonasida chop etildi.

Buyurtma № 18

Manzil: Toshkent. sh. X. Sulaymonova ko'chasi, 33-uy.